



# ইদেশ ও মুন্তাব্দী মূল্যায়ণ



আবদুল হামীদ ফাইয়ী

# হাদীস ও সুন্নাতুর মূল্যমান

প্রণয়নে

আবদুল হামীদ ফাইয়ী আল-মাদানী

বিশিষ্ট আন্তর্জাতিক ইসলামী গবেষক, লেখক, মুহাক্কিক আলিম ও দাঁটি

প্রকাশনায়  
তাওহীদ পাবলিকেশন  
ঢাকা-বাংলাদেশ

# হাদীস ও সুন্নাহর মূল্যমান

আবদুল হামীদ ফাইয়ী আল-মাদানী

বাংলাদেশ সংক্রান্ত :

প্রথম প্রকাশ : অক্টোবর ২০১০ ইসারী

প্রকাশনায় :

তাউহীদ প্রেস এন্ড পাবলিকেশন

৯০, হাজী আবদুল্লাহ সরকার লেন, বংশাল, ঢাকা-১১০০

ফোন : ০২৭১১২৭৬২, ০১১৯০৩৬৮২৭২, ০১৭১১৬৪৬৩৯৬

ইমেল : [tawheedpp@gmail.com](mailto:tawheedpp@gmail.com)

ওয়েব : [www.tawheedpublications.com](http://www.tawheedpublications.com)

প্রচন্দ : আল-মাসরুর

**ISBN : 978-984-8766-59-5**

মুদ্রণ :

হেরো প্রিন্টার্স.

হেমন্ত দাস লেন, ঢাকা

## ভূমিকা

الحمد لله رب العالمين، والصلوة والسلام على أشرف الأنبياء  
والمرسلين، نبينا محمد وعلى آله وصحبه أجمعين، ومن تعهم  
يا حسان إلى يوم الدين، أما بعد:

আমরা মুসলিম। ইসলাম আমাদের আল্লাহ কর্তৃক মনোনীত ধর্ম। এই ধর্মের মূল উৎস হল কুরআন ও সুন্নাহ। আল্লাহর কিতাব কুরআনের পর স্থান হল তাঁর রাসূল ﷺ-এর সুন্নাহর। শরীয়তের দলীল হিসাবে কুরআনের পাশাপাশি গুরুত্ব রয়েছে সুন্নাহর। কুরআন যেমন আমাদের জীবন-সংবিধান, অনুরূপ সুন্নাহও আমাদের জীবন পথের দিক-দিশারী। কুরআন মানতে আমরা সুন্নাহকে অবহেলা করতে পারি না। আল্লাহর রসূল ﷺ-এর হাদীসকে আমরা অগ্রাহ্য করে মুসলিম হতে পারি না। কোনও অজুহাতে তা আমরা দৃষ্টিচ্ছৃত করতে পারি না।

বিদ্যুত-বাতি জ্বালাতে হলে যেমন ধনাত্মক ও খণ্ডাত্মক পাশাপাশি উভয় তারই জরুরী, ঠিক তেমনিই জীবনে চলার পথে অঙ্ককারে বলমলে আলো আনয়ন করতে প্রয়োজন হল কুরআন ও হাদীসের যৌথ দীপ্তির বিকিরণ। তা না হলে আমরা অষ্ট ও ধূংস হয়ে যাব।

মহানবী ﷺ বলেন, “অবশ্যই আমি তোমাদের মাঝে এমন জিনিস ছেড়ে যাচ্ছি; যদি তা দৃঢ়তার সহিত ধারণ করে থাকো, তবে কখনই তোমরা পথব্রষ্ট হবে না; আর তা হল, আল্লাহর কিতাব এবং তাঁর নবীর সুন্নাহ (কুরআন ও হাদীস)”

এতদ্সত্ত্বেও মুসলিম সমাজে সুন্নাহর প্রতি অবজ্ঞা ও অবহেলা অন্যায়সে পরিলক্ষিত হয়। সুন্নাহ বা হাদীসকে দলীলরূপে মানার ব্যাপারে

(হাকেম, সহীহ তারগীব ৩৬৩)

এবং দলীলরূপে মানার পরেও তার উপর আমল করার ব্যাপারে বিভিন্ন ছল-ছুতা, টাল-বাহানা, আলস্য ও অনবধানতা নজরে পড়ে। পরিদৃষ্ট হয় সুন্নাহ নিয়ে নানা তর্ক-বিতর্ক। সুন্নাহর প্রতি গুরুত্বহীনতা প্রকাশ এবং অসমীচীন কুমন্তব্য করতে শোনা যায় অনেকের মুখে।

এই জন্য আলেম সমাজের উপর সে বিষয়ে মুসলিমকে সতর্ক ও সচেতন করার দায়িত্ব এসে বর্তায়। সুন্নাহর গুরুত্ব, মাহাত্ম্য ও মূল্যমান বর্ণনা করে সমাজকে তা মান্য ও পালন করতে উদ্ব�ৃদ্ধ ও অনুপ্রাণিত করা জরুরী হয়ে পড়ে। সুন্নাহর বিরুদ্ধে আরোপিত অপবাদ খণ্ডন করা, সুন্নাহকে মিথ্যা কলঙ্ক থেকে মুক্ত করা এবং মৃত সুন্নাহকে উজ্জীবিত করার গুরুভার পড়ে প্রত্যেক আলেমের উপর। ফলে যাঁর যতটুক ক্ষমতা ততটুক দায়িত্ব পালন এবং গুরুভার বহন করেন।

আমিও সাধ্যানুযায়ী আমার ভাব ও ভাষা নিয়ে যতটুক পারি লিখতে শুরু করি সেই দায়িত্ব পালনের মানসে। আল্লাহ যেন এ কাজকে কবুল করে নেন এবং তা নিজের জন্য খালেস করেন -এই কামনাই করি।

এই পৃষ্ঠিকা দ্বারা সমাজ উপকৃত হলে এবং মহানবী ﷺ-এর প্রতি ভালোবাসা ও আনুগত্য বৃদ্ধি পেলে আমার শ্রম সার্থক হবে।

বিনীত

**আব্দুল হামীদ মাদানী**

আল-মাজমাআহ, সউদী আরব  
তাৎ ২০ শে শওয়াল ১৪২৫ হিজরী



# সূচীপত্র

ক্রম.	বিষয়	পৃষ্ঠা
১.	‘সুন্নাহ’র অর্থ	6
২.	সুন্নাহর মাহাত্ম্য ও গুরুত্ব	7
৩.	মহানবী ﷺ-এর অনুসরণের উপমা	30
৪.	মৃত সুন্নত জীবিত করার মাহাত্ম্য	32
৫.	হাদীসের সাথে আদৰ	34
৬.	মহানবী ﷺ-এর প্রতি ভালবাসা	37
৭.	সাহাবা (রাখ্যিঃ)-দের সুন্নাহর অনুসরণ করার ক্ষতিপয় নমুনা	42
৮.	যাঁরা সুন্নাহ পালন করেন, তাঁরা কি গোঁড়া?	49
৯.	বিদআতীরাই সুন্নাহর দুশ্মন	51
১০.	হাদীস-বিরোধী রায়	53
১১.	হাদীস মানার ব্যাপারে আঘেস্মায়ে কিরামের উক্তি	56
১২.	সুন্নাহর অনুসরণ এবং নিজস্ব রায় ও বিদআত বর্জন করার প্রতি সলফে সালেহীনদের স্বত্ত্বাত	64
১৩.	সুন্নাহ বা হাদীস-বিরোধী মানুষের ব্যাপারে সলফের ভূমিকা	72
১৪.	সুন্নাহ অগ্রহ্য করার তড়িৎ-শাস্তি	86
১৫.	হাদীস না মানার জাহেলী অজুহাত	89
১৬.	হাদীস অমান্যকারীর ক্ষতিপয় সন্দেহ ও তার নিরসন	92
১৭.	সুন্নাহ কিভাবে সংরক্ষিত হল?	100
১৮.	হাদীস মানা ওয়াজেব কখন?	105
১৯.	সব হাদীস মান্য নয় কেন?	106
২০.	হাদীস জাল হওয়ার কারণসমূহ	107
২১.	জাল হাদীস ধরা পড়ে কিভাবে?	119
২২.	হাদীস য়াৰীফ কেন?	124

## ‘সুন্নাহ’র অর্থ

উলামাদের পরিভাষায় সুন্নাহর একাধিক অর্থ থাকে :-

১। সুন্নাহর আভিধানিক অর্থ হল, তরীকা, চাহে তা ভালো হোক অথবা মন্দ।

২। ফকীহদের পরিভাষায় সুন্নাহ (সুন্নত) হল, যা করা মুষ্টাহাব; যা করলে সওয়াব আছে এবং ছাড়লে গোনাহ নেই, যার বিপরীত হল মাকরহ।

৩। মুহাদ্দেসীনদের পরিভাষায় সুন্নাহ হল, হাদীসের প্রতিশব্দ। অর্থাৎ, মহানবী ﷺ-এর প্রত্যেক কথা, কাজ, মৌনসম্মতি, চারিত্রিক অথবা দৈহিক গুণাবলী কিংবা তাঁর জীবন-চরিত; চাহে তা নবুআতের পূর্বের হোক অথবা পরের।

৪। মহানবী ﷺ-এর তরীকা, আদর্শ ও পথনির্দেশকে (প্রত্যেক সৎকর্ম, আদব ও সচরিত্রাতকে) সুন্নাহ বলা হয়। যা মানের দিক থেকে ওয়াজেবও হতে পারে অথবা মুষ্টাহাব, আকীদাগত ব্যাপার হতে পারে অথবা ইবাদত, ব্যবহার ও চরিত্রগত কোন ব্যাপার হতে পারে।

৫। সুন্নাহ হল, কুরআন ও সুন্নাহর নির্দেশ অনুযায়ী আমল করা, সলফে-সালেহীন (সাহাবার) অনুকরণ করা এবং হাদীসের অনুসারী হওয়া।<sup>১</sup>

৬। আবুল কাসেম আসবাহানী বলেন, ভাষাবিদরা বলেছেন যে, সুন্নাহ মানে জীবন-চরিত ও তরীকা। প্রচলিত কথায়, ‘অমুক সুন্নাহর অনুসারী’ অর্থাৎ, সে তার কথায় ও কাজে কুরআন ও হাদীসের অনুসারী। যেহেতু সুন্নাহ (তরীকা) আল্লাহ ও তদীয় রসূলের বিরোধী হতে পারে না।

৭। ইবনে রজব বলেন, সুন্নাহ হল চালু পথের (অনুসৃত তরীকার) নাম। আর তা হল, তিনি ও তাঁর খুলাফায়ে রাশেদীন যে আকীদা, আমল ও বক্তব্যের উপর প্রতিষ্ঠিত ছিলেন, তাই শক্তভাবে ধারণ করার নামান্তর। এটাই হল পরিপূর্ণ সুন্নাহ। এ জন্যই পূর্বকালে সলফগণ ঐ সকল অর্থ

(আল-হজ্জাহ ফী বায়ানিল মাহাজ্জাহ ২/৪২৮)

ছাড়া ‘সুন্নাহ’ শব্দ ব্যবহার করতেন না। অনুরূপ কথারই অর্থ হাসান (বাসরী) আওয়াঙ্গি ও ফুয়াইল বিন ইয়ায থেকে বর্ণিত আছে।<sup>৭</sup>

## সুন্নাহর মাহাত্ম্য ও গুরুত্ব

মুসলিমের নিকট সুন্নাহ, হাদীস ও তরীকায়ে মুহাম্মদীর গুরুত্ব বিশাল। মহান আল্লাহর কিতাবের পর তাঁর প্রেরিত রসূল ﷺ-এর তরীকা ছাড়া আর কার তরীকা উভয় হতে পারে মুসলিমের কাছে? অবশ্য এই গুরুত্ব পাওয়ার বিভিন্ন কারণ আছে, যা নিম্নরূপ :-

১। সুন্নাহ হল এক প্রকার অহী।

অহী মাত্লু হল কুরআন মাজীদ। আর অহী গায়র মাত্লু হল সুন্নাহ। মহানবী ﷺ-এর উপর যে অহী আল্লাহর ভাষায় অবর্তীর্ণ ও সংরক্ষিত হয়েছে এবং যার তেলাঅতে প্রত্যেক অক্ষরের বিনিময়ে ১০টি করে সওয়াব পাওয়া যায়, তাই হল (অহী মাত্লু) কুরআন। আর কুরআন ছাড়া যে শরয়ী নির্দেশ নিয়ে অহী নাযিল হত এবং যা মহানবী ﷺ নিজ ভাষায় ব্যক্ত করতেন তাই হল সুন্নাহ। বলা বাহ্য্য এ কথা বিদিত যে, তিনি শরীয়তের ব্যাপারে নিজের তরফ থেকে কিছু বলতেন না।

মহান আল্লাহ বলেন,

﴿وَمَا يَنْطِقُ عَنِ الْهَوَىٰ - إِنْ هُوَ إِلَّا وَحْيٌ يُوحَىٰ﴾

অর্থাৎ, সে মনগড়া কথা বলে না। তা তো অহী, যা তার প্রতি প্রত্যাদেশ করা হয়। (সূরা নাজৰ ৩-৪ আয়াত)

মহানবী ﷺ-এর উপর যে ধরনের অহী নাযিল হত তা মোটামুটি ৬ প্রকারেং:-

(ক) স্বপ্নে তাঁর উপর অহী অবর্তীর্ণ হতো।

(খ) জিবরীল ﷺ অদৃশ্য থেকেই তাঁর হন্দয়ে অহী প্রক্ষিণ্ঠ করে দিতেন।

• (জামেউল উলূমি অল-হিকায় : হাদীস নং ২৮)

(গ) জিবরীল খুঁজা মানুষের আকৃতি ধারণ করে তাঁকে সরাসরি সমোধন করতেন।

(ঘ) জিবরীল খুঁজা-কে তাঁর নিজ সৃষ্টিগত আকৃতিতে দর্শন করে অঙ্গপ্রাণ হতেন।

(ঙ) অঙ্গ অবতীর্ণ হওয়ার সময় পাথরে শিকল পড়ার শব্দের মত শব্দ শোনা যেত। আর এই অঙ্গের সময় তিনি বড় কষ্টবোধ করতেন এবং তাঁর দেহ ঘেমে যেত।

(চ) আল্লাহর নৈকট্যে তাঁর সাথে পর্দার অন্তরাল হতে সরাসরি নির্দেশ হয়েছিল।

উক্ত সকল প্রকার অঙ্গের মাধ্যমে মহানবী ﷺ জ্ঞান ও নির্দেশপ্রাণ হয়েছিলেন। আর সেসবই হল সুন্নাহ বা হাদীস। যা আসলে মহান আল্লাহরই নির্দেশ।

মহানবী ﷺ বলেন, “শোন! আমাকে কুরআন দান করা হয়েছে এবং তারই সাথে তারই মত (সুন্নাহ) দান করা হয়েছে। শোন! সম্ভবতঃ নিজ গদিতে বসে থাকা কোন পরিত্পু লোক বলবে, ‘তোমরা এই কুরআনের অনুসরণ কর; তাতে যা হালাল পাও, তাই হালাল মনে কর এবং তাতে যা হারাম পাও, তাই হারাম মনে কর। অথচ আল্লাহর রসূল যা হারাম করেন তাও আল্লাহর হারাম করার মতই।’”<sup>8</sup>

## ২। সুন্নাহ হল কুরআনের ব্যাখ্যা

সুন্নাহ না থাকলে কুরআনকে সঠিকরূপে বুঝতে উম্মাহ সক্ষম হতো না। অনেক আয়াতের অর্থ নিয়ে মানুষ বিভ্রান্তিগ্রস্ত হত।

মহান আল্লাহ বলেন,

﴿وَمَا أَرْسَلْنَا مِنْ رَسُولٍ إِلَّا بِلِسَانِ قَوْمِهِ لِيُبَيِّنَ لَهُمْ﴾

অর্থাৎ, আমি প্রত্যেক রসূলকেই তাঁর স্বজাতির ভাষাভাষী করে প্রেরণ করেছি, তাদের নিকট পরিক্ষারভাবে ব্যাখ্যা করার জন্য। (সূরা ইবরাহীম ৪)

<sup>8</sup> (আবু দাউদ, ইবনে মাজাহ, দারেমী, মিশকাত ১৬৩নং)

﴿وَأَنْزَلْنَا إِلَيْكَ الذِّكْرَ لِتُبَيِّنَ لِلنَّاسِ مَا نَزَّلَ إِلَيْهِمْ وَلَعَلَّهُمْ يَتَفَكَّرُونَ﴾

অর্থাৎ, তোমার প্রতি কুরআন অবতীর্ণ করেছি মানুষকে স্পষ্টভাবে বুঝিয়ে দেওয়ার জন্য যা তাদের প্রতি অবতীর্ণ হয়েছে এবং যাতে তারা চিন্তা করে। (সূরা নাহল ৪৪ আয়াত)

﴿وَمَا أَنْزَلْنَا عَلَيْكَ الْكِتَابَ إِلَّا لِتُبَيِّنَ لَهُمُ الَّذِي اخْتَلَفُوا فِيهِ وَهُدًى  
وَرَحْمَةً لِّقَوْمٍ يُؤْمِنُونَ﴾

অর্থাৎ, আমি তো তোমার প্রতি কুরআন অবতীর্ণ করেছি যারা এ বিষয়ে মতভেদ করে তাদেরকে সুস্পষ্টভাবে বুঝিয়ে দেওয়ার জন্য এবং মুমিনদের জন্য পথনির্দেশ ও করুণা স্বরূপ। (সূরা নাহল ৬৪ আয়াত)

উদাহরণ স্বরূপ ফজর (সেহরীর শেষ সময়) চেনার ঘটনা।

মহান আল্লাহ বলেন,

﴿وَكُلُوا وَاشْرِبُوا حَتَّىٰ يَبْيَسْ لَكُمُ الْحَيْطُ الْأَبِيسُ مِنَ الْخَيْطِ الأَسْوَدِ  
مِنَ الْفَجْرِ، ثُمَّ أَتَمُوا الصِّيَامَ إِلَى اللَّيلِ﴾

অর্থাৎ, আর তোমরা পানাহার কর, যতক্ষণ পর্যন্ত না কালো সুতা থেকে ফজরের সাদা সুতা তোমাদের নিকট স্পষ্ট হয়েছে। অতঃপর তোমরা রাত পর্যন্ত রোয়া পূর্ণ কর। (সূরা বাব্দারাহ ১৮৭ আয়াত)

উক্ত আয়াতে উল্লেখিত কালো সুতা ও সাদা সুতা বলে রাতের অঙ্কারার ও দিনের শুভতাকে বুঝানো হয়েছে। বুধারী ও মুসলিমে আদী বিন হাতেম (رض) কর্তৃক বর্ণিত, উক্ত আয়াত অবতীর্ণ হলে তিনি (মাথায় রুমালের উপর ব্যবহার্য) একটি সাদা ও একটি কালো মোটা রশি (বালিশের নিচে) রাখলেন। রাত্রি হলে তিনি লক্ষ্য করলেন, কিন্তু (কোন্টা সাদা ও কোন্টা কালো) তা স্পষ্ট হল না। সকাল হলে তিনি এ কথা আল্লাহর রসূল ﷺ-এর কাছে উল্লেখ করলেন। তিনি ﷺ তাঁকে বললেন, “তোমার বালিশ তাহলে খুবই বিশাল! কালো সুতা ও সাদা সুতা তোমার বালিশের নিচে ছিল?!”<sup>১</sup> অন্য এক বর্ণনায় আছে, “তার মানে হল,

<sup>১</sup> (বুধারী ৪৫০৯১)

রাতের অঙ্ককার ও দিনের শুভতা।”<sup>৬</sup>

আল্লাহ তাআলা বলেন,

﴿الَّذِينَ آمَنُوا وَلَمْ يُلْسِسُوا إِيمَانَهُمْ بِظُلْمٍ أُولَئِكَ لَهُمُ الْأَمْنُ وَهُمْ

مُهْتَدُونَ﴾

অর্থাৎ, যারা ঈমান এনেছে এবং তাদের ঈমানকে যুল্ম দ্বারা কল্পিত করেনি, তাদের জন্যই নিরাপত্তা এবং তারাই সৎপথপ্রাপ্ত। (সূরা আনআম ৮২)

আব্দুল্লাহ বিন মাসউদ (رضي الله عنه) বলেন। ‘এই আয়াত যখন অবতীর্ণ হল, তখন মুসলিমদের নিকট বিষয়টি কঠিন মনে হল। বলল, ‘আমাদের মধ্যে কে আছে যে নিজের উপর যুল্ম (অন্যায় বা পাপ) করে না?’ তা শুনে রসূল (ﷺ) বললেন, (তোমরা যে যুল্ম মনে করছ) তা নয়। বরং তা (সবচেয়ে বড় যুল্ম) কেবলমাত্র শির্ক। তোমরা কি পুত্রকে সম্মোধন করে লুকমানের উক্তি শ্রবণ করনি? (তিনি তাঁর পুত্রকে বলেছিলেন),

﴿يَا بُنَيَّ لَا تُشْرِكْ بِاللَّهِ إِنَّ الشَّرْكَ لَظُلْمٌ عَظِيمٌ﴾

অর্থাৎ, হে বৎস্য! আল্লাহর সাথে শির্ক করো না, নিশ্চয় শির্ক বড় যুল্ম।<sup>৭</sup>

বলা বাহ্যিক, সাহাবাগণ যা বুঝেছিলেন, আসলে কুরআনের বক্তব্য তা ছিল না। আসল বক্তব্য স্পষ্ট হল মহানবী (ﷺ)-এর ব্যাখ্যা থেকে।

মহানবী (ﷺ) বলেন, “আল্লাহ তাআলা বলেন, যে ব্যক্তি আমার অলীর বিরুদ্ধে শক্রতা পোষণ করবে, আমি তার বিরুদ্ধে যুদ্ধ ঘোষণা করব। বাদ্দা যা কিছু দিয়ে আমার নৈকট্য লাভ করে থাকে তার মধ্যে আমার নিকট প্রিয়তম হল সেই ইবাদত, যা আমি তার উপর ফরয করেছি। আর সে নফল ইবাদত দ্বারা আমার নৈকট্য অর্জন করতে থাকে। পরিশেষে আমি তাকে ভালবাসি। অতঃপর আমি তার শোনার কান হয়ে যাই, তার দেখার চোখ হয়ে যাই, তার ধরার হাত হয়ে যাই, তার চলার পা হয়ে

• (বুখারী ১৯১৬, মুসলিম ১০৯০নং)

• (বুখারী ও মুসলিম)

ষাই! সে আমার কাছে কিছু চাইলে আমি অবশ্যই তাকে তা দান করি। সে আমার কাছে আশ্রয় প্রার্থনা করলে আমি অবশ্যই তাকে আশ্রয় দিয়ে থাকি। আর আমি যে কাজ করি তাতে কোন দ্বিধা করি না -যতটা দ্বিধা করি একজন মুমিনের জীবন সম্পর্কে; কারণ, সে মরণকে অপছন্দ করে। আর আমি তার (বেঁচে থেকে) কষ্ট পাওয়াকে অপছন্দ করি।”<sup>৮</sup>

কিন্তু বিদিত যে, কোন্টা ফরয, কোন্টা নফল তা চেনার উপায় সুন্নাহর নির্দেশ।

এ কথা একটি সাধারণ লোকেও বুঝতে সক্ষম হবে যে, জীবনে চলার পথে কেবলমাত্র কুরআনই আমাদের জন্য যথেষ্ট নয়। কেননা, কুরআনে সকল কথার বর্ণনা থাকলেও, সমস্ত কথার বর্ণনা বিস্তৃত নয়, বিশদ নয়। আর সেই ক্ষেত্রে দরকার পরে সুন্নাহর। যেমন; নামায ফরয হওয়ার কথা কুরআন থেকে জানা গেলেও, তা কত পরিমাণে কোন্ সময় কি নিয়মে ফরয, তা সুন্নাহ থেকেই জানতে হয়। যাকাত আদায় ফরয কুরআনে বলা হলেও, তা কত পরিমাণে কোন্ সময় কি নিয়মে ফরয, তা সুন্নাহ থেকে বুঝে নিতে হয়। আর এই শ্রেণীর অনেক আমলই।

এখানে একটি সতর্কতার বিষয় যে, কোন বিষয়ে ফায়সালা দেওয়া ও নেওয়ার সময় আগে কুরআন ও পরে সুন্নাহ নয়। বরং পাশাপাশি উভয়ই উম্মাহর জন্য আলোক-দিশারী।

যেমন মনে করুন, এক শিক্ষিত ব্যক্তির জীবন পরিচালিত হল কুরআন দ্বারা। সে হাদীস জানে ও মানে; কিন্তু কুরআনের ফায়সালা পেয়ে গেলে আর হাদীস দেখে না। ঠাণ্ড একদিন সকালে দেখল, তার পুকুরে বড় একটি মাছ মারা পড়েছে। এখন সেটা খাওয়া হালাল না হারাম তা দেখার জন্য কুরআন খুলল।

দেখল কুরআনের এক জায়গায় লিখা আছে,

﴿إِنَّمَا حَرَّمَ عَلَيْكُمُ الْمَيْتَةَ وَالدَّمَ وَلَحْمَ الْخِنْزِيرِ وَمَا أَهْلَبَ بِهِ لِغَيْرِ اللَّهِ﴾

(বুখারী ৬৫০২নঁ)

অর্থাৎ, তিনি শুধু তোমাদের জন্য মৃত জীব, রক্ত, শূকরের মাংস এবং যা আল্লাহ ব্যতীত অপরের উদ্দেশ্যে নিবেদিত- তাই অবৈধ করেছেন।

(সূরা বাস্তুরাহ ১৭৩ আয়াত)

আরো এক জায়গায় উল্লেখ আছে,

**﴿حُرُمَتْ عَلَيْكُمُ الْمِيتَةُ وَالدَّمُ وَلَحْمُ الْخِنْزِيرِ﴾**

অর্থাৎ, তোমাদের জন্য মৃত, রক্ত, শূকর মাংস---- হারাম করা হয়েছে।

(সূরা মাইদাহ ৩ আয়াত)

বলা বাহ্য, এই বিধান পেয়ে সে বেচারী আর ঐ মাছটি তুলে রাখা করে না খেয়ে ফেলেই দিল। অথচ সে যদি সুন্নাহকেও পাশাপাশি জীবন-সংবিধান বলে রেখে নিত, তাহলে অবশ্যই মৃত বড় ঐ রুই মাছটি থেকে বঞ্চিত হত না।

কুরআনে যে সব মহিলাকে বিবাহ করা হারাম তার বিস্তারিত বর্ণনা দেওয়ার পর বলা হয়েছে,

**﴿وَأَحِلَّ لَكُمْ مَا وَرَاءَ ذِلْكُمْ﴾**

অর্থাৎ, এ ছাড়া অন্যান্য মহিলা তোমাদের জন্য (বিবাহ) হালাল করা হয়েছে----।

(সূরা নিসা ২৪ আয়াত)

এবাবে কেউ যদি সেই সাথে সুন্নাহ না দেখে নিজ স্ত্রীর বর্তমানে তার খালা অথবা ফুফুকেও বিবাহ করতে চায়, তাহলে সে অবশ্যই হারাম বিবাহ করে বসবে। কারণ, সুন্নাহতে এমন বিবাহ হারাম ঘোষণা করা হয়েছে।

সুন্নাহ বা হাদীসকে মেনে নেওয়ার জন্য মহান আল্লাহর এই বাণীই আমাদেরকে তাকীদ করে, আর তা মেনে নেওয়া আমাদের জন্য অপরিহার্য কর্তব্য। মহান আল্লাহ বলেন,

**﴿وَمَا آتَاكُمُ الرَّسُولُ فَخُنُودُهُ وَمَا نَهَاكُمُ عَنْهُ فَانْتَهُوا﴾**

অর্থাৎ, রসূল তোমাদেরকে যা(র নির্দেশ) দেয় তা গ্রহণ (ও পালন) কর এবং যা নিষেধ করে তা হতে বিরত থাক।” (সূরা হাশর ৭ আয়াত)

হয়েরত ইবনে মাসউদ (رضي الله عنه) কর্তৃক বর্ণিত, তিনি বলতেন, ‘(হাত বা চেহারায়) দেগে যারা নকশা করে দেয় অথবা করায়, চেহারা থেকে যারা লোম তুলে ফেলে (জ্ঞ চাঁছে), সৌন্দর্য আনার জন্য যারা দাঁতের মাঝে ঘসে (কাঁক কাঁক করে) এবং আল্লাহর সৃষ্টি-প্রক্রিতিতে পরিবর্তন ঘটায় (যাতে তাঁর অনুমতি নেই) এমন সকল মহিলাদেরকে আল্লাহ অভিশাপ করুন।’

বনী আসাদ গোত্রের এক উম্মে ইয়াকুব নামক মহিলার নিকট এ খবর পৌছলে সে এসে ইবনে মাসউদ (رضي الله عنه) কে বলল, ‘আমি শুনলাম, আপনি অমুক অমুক (কাজের) মহিলাদেরকে অভিশাপ করেছেন।’ তিনি বললেন, ‘বাদেরকে আল্লাহর রসূল (ﷺ) অভিশাপ করেছেন এবং যার উল্লেখ আল্লাহর কিতাবে রয়েছে তাদেরকে অভিশাপ করতে আমার বাধা কিসের?’ উম্মে ইয়াকুব বলল, ‘আমি (কুরআন মাজীদের) আদ্যোপান্ত পাঠ করেছি, কিন্তু আপনি যে কথা বলছেন তা তো কোথাও পাইনি।’ ইবনে মাসউদ (رضي الله عنه) বললেন, ‘তুমি যদি (গভীরভাবে) পড়তে তাহলে অবশ্যই সে কথা পেয়ে যেতে। তুমি কি এ আয়াত পড়নি?’

﴿وَمَا آتَكُمُ الرَّسُولُ فَخُذُوهُ وَمَا نَهَاكُمْ عَنْهُ فَاتَّهُوا﴾

অর্থাৎ, রসূল তোমাদেরকে যা(র নির্দেশ) দেয় তা গ্রহণ (ও পালন) কর এবং যা নিষেধ করে তা হতে বিরত থাক।” (সূরা হাশর ৭ আয়াত)

উম্মে ইয়াকুব বলল, ‘অবশ্যই পড়েছি।’ ইবনে মাসউদ (رضي الله عنه) বললেন, ‘তাহলে শোন, তিনি এই কাজ করতে নিষেধ করেছেন।’ মহিলাটি বলল, ‘কিন্তু আপনার পরিবারকে তো এই কাজ করতে দেখেছি।’ ইবনে মাসউদ (رضي الله عنه) বললেন, ‘আচছা তুমি গিয়ে দেখ তো।’

মহিলাটি তাঁর বাড়ি গিয়ে নিজ দাবী অনুযায়ী কিছুই দেখতে পেল না। পরিশেষে ইবনে মাসউদ (رضي الله عنه) তাকে বললেন, ‘যদি তাই হত তাহলে আমি তার সাথে সঙ্গমই করতাম না।’<sup>১০</sup>

আব্দুর রহমান বিন ইয়াযিদ (رضي الله عنه) একটি লোককে দেখলেন, সে (হজ বা উমরার) ইহরাম বেঁধেছে; কিন্তু তার পরিহিত সাধারণ কাপড়ও তার

(বুখারী ৪৮৮৬নং, মুসলিম ২১২৫নং, আসহাবে সুনান)

গায়ে আছে। তা দেখে তিনি তাকে ঐ কাপড় খুলে ফেলতে বললেন। লোকটি বলল, আপনি ঐ কাপড় খুলতে আদেশকারী কুরআনের একটি আয়াত আমার কাছে পেশ করুন। তিনি তার জবাবে পাঠ করলেন,

﴿وَمَا آتَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانفهُوا﴾

অর্থাৎ, রসূল তোমাদেরকে যা(র নির্দেশ) দেয় তা গ্রহণ (ও পালন) কর এবং যা নিষেধ করে তা হতে বিরত থাক।” (সূরা হাশর ৭ আয়াত)<sup>১০</sup>

তদনুরূপ সুন্নাহ কুরআনে বর্ণিত নির্দেশের অভিনিষ্ঠিত ভিন্ন নির্দেশ দিতে পারে যেমন মহান আল্লাহ বলেন,

﴿وَإِذَا ضَرَبْتُمْ فِي الْأَرْضِ فَلَيْسَ عَلَيْكُمْ جُنَاحٌ أَنْ تَقْصُرُوا مِنَ

الصَّلَاةِ إِنْ خَفْتُمْ أَنْ يَقْتَلُكُمُ الَّذِينَ كَفَرُوا﴾

অর্থাৎ, যখন তোমরা ভূপৃষ্ঠে সফর কর, তখন তোমরা নামায সংক্ষেপ করলে তোমাদের কোন অপরাধ নেই; যদি তোমরা এই আশংকা কর যে, কাফেররা তোমাদেরকে বিরুত করবে। (সূরা নিসা ১০১ আয়াত)

বাহ্যতঃ উক্ত আয়াত থেকে যদিও এই কথা বুঝা যায় যে, কেবল ভয়ের সময় নামায কসর করা বৈধ, তবুও ভয় ছাড়া নিরাপদ সময়েও কসর করা যায়। মহানবী ﷺ ও তাঁর সাহাবায়ে কেরাম (রায়িঃ)-গণকে ভয়-অভয় উভয় অবস্থাতেই কসর করতে নির্দেশ দিয়েছেন বলে প্রমাণিত।

একদা হ্যরত য্যালা বিন উমাইয়া (رض) হ্যরত উমার (رض)-কে বলেন, কি ব্যাপার যে, লোকেরা এখনো পর্যন্ত নামায কসর পড়েই যাচ্ছে, অথচ মহান আল্লাহ তো কেবল বলেছেন যে, “যখন তোমরা ভূপৃষ্ঠে সফর কর, তখন তোমরা নামায সংক্ষেপ করলে তোমাদের কোন অপরাধ নেই; যদি তোমরা এই আশংকা কর যে, কাফেররা তোমাদেরকে বিরুত করবে।” আর বর্তমানে তো ভীতির সে অবস্থা অবশিষ্ট নেই?

হ্যরত উমার (رض) উভয়ের বললেন, যে ব্যাপারে তুমি আক্ষর্যবোধ করছ, আমিও সেই ব্যাপারে আক্ষর্যবোধ করে নবী ﷺ-এর নিকট এ

<sup>১০</sup> (আল-মুয়াফাকাত ৪/২৫, জামেউ বায়ানিল ইল্ম ২/১৮৯)

কথার উল্লেখ করলে তিনি বললেন, “এটা তোমাদেরকে দেওয়া আল্লাহর একটি সদকাহ। সুতরাং তোমরা তাঁর সদকাহ গ্রহণ কর।”<sup>১১</sup>

মহান আল্লাহ বলেন,

**كُبَّ عَلَيْكُمْ إِذَا حَضَرَ أَحَدُكُمُ الْمَوْتَ إِنْ تَرَكْ خَيْرًا الْوَصِيَّةُ**

**لِلْوَالِدِينِ وَالْأَقْرَبِينَ بِالْمَعْرُوفِ حَقًا عَلَى الْمُتَّقِينَ**

অর্থাৎ, যখন তোমাদের কারো মৃত্যু নিকটবর্তী বলে মনে হয়, তখন সে যদি ধন-সম্পত্তি ছেড়ে যায় তাহলে পিতা-মাতা ও আজীয়-স্বজনের জন্য বৈধভাবে অসিয়ত করা তোমাদের জন্য বিধিবদ্ধ করা হল; অন্যত্বে কুরআনের এটা অবশ্যকরণীয়। (সূরা বাক্সারাহ ১৮০ আয়াত)

মহানবী ﷺ অতিরিক্ত নির্দেশ দিয়ে বলেন, “আল্লাহ প্রত্যেক হৃষ্ণারকে নিজ হক দিয়ে দিয়েছেন। সুতরাং কোন ওয়ারেসের জন্য অসিয়ত নেই।”<sup>১২</sup>

অনুরূপভাবে মহান আল্লাহ চোরের হাত কেটে নিয়ে শাস্তি দিতে আদেশ করেছেন, কিন্তু বাজু থেকে নিয়ে আঙুলের ডগা পর্যন্ত হাতের ভিতরে কতটুকু অংশ কাটতে হবে সে কথা বলেননি। মহানবী ﷺ-এর স্মার্ত্তে আমরা সে কথা জানতে পারি যে, কজি পর্যন্ত হাত কাটতে হবে। কেবল কত পরিমাণ মাল ছুরি করলে হাত কাটা যাবে কুরআনে তারও উল্লেখ নেই। আমরা তা হাদীস থেকে জানতে পারি যে, এক চতুর্থাংশ অথবা তার বেশী পরিমাণ দীনার ছুরি করলে চোরের হাত কাটা যাবে।<sup>১৩</sup>

মহান আল্লাহর নির্দেশমতে সুন্দর বেশভূষা আমাদের জন্য হালাল। তিনি বলেন,

**فَلْ مَنْ حَرَمَ زِينَةَ اللَّهِ الَّتِي أَخْرَجَ لِعَبَادِهِ وَالطَّيَّابَاتِ مِنَ الرِّزْقِ فَلْ**

**هِيَ لِلَّذِينَ آمَنُوا فِي الْحَيَاةِ الدُّنْيَا خَالِصَةٌ يَوْمَ الْقِيَامَةِ**

(আহমাদ, মুসলিম, মিশকাত ১৩৩নং)

(আহমাদ, আবু দাউদ ২৮৭০নং, তিরমিয়ী, নাসাই, ইবনে মাজাহ)

(বুখারী, মুসলিম ১৬৮৪নং)

অর্থাৎ, “বল, বান্দাদের জন্য আল্লাহর সৃষ্টি সৌন্দর্য এবং উত্তম জীবিকা কে হারাম (নিষিদ্ধ) করেছে? বল, পার্থিব জীবনে বিশেষ করে কিয়ামতের দিনে এ সমস্ত তাদের জন্য, যারা ঈমান এনেছে।”

(সূরা আ'রাফ ৩২ আয়াত)

কিন্তু মহানবী ﷺ-এর নির্দেশ অনুযায়ী পুরুষের জন্য রেশম ও সোনার জিনিস ব্যবহার হারাম করা হয়েছে।<sup>۱۸</sup>

### (৩) সুন্নাহ হল হিকমত (প্রজ্ঞা)।

মহান আল্লাহ বলেন,

هُوَ الَّذِي بَعَثَ فِي الْأَمَمِينَ رَسُولًا مِنْهُمْ يَتَلَوَّ عَلَيْهِمْ آيَاتِهِ وَيُزَكِّيهِمْ  
وَيُعَلِّمُهُمُ الْكِتَابَ وَالْحِكْمَةَ وَإِنْ كَانُوا مِنْ قَبْلِ لَفِي ضَلَالٍ مُّبِينٍ

অর্থাৎ, তিনিই নিরক্ষরদের মধ্যে তাদের একজনকে পাঠিয়েছেন রাসূলরূপে, যে তাদের নিকট আবৃত্তি করে তাঁর আয়াতসমূহ, তাদেরকে পবিত্র করে এবং শিক্ষা দেয় কিভাব ও হিকমত; ইতিপূর্বে তো তারা ছিল ঘোর বিপ্রাণিতে। (সূরা জুমআহ ২ আয়াত)

(৪) যে কোন আমল করুল হওয়ার মৌলিক দুটি শর্ত রয়েছে। সে শর্ত দুটি পূরণ হওয়া ছাড়া কোন আমল ও ইবাদত মহান আল্লাহ গ্রহণ করেন না। সে শর্ত দুটি পালন হওয়া ছাড়া কোন আমল বা কর্ম নেক বা সৎ হতে পারে না। সে দুটির একটি না থাকলে যে কোনও আমল পও, নিষ্ফল ও বেকার হতে বাধ্য। আর সে দুটি শর্ত হল, ইখলাস ও সুন্নাহর তরীকা।

মহান আল্লাহ বলেন,

فَمَنْ كَانَ يَرْجُوا لِقَاءَ رَبِّهِ فَلْيَعْمَلْ عَمَلاً صَالِحًا وَلَا يُشْرِكْ بِعِبَادَةِ  
رَبِّهِ أَحَدًا

অর্থাৎ, সুতরাং যে তার প্রতিপালকের সাক্ষাৎ কামনা করে, সে যেন সৎকর্ম করে ও তার প্রতিপালকের ইবাদতে কাউকে শরীক না করে।

(সূরা কাহফ ১১০ আয়াত)

• (তিরমিয়ী, সহীহল জামে' ৩১৩৭নং)

মহান আল্লাহ আরো বলেন,

﴿يَا أَيُّهَا الَّذِينَ آمَنُوا أَطِيعُوا اللَّهَ وَأَطِيعُوا الرَّسُولَ وَلَا تُبْطِلُوَا أَعْمَالَكُمْ﴾

অর্থাৎ, হে মুমিনরা! তোমরা আল্লাহর আনুগত্য কর ও রসূলের আনুগত্য কর। আর তোমাদের কর্মসমূহকে বিনষ্ট করো না।

(সূরা মুহাম্মাদ ৩৩ আয়াত)

বলা বাহুল্য, এ কথা বিদিত যে, হাদীসের অনুসরণ ছাড়া রসূল ﷺ-এর আনুগত্য সম্ভব নয়।

(৫) সুন্নাহ ছাড়া যে আমল ও ইবাদত হয়, তা বিদআত হয়, সুন্নাহর তরীকার বাইরে যে আমল হয়, তা প্রত্যাখ্যাত হয়।

মা আয়েশা رض প্রশ্ন কর্তৃত, আল্লাহর রসূল ﷺ বলেন, “যে ব্যক্তি আমাদের এ দ্বীনবিষয়ে অভিনব কিছু রচনা করবে যা এর অন্তর্ভুক্ত নয় তা প্রত্যাখ্যাত।”<sup>১১</sup>

মুসলিম শরীফের এক বর্ণনায় তিনি বলেন, “যে ব্যক্তি এমন কোন কর্ম করে যাতে আমাদের কোন নির্দেশ নেই তা প্রত্যাখ্যাত।”

(মুসলিম ১৭১৮ নং)

(৬) সুন্নাহ ছাড়া আমল হল বিদআত, বিদআত হল ভ্রষ্টতা। আর ভ্রষ্টতা হল জাহানামের পথ।

সাহাবী ইরবায বিন সারিয়াহ رض বলেন, (একদা) আল্লাহর রসূল ﷺ আমাদেরকে এমন উচ্চাসের উপদেশ দান করলেন যাতে আমাদের চিন্ত কম্পিত এবং চক্ষু অশ্রু বহমান হল। আমরা বল্লাঘ, হে আল্লাহর রসূল! এটা যেন বিদায়ি উপদেশ, অতএব আমাদেরকে কিছু অসিয়ত (অতিরিক্ত নির্দেশ দান) করুন। তিনি বলেন, “তোমাদের আল্লাহর ভীতি এবং (পাপ ছাড়া অন্য বিষয়ে) আমীর (বা নেতা) এর আনুগত্য স্বীকার করার অসিয়ত করছি! যদিও বা তোমাদের আমীর এক জন ক্রীতদাস

<sup>১১</sup> (বুখারী ২৬৯৭, মুসলিম ১৭১৮নং)

হয়। এবং অবশ্যই তোমাদের মধ্যে যারা আমার বিদায়ের পর জীবিত থাকবে তারা অনেক রকমের মতভেদ দেখতে পাবে। অতএব তোমরা আমার এবং আমার সুপথ প্রাণ্ডি খোলাফায়ে রাশেদীনের সুন্নাহ<sup>(১৬)</sup> অবলম্বন করো, তা দস্ত দ্বারা দৃঢ়তার সাথে ধারণ করো। (তাতে যা পাও মান্য কর এবং অন্য কোনও মতের দিকে আকৃষ্ট হয়ো না।) এবং (ঘীনে) নবরচিত কর্মসমূহ হতে সাবধান! কারণ, নিচ্যই প্রত্যেক বিদআত (নতুন আমল) ভুট্টা।”<sup>১৭</sup>

নাসাইর এক বর্ণনায় আছে, “আর প্রত্যেক ভুট্টাই হল জাহান্নামের পথ।”<sup>১৮</sup>

(৭) সুন্নাহ হল নাজাতের অসীলা, বঁচার পথ, নৃহের কিশ্তী। যে ব্যক্তি হাদীস মেনে চলবে, সে পথভুট্টা থেকে বেঁচে যাবে। বেঁচে যাবে আল্লাহর গ্যব থেকে এবং আখেরাতের আযাব থেকে। এ ব্যাপারে নিম্নের হাদীসগুলি প্রণিধানযোগ্য :-

হযরত ইবনে আকবাস (رضي الله عنه) প্রমুখাং বর্ণিত, বিদায়ী হজ্জে আল্লাহর রসূল ﷺ লোকেদের মাঝে খোতবা (ভাষণ) দিলেন। তাতে তিনি বলেন, “শয়তান এ বিষয়ে নিরাশ হয়ে গেছে যে, তোমাদের এই মাটিতে তার উপাসনা হবে। কিন্তু এতন্তুরীত তোমরা যে সমস্ত কর্মসমূহকে অবজ্ঞা কর তাতে তার আনুগত্য করা হবে- এ নিয়ে সে সম্মত। সুতরাং তোমরা সতর্ক থেকো! অবশ্যই আমি তোমাদের মাঝে এমন জিনিস ছেড়ে যাচ্ছি; যদি তা দৃঢ়তার সাথে ধারণ করে থাকো তবে কখনই তোমরা পথভুট্ট হবে না; আর তা হল আল্লাহর কিতাব এবং তাঁর নবীর সুন্নাহ (কুরআন ও হাদীস)।”<sup>১৯</sup>

হযরত আব্দুল্লাহ বিন মাসউদ (رضي الله عنه) কর্তৃক বর্ণিত, তিনি বলেন, “এই কুরআন (কিয়ামতে) সুপারিশকারী; এর সুপারিশ গ্রহণযোগ্য হবে। যে

(\*) প্রকাশ থাকে যে, সাহাবগুলির আদর্শকেও সুন্নাহ বলা হয়। সে আদর্শ যদি মহান বী رضي الله عنه -

এর আদর্শের পরিপন্থী না হয়, তাহলে তা আমাদের মন্য অবশ্যই।

(আবু দাউদ ৪৪৪৩, তিরমিয়ী ২৮১৫, ইবনে মাজাহ ৪২ নং)

(সুনান নাসাই ১/৫৫৫, ইবনে খুয়াইমা ৩/১৪৩)

(হাকেম, সহীহ তারগীর ৩৬নং)

ব্যক্তি এর অনুসরণ করবে সে তাকে জাল্লাতের প্রতি পথপ্রদর্শন করে নিয়ে থাবে। আর যে তাকে বর্জন করবে অথবা তার থেকে বিমুখ হবে তাকে ছাড়-ধাক্কা দিয়ে জাহানামে নিক্ষেপ করা হবে।”<sup>২০</sup>

হয়রত আবু হুরাইরা (رضي الله عنه) কর্তৃক বর্ণিত, আল্লাহর রসূল (ﷺ) বলেন, “আমার প্রত্যেকটি উম্মত বেহেশ্তে প্রবেশ করবে, তবে সে নয় যে (বেহেশ্ত প্রবেশে) অস্বীকার করবে।” বলা হল, ‘অস্বীকার আবার কে করবে হে আল্লাহর রসূল?!’ তিনি বললেন, “যে ব্যক্তি আমার অনুসরণ করবে, সে বেহেশ্তে প্রবেশ করবে। আর যে আমার নাফরমানি করবে, সেই আসলে (বেহেশ্ত প্রবেশে) অস্বীকার করবে।”<sup>২১</sup>

হয়রত আবুল্লাহ বিন আম্র (رضي الله عنه) কর্তৃক বর্ণিত, আল্লাহর রসূল (ﷺ) বলেন, “প্রত্যেক কর্মের উদ্যম আছে এবং প্রত্যেক উদ্যমের আছে নিরুদ্যমতা। সুতরাং যার নিরুদ্যমতা আমার সুন্নাহর গান্ধির ভিতরেই থাকে সে হেদায়াতপ্রাপ্ত হয় এবং যার নিরুদ্যমতা এ ছাড়া অন্য কিছুতে (সুন্নত বর্জনে) অতিক্রম করে সে ধূংস হয়ে যায়।”<sup>২২</sup>

হয়রত আনাস (رضي الله عنه) কর্তৃক বর্ণিত, আল্লাহর রসূল (ﷺ) বলেন, “সে ব্যক্তি আমার সুন্নত (তরীকা) হতে বিমুখতা প্রকাশ করে সে ব্যক্তি আমার দলভূক্ত নয়।”<sup>২৩</sup>

হয়রত ইরবায় বিন সারিয়াহ (رضي الله عنه) কর্তৃক বর্ণিত, তিনি আল্লাহর রসূল (ﷺ) এর নিকট শুনেছেন, তিনি বলেছেন যে, “অবশ্যই তোমাদেরকে উজ্জল (স্পষ্ট দীন ও হৃজ্জতের) উপর ছেড়ে যাচ্ছি; যার রাত্রিও দিনের মতই। ধূংসোন্মুখ ছাড়া তা হতে অন্য কেউ ভিন্নপথ অবলম্বন করবে না।”<sup>২৪</sup>

(বায়ার হাদীসটিকে মওকফ; সাহাবীর নিজস্ব উক্তি কাপে বর্ণনা করেছেন। সহীহ তারগীব ৩৯ নং। অবশ্য তিনি জাবের (رضي الله عنه) কর্তৃক উক্ত হাদীসটিকেই মরফ' (রসূল ﷺ এর উক্তি) কাপে বর্ণনা করেছেন। সহীহ তারগীব ৪০ নং)

(বুখারী ৭২৮০ নং)

(ইবনে আবী আসেম, ইবনে হিবান, আহমদ, তাহাবী, সহীহ তারগীব ৫৩ নং)

(বুখারী ১০৬৩, মুসলিম ১৪০১ নং)

(ইবনে আবী আসেম, আহমদ, ইবনে মাজাহ, হাকেম, সহীহ তারগীব ৫৬ নং)

ইমাম মালেক (রাহিমাত্তুল্লাহ) বলেন, 'সুন্নাহ হল নৃহের কিশ্তীর মত। যে তাতে সওয়ার হবে, সে মুক্তি পাবে এবং যে তা হতে পিছনে থেকে যাবে, সে ধূংস হয়ে যাবে।'<sup>২৫</sup>

(৮) রসূলের ফায়সালার সামনে মুমিনের আর কোন এখতিয়ার থাকে না। মন না মানলেও তাঁর আদেশ পালন ব্যতীত মুসলিমের আর কোন উপায় থাকে না। মহান আল্লাহ বলেন,

**فَوَمَا كَانَ لِمُؤْمِنٍ وَلَا مُؤْمِنَةٍ إِذَا قَضَى اللَّهُ وَرَسُولُهُ أَمْرًا أَنْ يَكُونُ**

**لَهُمُ الْخَيْرَةُ مِنْ أَمْرِهِمْ وَمَنْ يَعْصِ اللَّهَ وَرَسُولَهُ فَقَدْ ضَلَّ ضَلَالًا مُّبِينًا**

অর্থাৎ, আল্লাহ ও তাঁর রসূল কোন বিষয়ে নির্দেশ দিলে কোন ঈমানদার পুরুষ কিংবা নারীর সে বিষয়ে ভিন্ন সিদ্ধান্তের অধিকার থাকবে না। আর কেউ আল্লাহ ও তাঁর রসূলকে অমান্য করলে সে তো স্পষ্টই পথভ্রষ্ট হবে। (সূরা আহ্�মাব ৩৬ আয়াত)

যায়েদ যেহেতু (স্বাধীনকৃত) গোলাম ছিলেন সেহেতু তাঁকে স্বামীরপে বরণ করতে আল্লাহর রসূল -এর নিকট জয়নাব ইতস্ততঃ প্রকাশ করলে উক্ত আয়াত অবতীর্ণ হয়।<sup>২৬</sup>

(৯) আল্লাহ ও তাঁর রসূলের হৃকুম এসে গেলে তা পালন করা ব্যতীত, সে আদেশ মান্য করা ব্যতীত মুমিনের অন্য কোন এখতিয়ার থাকে না। যে যাই বলুক, তখন সকল যত ত্যাগ করে তাঁর মতই অবলম্বন করা জরুরী হয়। যে যাই বলুক, সহীহ হাদীস সামনে এলে তা বর্জন করা, তা এড়িয়ে চলার, তা অবজ্ঞা করার কোন উপায় থাকে না। তখন মুমিন 'শুনলাম ও মেনে নিলাম' বলা ছাড়া আর অন্য কোন পথ থাকে না।

মহান আল্লাহ বলেন,

**إِنَّمَا كَانَ قَوْلَ الْمُؤْمِنِينَ إِذَا دُعُوا إِلَى اللَّهِ وَرَسُولِهِ لِيَحْكُمَ بِيَنْهُمْ**

**أَنْ يَقُولُوا سَمِعْنَا وَأَطَعْنَا وَأُولَئِكَ هُمُ الْمُفْلِحُونَ**

.. (মাজমূউ ফাতাওয়া ইবনে তাইমিয়াহ ৪/১৩৭)

.. (ইবনে কাসীর প্রমুখ)

অর্থাৎ, যখন মুমিনদের আপোসের কোন বিষয়ের ফায়সালার জন্য তাদেরকে আল্লাহ ও তাঁর রসূলের দিকে আহবান করা হয়, তখন তারা তো কেবল এ কথাই বলে, ‘আমরা শ্রবণ করলাম ও মান্য করলাম।’ আর ওরাই সফলকাম। (সূরা নূর ৫১ আয়াত)

(১০) যে ব্যক্তি রসূলের আনুগত্য করল, সে আসলে মহান আল্লাহরই আনুগত্য করল। আর যে ব্যক্তি সহীহ হাদীসের বিরোধিতা করল, সে আসলে আল্লাহরই বিরোধিতা করল। মহান আল্লাহ বলেন,

﴿مَنْ يُطِعِ الرَّسُولَ فَقَدْ أَطَاعَ اللَّهَ وَمَنْ تَوَلََّ فَمَا أَرْسَلْنَاكَ عَلَيْهِمْ حَفِظًا﴾

অর্থাৎ, যে রাসূলের আনুগত্য করে, সে তো আল্লাহরই আনুগত্য করে। আর যারা মুখ ফিরিয়ে নেয় তাদের উপর প্রহরীরূপে আমি তোমাকে প্রেরণ করিনি। (সূরা নিসা ৮০ আয়াত)

(১১) মুমিনের জীবনের আদর্শ হলেন রসূল ﷺ। তার প্রতি পদক্ষেপের পথপ্রদর্শক হল, সহীহ হাদীস। অঙ্ককার পথের আলোর দিশারী হল মুহাম্মাদী আদর্শ। মানুষের সাংসারিক, সামাজিক, রাজনৈতিক, অর্থনৈতিক, ইহলৌকিক ও পারলৌকিক জীবন গড়ার নমুনা হল, মুহাম্মাদুর রাসূলুল্লাহ ﷺ। সার্থক জীবন তৈরীর ছাঁচই হল, নবী মুহাম্মাদ ﷺ। মহান আল্লাহ বলেন,

﴿لَقَدْ كَانَ لَكُمْ فِي رَسُولِ اللَّهِ أُشْوَةٌ حَسَنَةٌ لِمَنْ كَانَ يَرْجُو اللَّهَ وَالْيَوْمَ الْآخِرِ وَذَكَرَ اللَّهَ كَثِيرًا﴾

অর্থাৎ, তোমাদের জন্য রাসূলুল্লাহর (চরিত্রের) মধ্যে উভয় আদর্শ রয়েছে, (তোমাদের মধ্যে) যে আল্লাহ ও পরকালে আশা (বিশ্বাস বা ভয়) রাখে এবং অধিকাধিক আল্লাহকে স্মরণ করে। (সূরা আহ্যাব ২১ আয়াত)

(১২) মহানবী ﷺ-কে যে নিজের পথপ্রদর্শক ও রাহবার মানবে, সহীহ হাদীসকে যে পথের দিশারী মেনে নেবে, সে পথ পাবে। বিভিন্ন ভাস্ত পথের কুহক থেকে মুক্তি পাবে।

মহান আল্লাহ বলেন,

﴿قُلْ أَطِيعُوا اللَّهَ وَأَطِيعُوا الرَّسُولَ فَإِنْ تَوْلُوا فَإِنَّمَا عَلَيْهِ مَا حُمِّلَ  
وَعَلَيْكُمْ مَا حُمِّلْتُمْ وَإِنْ تُطِيعُوهُ تَهْتَدُوا وَمَا عَلَى الرَّسُولِ إِلَّا الْبَلَاغُ  
الْمُبِينُ﴾

অর্থাৎ, বল, আল্লাহর আনুগত্য কর এবং রাসূলের আনুগত্য কর। অতঃপর যদি তোমরা মুখ ফিরিয়ে নাও, তবে তার উপর অর্পিত দায়িত্বের জন্য সে দায়ী; তোমরা তার আনুগত্য করলে সৎপথ পাবে। রাসূলের কাজ তো কেবল স্পষ্টভাবে জানিয়ে দেওয়া। (সূরা নূর ৫৪ আয়াত)

(১৩) যে রসূল ﷺ-কে নিজের পথপ্রদর্শক বলে মানবে না এবং কুরআন ও হাদীসের বিরোধিতা করবে, জানা সত্ত্বেও তাঁর নির্দেশের অন্যথা করবে এবং তাঁর আদেশ লংঘন করবে, সে ব্যক্তি ফিতনাগ্রস্ত হবে অথবা তার উপর কঠিন আয়াব বা গবেষণা নায়িল হবে। এ দুনিয়ায় না হলেও আখেরাতে সে আয়াব ভোগ করবে। মহান আল্লাহ বলেন,

﴿فَإِنَّهُدِرَ الَّذِينَ يُخَالِفُونَ عَنْ أَمْرِهِ أَنْ تُصِيبُهُمْ فِتْنَةً أَوْ يُصِيبُهُمْ  
عَذَابًا أَلِيمًا﴾

অর্থাৎ, সুতরাং যারা তার আদেশের বিরুদ্ধাচরণ করে তারা সতর্ক হোক যে, বিপর্যয় (ফিতনা) অথবা কঠিন শাস্তি (আয়াব) তাদেরকে গ্রাস করবে। (সূরা নূর ৬৩ আয়াত)

সুন্নাহর খিলাপ কোন আমল করলেই সলফগণও সেই কথা বুঝতেন। অনেক ভালো মনে করে করা (ভালো) আমলও (যেমন ৪ নামায, রোয়া, দুআ, দরজ, প্রভৃতি) যদি সুন্নাহর বিপরীত হয়, তাহলে তাতেও সওয়াবের জায়গায় আয়াবই হবে প্রাপ্য।

ত্রাউস (রাহিমাহল্লাহ) আসরের পর ২ রাকআত নামায পড়তেন। একদা ইবনে আবাস (رض) তাঁকে ঐ নামায পড়তে নিষেধ করলেন। ত্রাউস (রাহিমাহল্লাহ) বললেন, ঐ নামায তো সুন্নত মনে করে পড়া নিষিদ্ধ। ইবনে আবাস বললেন, আল্লাহর রসূল ﷺ আসরের পর নামায

পড়তে নিষেধ করেছেন। সুতরাং জানি না যে, তুমি এ নামায পড়ে আযাব  
পাবে না সওয়াব? যেহেতু মহান আল্লাহ বলেন,

وَمَا كَانَ لِمُؤْمِنٍ وَلَا مُؤْمِنَةٍ إِذَا قَضَى اللَّهُ وَرَسُولُهُ أَمْرًا أَنْ يَكُونَ لَهُمْ  
الْخَيْرَةُ مِنْ أَمْرِهِمْ وَمَنْ يَعْصِي اللَّهَ وَرَسُولَهُ فَقَدْ ضَلَّ ضَلَالًا مُّبِينًا

অর্থাৎ, আল্লাহ ও তাঁর রসূল কোন বিষয়ে নির্দেশ দিলে কোন  
ঈমানদার পুরুষ কিংবা নারীর সে বিষয়ে ভিন্ন সিদ্ধান্তের অধিকার থাকবে  
না। আর কেউ আল্লাহ ও তাঁর রসূলকে অমান্য করলে সে তো স্পষ্টই  
পথভ্রষ্ট হবে। (সূরা আহযাব ৩৬ আয়াত, আল-মুয়াফাক্তাত ৪/২৫)

একদা সাইদ ইবনুল মুসাইয়িব (রাহিমাহল্লাহ) ফজরের আযানের পর  
একটি লোককে বেশী বেশী (নফল) নামায পড়তে দেখে তাকে নিষেধ  
করলেন এবং বললেন, যে ব্যাপারে তোমার ইল্ম নেই সে ব্যাপারে  
আলেমদেরকে জিজ্ঞাসা করে নিতে হয়। শোনো! ফজরের আযানের পর  
ফজরের দু' রাকআত সুন্নত ছাড়া আর কোন নফল নামায বিধেয় নয়। এ  
কথা শুনে লোকটি বলল, হে আবু মুহাম্মাদ! (বেশি) নামায পড়লেও কি  
আল্লাহ আমাকে আযাব দেবেন? তিনি বললেন, না, (নামাযের জন্য নয়);  
বরং সুন্নাহর খিলাপ করার জন্য।<sup>২৭</sup>

(১৪) যে রসূল ও তাঁর সাহাবীদের বিরোধী মতে চলবে, কুরআন ও  
সহীহ সুন্নাহর বিপরীত পথ অবলম্বন করবে, তার পথ আসলে দোষখের  
পথ। মহান আল্লাহ বলেন,

وَمَنْ يُشَاقِقِ الرَّسُولَ مِنْ بَعْدِ مَا تَبَيَّنَ لَهُ الْهُدَىٰ وَيَتَّسِعُ عَيْرَ سَبِيلٍ  
الْمُؤْمِنُونَ نُولَهُ مَا تَوَلَّٰ وَنَصِّلُهُ جَهَنَّمَ وَسَاءَتْ مَصِيرًا

অর্থাৎ, যে ব্যক্তি তার নিকট সংপথ প্রকাশ হওয়ার পর রসূলের  
বিরুদ্ধাচরণ করে এবং মুমিনদের পথ ভিন্ন অন্য পথ অনুসরণ করে, তবে  
সে যে দিকে ফিরে যায় সে দিকেই তাকে ফিরিয়ে দেব এবং জাহান্নামে  
তাকে দক্ষ করব। আর তা কত মন্দ আবাস! (সূরা নিসা ১১৫ আয়াত)

<sup>২৭</sup> (দারেয়ী ১/১১৬, তামহীদ, ইবনে আব্দুল বার্র ২০/১০৮)

(১৫) রসূলের কথার উপর হওয়া, তাঁর কথার উপর কথা দেওয়া, তাঁর উপর নিজ কষ্টস্বর উঁচু করা, সহীহ হাদীস বিরোধী কথা বলা, সহীহ হাদীসের উপরে অন্য কারো মত বা রায়কে প্রাধান্য দেওয়া মুমিনের আমল ধূংস হওয়ার কারণ।

মহান আল্লাহ বলেন,

﴿هُنَّا أَيُّهَا الَّذِينَ آمَنُوا لَا تُقْدِمُوا بَيْنَ يَدَيِ اللَّهِ وَرَسُولِهِ وَأَنْقُوا اللَّهَ إِنَّ اللَّهَ سَمِيعٌ عَلِيمٌ - يَا أَيُّهَا الَّذِينَ آمَنُوا لَا تَرْفَعُوا أَصْوَاتَكُمْ فَوْقَ صَوْتِ النَّبِيِّ وَلَا تَجْهَرُوا لَهُ بِالْقَوْلِ كَجَهْرٍ بَعْضُكُمْ لِبَعْضٍ أَنْ تَحْبَطَ أَعْمَالَكُمْ وَأَنْتُمْ لَا تَشْعُرُونَ - إِنَّ الَّذِينَ يَعْصُمُونَ أَصْوَاتَهُمْ عِنْدَ رَسُولِ اللَّهِ أُولَئِكَ الَّذِينَ امْتَحَنَ اللَّهُ قُلُوبَهُمْ لِتَنْقُوا لَهُمْ مَغْفِرَةً وَأَجْرٌ عَظِيمٌ﴾

অর্থাৎ, হে ইমানদারগণ! আল্লাহ ও তাঁর রসূলের সামনে তোমরা কোন বিষয়ে অগ্রণী হয়ো না। আর আল্লাহকে ভয় কর, নিশ্চয়ই আল্লাহ সর্বশ্রোতা, সর্বজ্ঞ। হে মুমিনগণ! তোমরা নবীর কষ্টস্বরের উপর নিজেদের কষ্টস্বর এবং নিজেদের মধ্যে যেভাবে উচ্চস্বরে কথা বল, তার সাথে সেইভাবে উচ্চস্বরে কথা বলো না। কারণ তাতে তোমাদের অজ্ঞাতসারে তোমাদের আমল পণ্ড হয়ে যাবে। যারা আল্লাহর রসূলের সামনে নিজেদের কষ্টস্বর নীচু করে, আল্লাহ তাদের অন্তরকে তাকওয়ার জন্য পরীক্ষা করেছেন। তাদের জন্য রয়েছে ক্ষমা ও মহাপুরক্ষার।

(সূরা হজুরাত ১-৩ আয়াত)

ইমাম ইবনুল কাইয়েম (রাহিমাহল্লাহ) বলেন, মহান আল্লাহ মুমিনদেরকে সতর্ক করে দিয়েছেন যে, তারা নিজেরা যেমন আপোসে উচ্চস্বরে কথা বলে, তেমনি উচ্চস্বরে রাসূল ﷺ-এর জন্য বললে তাদের আমল ধূংস হয়ে যাবে। অবশ্য তাতে কেউ মুরতাদ হয়ে যাবে না; বরং তা এমন পাপ হবে, যাতে পাপীর আমল ধূংস হয়ে যাবে, অর্থাৎ সে তা বুঝতে পারবে না।

বলা বাহ্য, সেই ব্যক্তি সম্পর্কে কি ধারণা হতে পারে, যে আল্লাহর

রসূল ﷺ-এর উক্তির উপর অথবা পথনির্দেশ ও তরীকার উপর অন্য কারো উক্তি, পথনির্দেশ বা তরীকাকে প্রাধান্য দেয়?

এই ব্যক্তিও কি সেই ব্যক্তি নয়, যার অজ্ঞাতসারে তার আমল ধূংস হয়ে যায়?<sup>১৮</sup>

যদি কেউ প্রশ্ন করে যে, মুরতাদ হওয়া ছাড়া আমল পণ্ড বা নিষ্ফল হয় কি করে? তাহলে তার উত্তর এই যে, কুরআন, সুন্নাহ ও সাহাবাদের উক্তি থেকে এ কথা প্রমাণিত যে, পাপকর্ম পুণ্যকর্মকে নিষ্ফল করে ফেলে; যেমন পুণ্যকর্ম পাপকর্মকে নিষ্ঠিত করে ফেলে। মহান আল্লাহ বলেন,

﴿يَا أَيُّهَا الَّذِينَ آمَنُوا لَا تُبْطِلُوا صَدَقَاتُكُمْ بِالْمَنْ وَالْأَذْي﴾

অর্থাৎ, হে ইমানদারগণ! তোমরা ক্ষেত্র প্রকাশ ও ক্রেশ দান করে নিজেদের দানগুলো ব্যর্থ করে ফেলো না। (সুরা বাস্তুরাহ ২৬৪ আয়াত)

সাহাবী যায়েদ বিন আরকাম যখন ‘ঈনাহ’<sup>(১৯)</sup> ব্যবসা করেন, তখন আয়েশা (রায়িয়াল্লাহ আনহা) তাঁর উদ্দেশ্যে বলেছিলেন, ‘যায়দকে বলে দাও যে, তওবা না করলে সে আল্লাহর রসূল ﷺ-এর সাথে ক্র্তৃজিহাদকে নষ্ট করে ফেলেছে।’

এ ব্যাপারে ইমাম আহমাদও স্পষ্ট উক্তি ব্যক্ত করে বলেছেন, ‘বর্তমান যুগে বান্দার উচিত ঝণ করে বিবাহ করা। যাতে সে এমন জিনিসের দিকে দৃষ্টিপাত না করে ফেলে, যা তার জন্য হালাল নয় এবং তার ফলে তার আমল ধূংস হয়ে যায়।’<sup>২০</sup>

(১৬) রসূলের পথ যে অবলম্বন করবে না, তাকে একদিন প্রস্তাবে হবে, যেদিন হাজার প্রস্তাবি কোন কাজে দেবে না। যে রসূল ﷺ-কে ছেড়ে অন্যকে নিজের বন্ধু মনে করে, অন্যকে নিজের আদর্শ মনে করে, অন্যকে নিজের পথপ্রদর্শক মনে করে, রসূলের মত ব্যতিরেকে অন্যের মতকে প্রাধান্য দেয়, সে কিয়ামতের দিন প্রস্তাবে।

১৮) (আল-ওয়াবিলুস স্বাইরিব ২৪ পৃঃ)

১৯) কোন জিনিস নির্দিষ্ট মেয়াদ দিয়ে ধারে বিক্রয় করে, অতঃপর সেই জিনিসকেই নগদে তার প্রেক্ষে কম দামে ক্রয় করার ব্যবসা।

২০) (কিতাবুস সুলাত, ইবনুল কাইয়েম ৬৫পৃঃ)

মহান আল্লাহ বলেন,

﴿وَيَوْمَ يَعْصُمُ الظَّالِمُ عَلَىٰ يَدِيهِ يَقُولُ يَا لَيْتَنِي أَتَخَذْتُ مَعَ الرَّسُولِ سَبِيلًا - يَا وَيْلَتِي لَيْتَنِي لَمْ أَتَخَذْ فُلَانًا خَلِيلًا - لَقَدْ أَضَلَّنِي عَنِ الذِّكْرِ بَعْدِ إِذْ جَاءَنِي وَكَانَ الشَّيْطَانُ لِلإِنْسَانِ خَذُولًا﴾

অর্থাৎ, সেদিন অত্যাচারী নিজ হস্তদ্বয় দংশন করতে করতে বলবে, ‘হায়! আমি যদি রসূলের সাথে পথ অবলম্বন করতাম! হায়! দুর্ভোগ আমার, আমি যদি অমুককে বন্ধুরূপে গ্রহণ না করতাম! আমার নিকট উপদেশ আসার পর সে আমাকে তা থেকে বিভাস্ত করেছিল। আর শয়তান মানুষকে বিপদকালে ধোকা দেয়।’ (সূরা ফুরকান ২৭-২৯ আয়াত)

(১৭) যে রসূল ﷺ-এর অনুসরণ করবে, যে সহীহ হাদীসের পথ অনুসরণ করবে, সে মহান আল্লাহর ভালবাসা ও ক্ষমা লাভ করবে।

﴿فَقُلْ إِنْ كُنْتُمْ تُحِبُّونَ اللَّهَ فَأَتَبِعُونِي يُحِبِّبُكُمُ اللَّهُ وَيَغْفِرُ لَكُمْ ذُنُوبَكُمْ وَاللَّهُ غَفُورٌ رَّحِيمٌ﴾

অর্থাৎ, বল, তোমরা যদি আল্লাহকে ভালবাস তবে আমার অনুসরণ কর, তাহলেই আল্লাহ তোমাদেরকে ভালবাসবেন এবং তোমাদের অপরাধ ক্ষমা করবেন। আর আল্লাহ অত্যন্ত ক্ষমাশীল পরম দয়ালু।

(সূরা আলে ইমরান ৩১ আয়াত)

(১৮) যে আল্লাহর নবী ﷺ-কে বিচারক মানবে না, প্রত্যেক মতবিরোধের সময় ফায়সালাকারী মানবে না, সহীহ হাদীসকে শেষ ফায়সালাকারী বলে স্বীকার করবে না, নির্দিধায় সেই হাদীসের ফায়সালাকে গ্রহণ করবে না, সে মুমিন বা ঈমানদার হতে পারবে না।

মহান আল্লাহ বলেন,

﴿فَلَا وَرَبَّكَ لَا يُؤْمِنُونَ حَتَّىٰ يُحَكِّمُوكَ فِيمَا شَجَرَ بِيْنَهُمْ ثُمَّ لَا يَجِدُوا فِي أَنفُسِهِمْ حَرَجًا مِّمَّا قَضَيْتَ وَيُسَلِّمُوا تَسْلِيمًا﴾

অর্থাৎ, কিন্তু না, তোমার প্রতিপালকের শপথ! তারা মুমিন হতে

পারবে না; যতক্ষণ পর্যন্ত তারা তাদের নিজেদের বিবাদ-বিসম্বাদের বিচার-ভার তোমার উপর অর্পণ না করে, অতঃপর তোমার সিদ্ধান্ত সম্বন্ধে তাদের মনে কোন দ্বিধা না থাকে এবং সর্বান্তঃকরণে তা মেনে না নেয়।

(সূরা নিসা ৬৫ আয়াত)

(১৯) কিতাব ও সুন্নাহ হল সকল সমস্যার সমাধানদাতা। সর্ব জীবনের বিধান ও সংবিধান। আপোসের তর্ক-বিবাদ ও বামেলার শেষ ফায়সালা কুরআন ও সহীহ হাদীস। কিতাব ও সুন্নাহতেই বিচার খুঁজতে হবে এবং সেই বিচার মানতেও হবে। এটাই হল ঈমানের দাবী।

মহান আল্লাহ বলেন,

﴿يَا أَيُّهَا الَّذِينَ آمَنُوا أَطِيعُوا اللَّهَ وَأَطِيعُوا الرَّسُولَ وَأُولَئِكُمْ أَفْرَادٌ مِّنْكُمْ فَإِنْ تَنَازَعْتُمْ فِي شَيْءٍ فَرُدُّوهُ إِلَى اللَّهِ وَالرَّسُولِ إِنْ كُنْتُمْ تُؤْمِنُونَ بِاللَّهِ وَالْيَوْمِ الْآخِرِ ذَلِكَ خَيْرٌ وَأَحْسَنُ تَأْوِيلًا﴾

অর্থাৎ, হে ঈমানদারগণ! তোমরা আল্লাহর আনুগত্য কর, রাসূলের আনুগত্য কর এবং তোমাদের নেতৃত্বানীয় ব্যক্তি (রাষ্ট্রনেতা ও উলামাদের) আনুগত্য কর। আর যদি কোন বিষয়ে তোমাদের মতভেদ ঘটে তবে সে বিষয় তোমরা আল্লাহ ও রসূলের প্রতি ফিরিয়ে দাও। এটিই তো উত্তম এবং পরিণামে প্রকৃষ্টতর। (সূরা নিসা ৫৯ আয়াত)

(২০) আল্লাহ ও তাঁর রসূলের আনুগত্য করলে আমরা আল্লাহর কাছে দয়ার পাত্র হব। আল্লাহ আমাদের উপর রহম করবেন।

মহান আল্লাহ বলেন,

﴿أَطِيعُوا اللَّهَ وَالرَّسُولَ لَعَلَّكُمْ تُرَحَّمُونَ﴾

অর্থাৎ, তোমরা আল্লাহ ও রসূলের আনুগত্য কর। যাতে তোমরা ক্ষপালাভ করতে পার। (সূরা আ-লে ইমরান ১৩২ আয়াত)

(২১) সহীহ হাদীস যখন আহবান করবে, তখন সকলকে সেই আহবানে সাড়া দেওয়া জরুরী। আর কারো প্রতি মায়া-মহৱত না রেখে কেবল আল্লাহ ও তাঁর রাসূলের প্রতি মহৱত রাখা ঈমানী কর্তব্য।

মহান আল্লাহ বলেন,

﴿بِإِيمَانِ الَّذِينَ آمَنُوا اسْتَجِيبُوا لِلَّهِ وَلِرَسُولِهِ إِذَا دَعَاكُمْ لِمَا يُحِسِّنُكُمْ﴾

অর্থাৎ, হে ঈমানদারগণ! রসূল যখন তোমাদেরকে এমন কিছুর দিকে আহবান করে যা তোমাদেরকে প্রাণবন্ত করে তখন আল্লাহ ও রসূলের আহবানে সাড়া দাও। (সূরা আনফাল ২৪ আয়াত)

রসূল ﷺ-এর আহবানে সাড়া দেওয়ার এত বড় গুরুত্ব রয়েছে যে, নামায অবস্থায় থাকলেও সে গুরুত্ব অনুধাবন করতে হবে। নামায অবস্থাতেও তাঁর ডাকে সাড়া দিতে হবে। আবু সাইদ বিন মুআল্লা (رضي الله عنه) হতে বর্ণিত, তিনি বলেন আমি মসজিদে নামায পড়ছিলাম। এমতাবস্থায় নবী ﷺ আমাকে ডাকলেন আমি সাড়া দিলাম না। অতঃপর নামায শেষ করে তাঁর নিকট এসে বললাম, ‘হে আল্লাহর রসূল! আমি নামায পড়ছিলাম।’ তিনি বললেন, “আল্লাহ কি বলেননি যে, তোমরা আল্লাহ ও রসূলের আহবানে সাড়া দাও যখন তোমাদেরকে (রাসূল) ডাকে---?”<sup>১১</sup>

আজ আর তিনি আমাদের মাঝে নেই। কিন্তু তাঁর ছেড়ে যাওয়া আহবান রয়েছে। সহীহ হাদীসে বর্ণিত তাঁর সেই আহবানে সাড়া দেওয়া আমাদের সকলের জন্য জরুরী।

(২২) প্রকৃত ঈমানদার হল সেই ব্যক্তি, যে আল্লাহর রসূল ﷺ-এর সাথে থাকলে তাঁর বিনা অনুমতিতে কোথাও যেতে পারে না। তাঁর অনুমতি ছাড়া কোন পৃথক মত সে অবলম্বন করতে পারে না। তাঁর বিনা অনুমতিতে অন্য কারো মত গ্রহণ করতে পারে না। মহান আল্লাহ বলেন,

﴿إِنَّمَا الْمُؤْمِنُونَ الَّذِينَ آمَنُوا بِاللَّهِ وَرَسُولِهِ وَإِذَا كَانُوا مَعَهُ عَلَى أَمْرٍ جَامِعٍ لَمْ يَذْهَبُوا حَتَّى يَسْتَأْذِنُوْهُ إِنَّ الَّذِينَ يَسْتَأْذِنُوْكَ أُولَئِكَ الَّذِينَ يُؤْمِنُونَ بِاللَّهِ وَرَسُولِهِ فَإِذَا اسْتَأْذَنُوكَ لِبَعْضِ شَأْنِهِمْ فَأَذِنْ لِمَنْ شِئْتَ مِنْهُمْ وَاسْتَغْفِرْ لَهُمْ اللَّهُ إِنَّ اللَّهَ غَفُورٌ رَّحِيمٌ﴾

<sup>১১</sup> (সূরা আনফাল ২৪ আয়াত, বুখারী ৫০০৬ নং)

অর্থাৎ, তারাই হল প্রকৃত মুমিন, যারা আল্লাহ ও তাঁর রসূলের প্রতি ঈমান রাখে এবং রসূলের সঙ্গে সমষ্টিগত ব্যাপারে একত্রিত হলে তার অনুমতি ব্যতীত সরে পড়ে না। যারা তোমার অনুমতি প্রার্থনা করে তারাই আসলে আল্লাহ ও তাঁর রসূলের প্রতি ঈমান রাখে। সুতরাং তারা তাদের কোন ব্যক্তিগত কাজে বাইরে যাওয়ার অনুমতি চাইলে তাদের মধ্যে যাদেরকে ইচ্ছা তাদেরকে তুমি অনুমতি দাও এবং তাদের জন্য ক্ষমা প্রার্থনা কর। নিচ্য আল্লাহ ক্ষমাশীল, পরম দয়ালু। (সূরা নূর ৬২ আয়াত)

প্রকৃত আদব হল এটাই যে, নেতার অনুমতি ছাড়া আমরা অন্যথা কোথাও যাব না। আর যারা আদবের এ রীতি মান্য করে না, তারা বেআদব বৈ কি?

(২৩) মহানবী ﷺ-এর সুন্নাহ শাশুত ও চিরস্তন। তাঁর শরীয়ত পূর্বের সমস্ত শরীয়তকে রহিত করেছে এবং কিয়ামত পর্যন্ত তা অবশিষ্ট থাকবে।

একদা উমার (رضي الله عنه)-এর হাতে একটি পাতা ছিল, যার মধ্যে তাওরাতের কিছু অংশ লিখা ছিল। মহানবী ﷺ তা দেখে রাগান্বিত হয়ে তাঁকে বললেন, “আমার ব্যাপারে কি কোন সন্দেহ আছে হে ইবনে খাতুব? আমি কি শুভ ও নির্মল শরীয়ত নিয়ে আগমন করিনি? যদি আমার ভাই মুসা জীবিত থাকতেন, তাহলে আমার অনুসরণ ছাড়া তাঁর অন্য কোন এখতিয়ার ছিল না।”<sup>১</sup>

অন্য বর্ণনামতে উমার (رضي الله عنه) তাঁর নিকট এসে বললেন, আমরা ইয়াহুদীদের নিকট কিছু এমন কথা শুনি যা আমাদেরকে ভালো লাগে। আপনার কি রায়, তার কিছু লিখে নেব কি? তা শনে তিনি বললেন, “তোমরাও কি নির্বিচারে সব কিছু মেনে নিতে চাও, যেমন ইয়াহুদী ও খ্রিস্টানরা মেনে নিয়েছে? যদি মুসা জীবিত থাকতেন, তাহলে আমার অনুসরণ ছাড়া তাঁর অন্য কোন এখতিয়ার ছিল না।”<sup>২</sup>

বলাই বাহ্য যে, মুসা নবীর যদি মুহাম্মাদ ﷺ-এর অনুসরণ ছাড়া কোন গতি না থাকত, তাহলে আপনার-আমার তাঁর সুন্নাহর অনুসরণ ছাড়া কি কোন গতি বা উপায় থাকতে পারে?

- (আহমাদ, বাইহাকী)

ঈসা নবীও যখন শেষ যামানায় অবতীর্ণ হবেন, তখন তিনিও মুহাম্মাদী সুন্নাহ ও শরীয়তেরই অনুসরণ করবেন।<sup>৩০</sup> তিনি নিজের আনা শরীয়ত অথবা কোন যথহাব-ভিত্তিক শরীয়তের অনুসরণ করবেন না। সুতরাং আমাদের জন্যও কেবল শেষ নবী ﷺ-এর সুন্নাহই পালন করা এবং তার প্রতিকূল সকল রায় ও বিধান বর্জন করা জরুরী। যেহেতু কলেমায় ‘মুহাম্মাদুর রাসূলুল্লাহ’ সাক্ষ্য দেওয়ার দাবীও তাই।

### মহানবী ﷺ-এর অনুসরণের উপমা

মহান আল্লাহ মহানবী ﷺ-এর উদাহরণ বর্ণনা করে তাঁকে উজ্জ্বল প্রদীপ বলে আখ্যায়িত করেছেন। (সূরা আহ্�মাব ৪৬ আয়াত) তাঁর সেই আলোকে ঘোর অঙ্ককারে দিশাহারা মানুষ পথের দিশা পেয়েছে।

মহানবী ﷺ-এর উপমা বর্ণনা করেছেন ফিরিশ্তাগণ। জাবের (ﷺ) বলেন, একদিন একদল ফিরিশ্তা নবী ﷺ-এর নিকট এসে উপস্থিত হলেন। নবী ﷺ তখন ঘুমাচ্ছিলেন। ফিরিশ্তাগণ একে অপরকে বলতে লাগলেন, ‘তোমাদের এই বন্ধুর একটি উপমা আছে, অতএব তোমরা সেটি বর্ণনা কর।’ তখন তাঁদের কেউ বললেন, ‘তিনি তো ঘুমিয়ে আছেন।’ তাঁদের কেউ বললেন, ‘তাঁর চোখে ঘুম থাকলেও তাঁর অন্তর জাগ্রত।’ তখন তাঁরা বললেন, ‘তাঁর উপমা হল; এক ব্যক্তি একটি গৃহ নির্মাণ করে খাবারের দস্তরখানা প্রস্তুত করে লোকদেরকে দাওয়াত দিয়ে আনার জন্য একজন আহবায়ককে প্রেরণ করল। অতঃপর যে ঐ আহবায়কের আহবানে সাড়া দিল, সে ঐ গৃহে প্রবেশ করে সেখানে রাখা খাবার খেতে পেল। আর যে আহবায়কের আহবানে সাড়া দিল না, সে ঐ গৃহে প্রবেশ করে সেখানে রাখা খাবার খেতে পেল না।’

অতঃপর তাঁরা আপোসে বললেন, ‘তোমরা এই উপমার তাৎপর্য বলে দাও, যাতে তিনি বুঝতে পারেন।’ এবারও তাঁদের কেউ বললেন, ‘তিনি তো ঘুমিয়ে আছেন।’ তাঁদের কেউ বললেন, ‘তাঁর চোখে ঘুম থাকলেও তাঁর অন্তর জাগ্রত।’ তখন তাঁরা বললেন, ‘ঐ গৃহ হল জান্নাত। এই

- (মুসলিম)

আহবায়ক হলেন মুহাম্মাদ। সুতরাং যে ব্যক্তি মুহাম্মাদের আনুগত্য করবে, সে আসলে আল্লাহর আনুগত্য করবে। পক্ষান্তরে যে ব্যক্তি মুহাম্মাদের নাফরমানি করবে, সে আসলে আল্লাহরই নাফরমানি করবে। আর মুহাম্মদ হলেন মানুষের (মুমিন ও কাফেরের) মধ্যে পার্থক্য নির্ধারণকারী (মানদণ্ড)।<sup>৩৪</sup>

সুন্নাহর অনুসরণের ব্যাপারে তিনি নিজের উপমা নিজেও বর্ণনা করেছেন। আবু মূসা আশআরী (رضي الله عنه) বলেন, আল্লাহর রসূল (ﷺ) বলেছেন, “আমার এবং যে জিনিস দিয়ে আল্লাহ আমাকে পাঠিয়েছেন তার উদাহরণ হল এই যে, এক ব্যক্তি নিজ সম্পদায়ের নিকট এসে বলল, ‘হে আমার সম্পদায়! আমি আমার এই দু’ চোখে একদল শক্রসৈন্য দেখে আসছি এবং আমি হচ্ছি তোমাদের জন্য একজন স্পষ্ট সতর্ককারী। সুতরাং তোমরা (বাঁচার জন্য) ভাড়াতাড়ি কর, তাড়াতাড়ি কর।’ এ কথা শুনে তার সম্পদায়ের কিছু লোক তার কথা মেনে নিয়ে রাতারাতি পলায়ন করল এবং এতে তারা ধীরে-সুস্থে ঘেতে পারল, আর (শক্রের কবল থেকে) মুক্তিও পেল। পক্ষান্তরে অন্য একদল লোক তার সেই কথাকে মিথ্যা মনে করল। ফলে তারা নিজ নিজ ঘরে রাত্রিবাস করল। কিন্তু তোর হতেই শক্রসৈন্য তাদের উপর আক্রমণ চালিয়ে তাদেরকে সমূলে ধূংস করে দিল।

এই হল সেই ব্যক্তির উদাহরণ, যে আমার আনুগত্য করে আমি যা আনয়ন করেছি তার অনুসরণ করে এবং সেই ব্যক্তির উদাহরণ, যে আমার অবাধ্য হয় এবং আমার আনীত সত্য বিষয়কে মিথ্যায়ন করে।”<sup>৩৫</sup>

আবু হুরাইরা (رضي الله عنه) বলেন, আল্লাহর রসূল (ﷺ) বলেছেন, “আমার উপমা হল সেই ব্যক্তির মত, যে আগুন জ্বালালো। অতঃপর যখন তার চারিদিক উজ্জ্বল করে তুলল, তখন আগুন দেখে যে সব পোকা-মাকড় ছুটে এসে ঝাপিয়ে পড়ে সেসব তাতে ঝাপিয়ে পড়তে শুরু করল। লোকটি তাদেরকে বাধা দিতে লাগল। কিন্তু তারা তাকে পরাস্ত করে আগুনে পড়তে লাগল।

(বুখারী, মিশকাত ১৪৪নং)

(বুখারী, মুসলিম, মিশকাত ১৪৮নং)

সেইরূপ আমিও তোমাদের কোমর ধরে তোমাদেরকে আগুন হতে (পিছনের দিকে) টেনে ধরছি (এবং বলছি, জাহান্নাম থেকে পালিয়ে এসো! জাহান্নাম থেকে পালিয়ে এস)। আর তা সত্ত্বেও তোমরা (আমাকে পরাস্ত করে) তাতে বাঁপিয়ে পড়ছ!”<sup>৩৬</sup>

আবু মুসা আশআরী (رضي الله عنه) বলেন, আল্লাহর রসূল ﷺ বলেছেন, আল্লাহ আমাকে যে হেদয়াত ও ইল্ম সহকারে পাঠিয়েছেন, তার উদাহরণ হল মুষলধারা বৃষ্টি; যা কোন ভূখণ্ডে বর্ষিত হয়েছে। সে ভূখণ্ডের একাংশ ছিল উৎকৃষ্ট (উর্বর), যে বৃষ্টি গ্রহণ করে প্রচুর উজ্জিদ ও ঘাস জন্মাল। সে ভূখণ্ডের অন্য একাংশ ছিল কঠিন ও গভীর; যা পানি ধরে রাখল এবং তার দ্বারা আল্লাহ মানুষকে উপকৃত করলেন; তারা সেখান হতে পান করল, পান করাল, (সেচ করল) এবং তার দ্বারা ফসল লাগাল। সে ভূখণ্ডের আর একাংশ ছিল কঠিন ও সমতলভূমি; যা পানি ধরে রাখল না এবং উজ্জিদও জন্মালো না।

এই উদাহরণ হল সেই ব্যক্তির, যে আল্লাহর দ্বীন বিষয়ে জ্ঞান লাভ করেছে এবং যা দিয়ে আল্লাহ আমাকে পাঠিয়েছেন তার দ্বারা তাকে উপকৃত করেছেন। ফলে সে (দ্বীন) শিক্ষা করেছে এবং শিক্ষা দিয়েছে। আর এটি সেই ব্যক্তিরও উদাহরণ, যে তার দিকে মাথা তুলেও দেখেনি এবং আল্লাহর সেই হেদয়াত গ্রহণ করেনি, যা নিয়ে আমি প্রেরিত হয়েছি।”<sup>৩৭</sup>

## মৃত সুন্নত জীবিত করার মাহাত্ম্য

সুন্নতের উপর আমল করুন। যে সুন্নত মানুষের মাঝে মারা পড়েছে, যে সুন্নতের উপর কেউ আমল করে না, যে সুন্নতের প্রতি মানুষের অবজ্ঞা রয়েছে, সেই সুন্নতকে হিকমতের সাথে সমাজে প্রচার ও প্রচলিত করুন, উজ্জীবিত করুন; অনেক অনেক সওয়াব পাবেন।

আল্লাহর রসূল ﷺ বলেন, “যে ব্যক্তি ইসলামে কোন ভালো রীতি

(বুখারী, মুসলিম, মিশকাত ১৪৯৯ঃ)

(বুখারী, মুসলিম, মিশকাত ১৫০০ঃ)

(বা কর্ম) প্রবর্তিত করে তার জন্য রয়েছে তার সওয়াব (প্রতিদান) এবং তাদের সমপরিমাণ সওয়াব যারা ঐ রীতির অনুকরণে আমল (কর্ম) করে। এতে তাদের কারো সওয়াব এতটুকু পরিমাণও ত্রাস করা হয় না। আর যে ব্যক্তি ইসলামে কোন মন্দ রীতি (বা কর্মের) সূচনা করে তার জন্য রয়েছে তার পাপ এবং তাদের সমপরিমাণ পাপও যারা ঐ রীতির অনুকরণে আমল (বা কর্ম) করে। এতে তাদের কারো পাপ এতটুকু পরিমাণ ত্রাস করা হয় না।”<sup>৭৮</sup>

মহানবী ﷺ বলেন, “যে ব্যক্তি কোন ভালো রীতি প্রবর্তন করে তার জন্য নির্দিষ্ট সওয়াব রয়েছে, যতদিন সেই রীতির উপর আমল হতে থাকবে; তার জীবনকালে এবং তার মৃত্যুর পরেও; যতক্ষণ না তা বর্জিত হয়েছে। আর যে ব্যক্তি কোন মন্দ রীতির প্রচলন করে তার জন্য রয়েছে তার নির্দিষ্ট পাপ, যতক্ষণ না সে রীতি (বা কর্ম) বর্জন করা হয়েছে। আবার যে ব্যক্তি প্রতিরক্ষা-বাহিনীর কার্যে থাকা অবস্থায় মৃত্যুবরণ করে সে ব্যক্তি কিয়ামত দিবসে পুনরুদ্ধিত হওয়া পর্যন্ত তার ঐ প্রতিরক্ষা-বাহিনীর কাজের সওয়াব জারী থাকে।”<sup>৭৯</sup>

মহানবী ﷺ আরো বলেন, “এই মঙ্গলসমূহের রয়েছে বহু ভাগার। এই ভাগারগুলোর জন্য রয়েছে একাধিক চাবি। সুতরাং শুভসংবাদ সেই ব্যক্তির জন্য যাকে আল্লাহ আয়া অজান্ত মঙ্গলের (দরজা খোলার) চাবিকাঠি এবং অঙ্গলের (দরজা বন্ধ করার) খিল করেছেন। আর ধূস সেই বান্দার জন্য যাকে আল্লাহ অঙ্গলের চাবিকাঠি ও মঙ্গলের (দরজা বন্ধ করার) খিল করেছেন।”<sup>৮০</sup>

সুতরাং কোন মৃত রীতি ও সুন্নতকে জীবিত করে যদি আপনি কল্যাণের চাবিকাঠি হতে পারেন, আপনার দ্বারা যদি কোন শরীয়ত-সম্মত ভালো কাজ নতুনভাবে চালু হয়ে যায়, তাহলে আপনি একজন মহান মানুষ।

- (ফুসলিম ১০১৭নং, নাসাই, ইবনে মাজাহ, তিরমিয়ী)

- (কুবারানীর কাবীর, সহীহ তারগীব ৬২নং)

(তিরমিয়ী, ইবনে মাজাহ, সহীহ তারগীব ৬৩নং)

হয়তো বা লোকে ‘নতুন হাদীস’ বা ‘নতুন ফতোয়া’ বলে আপনাকে ব্যঙ্গ করবে, তবুও আপনি তা পরোয়া না করে আমল করে যান। আল্লাহর ইচ্ছায় আজ না হয় কাল কেউ আপনার ঐ চালুকৃত সুন্নতের উপর আমল শুরু করবে এবং তার দেখাদেখি আরো অনেকে আমল করবে। আর তার ফলে তাদের সকলের সওয়াবের সমপরিমাণ সওয়াব আপনার আমলনামায় লিপিবদ্ধ হয়ে যাবে।

জীবনের সময় তো গন্ত কয়েকটা দিন মাত্র। আপনি চেষ্টা করলেও আপনার আয়ু বৃদ্ধি করতে পারেন না। কিন্তু এমন কাজ অবশ্যই করতে পারেন, যে কাজের মাধ্যমে আপনার আয়ুর শতগুণ আমল আপনার আমলনামায় লিখিত হবে।

### হাদীসের সাথে আদব

মহানবী ﷺ-এর প্রতি ভক্তি, শ্রদ্ধা ও সম্মান প্রদর্শন করা আমাদের জন্য ওয়াজেব। মহান আল্লাহ তাঁর তা'বীম করতে আমাদেরকে আদেশ করেছেন। তিনি বলেন,

﴿إِنَّا أَرْسَلْنَاكَ شَاهِدًا وَمُبَشِّرًا وَنَذِيرًا - لِتُؤْمِنُوا بِاللَّهِ وَرَسُولِهِ وَتَعْزِزُوهُ وَتُوَفِّرُوهُ وَتُسَبِّحُوهُ بُكْرَةً وَأَصِيلًا﴾

অর্থাৎ, (হে নবী!) আমি তোমাকে প্রেরণ করেছি সাক্ষীরূপে, সুসংবাদদাতা ও সতর্ককারীরূপে। যাতে তোমরা আল্লাহ ও তাঁর রসূলের প্রতি ঈমান আনয়ন কর এবং রসূলকে সাহায্য ও সম্মান কর এবং সকাল-সন্ধ্যায় আল্লাহর পবিত্রতা ঘোষণা কর। (সূরা ফাত্হ ৮-৯ আয়াত)

রসূল ﷺ-এর প্রতি আদব ও সম্মান প্রদর্শন করলে আমরা মুক্তি ও সাফল্যের পথ পেতে পারব। মহান আল্লাহ সে কথাও কুরআনে বলেন,

﴿فَالَّذِينَ آمَنُوا بِهِ وَعَزَّزُوهُ وَأَصْرَوْهُ وَأَتَّبَعُوا النُّورَ الَّذِي أُنْزِلَ مَعَهُ أُولَئِكَ هُمُ الْمُفْلِحُونَ﴾

অর্থাৎ, সুতরাং তার প্রতি যারা ঈমান রাখে, তাকে সম্মান ও

সহযোগিতা করে এবং সেই আলোকের (কুরআনের) অনুসরণ করে, যা তার প্রতি অবর্তীর্ণ করা হয়েছে, তারাই হল সফলকাম। (সূরা আ'রাফ ১৫৭)

প্রিয় নবীর প্রতি আমাদের শ্রদ্ধা ও ভক্তি আছে। যদিও তিনি আমাদের মাঝে বেঁচে নেই, তবুও তাঁর প্রতি আমাদের সেই শ্রদ্ধা ও ভক্তি কম হওয়ার কথা নয়। তিনি নেই কিন্তু তাঁর ছেড়ে যাওয়া বাণী আছে। তাঁর বাণীর প্রতি আমাদের শ্রদ্ধা ও ভক্তি হওয়া উচিত। তিনি বেঁচে থাকলে আমাদের সামনে আমাদেরকে সম্বোধন করে আদেশ করলে তাঁর আদেশের প্রতি যে গুরুত্ব দিতাম, ঠিক সেই গুরুত্বই দেওয়া উচিত তাঁর অবর্তমানে তাঁর হাদীসের প্রতি। তবেই জানা যাবে, তাঁর প্রতি আমাদের ইমান অতি পাকা।

মহান আল্লাহ মুমিনদেরকে সেই আদবের কথা জানিয়ে বলেন,

﴿يَا أَيُّهَا الَّذِينَ آمَنُوا لَا تَقْدِمُوا بَيْنَ يَدِيِ اللَّهِ وَرَسُولِهِ وَأَتَّقُوا اللَّهَ إِنَّ اللَّهَ سَمِيعٌ عَلِيمٌ - يَا أَيُّهَا الَّذِينَ آمَنُوا لَا تَرْفَعُوا أَصْوَاتَكُمْ فَوْقَ صَوْتِ النَّبِيِّ وَلَا تَجْهَرُوا لَهُ بِالْقَوْلِ كَجَهْرٍ بَعْضُكُمْ لِبَعْضٍ أَنْ تَحْبَطَ أَعْمَالُكُمْ وَأَتَّمْ لَا تَشْعُرُونَ - إِنَّ الَّذِينَ يَغْضُبُونَ أَصْوَاتَهُمْ عِنْدَ رَسُولِ اللَّهِ أُولَئِكَ الَّذِينَ امْتَحَنَ اللَّهُ قُلُوبُهُمْ لِلتَّقْوَىٰ لَهُمْ مَغْفِرَةٌ وَأَجْرٌ عَظِيمٌ﴾

অর্থাৎ, হে ঈমানদারগণ! আল্লাহ ও তাঁর রসূলের সামনে তোমরা কোন বিষয়ে অগ্রণী হয়ো না। তোমরা আল্লাহকে ভয় কর। নিশ্চয় আল্লাহ সর্বশ্রোতা সর্বজ্ঞ। হে ঈমানদারগণ! তোমরা নবীর কষ্টস্বরের উপর নিজেদের কষ্টস্বরকে উঁচু করো না এবং তোমরা আপোসে যেভাবে উচ্চস্বরে কথা বল তার সাথে সেইভাবে উচ্চস্বরে কথা বলো না; কারণ এতে তোমাদের অজ্ঞাতসারে তোমাদের আমলসমূহ পও হয়ে যাবে। যারা আল্লাহর রসূলের সামনে নিজেদের কষ্টস্বর নিচু করে, আল্লাহ তাদের অন্ত রকে তাকওয়ার জন্য পরীক্ষা করেছেন। তাদের জন্য রয়েছে ক্ষমা ও মহাপুরস্কার।

(সূরা হজুরাত ১-৩ আয়াত)

এই আদব মানতে আমাদের উচিত হলো :-

তাঁর কবরের পাশে গিয়ে উচ্চস্বরে কথা বলব না।

হাদীসের উপর নিজের কিংবা আর কারো রায়কে প্রাধান্য দিব না ।

কিতাব ও সুন্নাহর পরিপন্থী কোন কথা বলব না ।

কুরআন ও হাদীসের নীতি ব্যতিরেকে কোন ফায়সালা দিব না ।

কুরআন ও হাদীসের অনুমোদন ছাড়া কোন ইবাদত বা দৈনী কাজ করব না ।

শরীয়তে কোন নতুন ইবাদত বা রীতি (বিদআত) আবিষ্কার করব না ।

কুরআন ও হাদীসের ফায়সালা মাথা পেতে মেনে নেব ।

হাদীস শোনার পর কোন প্রকারের কৃট প্রশ্ন বা অবজ্ঞা প্রদর্শন করব না ।

কোন ব্যাপারে হাদীস শোনার পর নিজের বুঝে আর কোন তর্ক করব না ।

হাদীস শোনার পর ‘কিষ্ট, কেন, ধূৎ, ছঁঁঁঁঁ’ শব্দ মনের ভিতরেও রাখব না ।

হাদীস শোনার পর তা প্রত্যাখ্যান করব না ।

রসূল ﷺ, তাঁর হাদীস বা হাদীসের উলামা নিয়ে কোন প্রকারের ব্যঙ্গ ও কটাক্ষ করব না ।

হাদীসের শিক্ষা ও শিক্ষা-প্রতিষ্ঠানকে ঘৃণা ও অবজ্ঞা করব না ।

কুরআন ও হাদীসের অভিজ্ঞ কোন আলেমের সাথে বিনা ইল্মে তর্ক করব না । বরং উলামার প্রতি যথেষ্ট আদব রেখে কথা বলব ।

যেহেতু আমরা মুমিন । আমাদের থাকবে যথেষ্ট আদব । আমরা বেআদব হতে পারি না ।

মহানবী ﷺ-এর সাহাবাগণ আনুগত্য ও আদবের প্রকৃষ্ট নমুনা রেখে গেছেন । তিনি থুতু বা কফ ফেললে তাঁদের কেউ নিজ হাতে লুফে নিয়ে চেহারা ও দেহে মেখে নিয়েছেন, যখন যা আদেশ করেছেন, বিনা দ্বিধায় সত্ত্বে তা পালন করেছেন, যখন তিনি ওয়ু করেছেন, তখন তাঁর ওয়ুর পানি নেওয়ার জন্য যেন তাঁরা মারামারি করেছেন, যখন তিনি কথা বলেছেন, তখন সকলেই তাঁর সামনে নিজ নিজ কর্তৃস্থর নিচু করে নিয়েছেন । আর তাঁর তাঁয়ীমে কেউ তাঁর প্রতি গভীর দৃষ্টিতে তাকিয়ে দেখতে পারেননি ।<sup>৪১</sup>

<sup>৪১</sup> (বুখারী)

আমাদের তরফ থেকে তাঁর প্রতি এই শ্রেণীর তা'য়ীম প্রদর্শনের কোন উপায় নেই। কিন্তু তাঁর একনিষ্ঠ অনুগত হয়ে, তাঁর বাণীর প্রতি সম্মান প্রদর্শন করে এবং তাঁর সুন্নাহর অনুসরণ করে যথাসম্ভব তা'য়ীম প্রদর্শন করতে পারি।

## মহানবী ﷺ-এর প্রতি ভালবাসা

আমাদের মধ্যে এমন কেউ নেই, যে মহানবী ﷺ-কে ভালবাসে না। অবশ্য সে ভালবাসার তারতম্য আছে; কারো কম আছে, কারো বেশী। কারো ভেজালমার্কা, কারো খাঁটি। কারো ভিতর-বাহির সর্বদিকময় অকপট, কারো বা কেবল বাহ্যিক কপট ভালবাসা।

আসলে খাঁটি নবী-ভালবাসা প্রত্যেক মুসলিমের জন্য ফরয। যে ভালবাসা না থাকলে কোন মুসলিম মুসলিম হতে পারে না। যেমন সেই ভালবাসা অন্য সকল ব্যক্তি ও বিষয় অপেক্ষা অধিক হওয়া জরুরী। তা না হলেও কারো ইমান থাকতে পারে না।

মহান আল্লাহ বলেন,

فِيهَا أَيُّهَا الَّذِينَ آمَنُوا لَا تَتَحْذِلُوا أَبْأَءُكُمْ وَإِخْرَوْكُمْ أُولَئِءَاءِ إِنْ  
اسْتَحْبُوا الْكُفَّارَ عَلَى الْأَيْمَانِ وَمَنْ يَتَوَلَّهُمْ مِنْكُمْ فَأُولَئِكَ هُمُ الظَّالِمُونَ—  
قُلْ إِنَّ كَانَ أَبْأَءُكُمْ وَأَبْنَاؤُكُمْ وَإِخْرَوْكُمْ وَأَزْوَاجُكُمْ وَعَشِيرَاتُكُمْ وَأَمْوَالُ  
اَقْرَفْتُمُوهَا وَتِجَارَةً تَخْشَوْنَ كَسَادَهَا وَمَسَاكِنَ تَرْضَوْنَهَا أَحَبَّ إِلَيْكُمْ مِنْ  
اللَّهِ وَرَسُولِهِ وَجِهَادٍ فِي سَبِيلِهِ فَتَرَبَّصُوا حَتَّىٰ يَأْتِيَ اللَّهُ بِأَمْرِهِ وَاللَّهُ لَا  
يَهِدِي الْقَوْمَ الْفَاسِقِينَ

অর্থাৎ, হে বিশ্বাসীগণ! তোমাদের পিতা ও ভাই যদি ইমান (বিশ্বাস) অপেক্ষা কুফরী (অবিশ্বাস)কে শ্রেয় জ্ঞান করে তবে ওদেরকে

আমাদের তরফ থেকে তাঁর প্রতি এই শ্রেণীর তা'য়ীম প্রদর্শনের কোন উপায় নেই। কিন্তু তাঁর একনিষ্ঠ অনুগত হয়ে, তাঁর বাণীর প্রতি সম্মান প্রদর্শন করে এবং তাঁর সুন্নাহর অনুসরণ করে যথাসম্ভব তা'য়ীম প্রদর্শন করতে পারি।

## মহানবী ﷺ-এর প্রতি ভালবাসা

আমাদের মধ্যে এমন কেউ নেই, যে মহানবী ﷺ-কে ভালবাসে না। অবশ্য সে ভালবাসার তারতম্য আছে; কারো কম আছে, কারো বেশী। কারো ভেজালমার্কা, কারো খাঁটি। কারো ভিতর-বাহির সর্বদিকময় অকপট, কারো বা কেবল বাহ্যিক কপট ভালবাসা।

আসলে খাঁটি নবী-ভালবাসা প্রত্যেক মুসলিমের জন্য ফরয। যে ভালবাসা না থাকলে কোন মুসলিম মুসলিম হতে পারে না। যেমন সেই ভালবাসা অন্য সকল ব্যক্তি ও বিষয় অপেক্ষা অধিক হওয়া জরুরী। তা না হলেও কারো ঈমান থাকতে পারে না।

মহান আল্লাহ বলেন,

فِيَا أَيُّهَا الَّذِينَ آمَنُوا لَا تَتْخِذُوا آبَاءَكُمْ وَإِخْرَوَكُمْ أُوْتَاءَ إِنْ  
اسْتَحْبُّو الْكُفَّارَ عَلَى الْأَيَّمَانِ وَمَنْ يَتَوَلَّهُمْ مِنْكُمْ فَأُولَئِكَ هُمُ الظَّالِمُونَ -  
قُلْ إِنَّ كَانَ آبَاؤُكُمْ وَآبَاءِ أَخْوَالِكُمْ وَأَزْوَاجِكُمْ وَعَشِيرَاتِكُمْ وَأَمْوَالُ  
اَقْرَفْتُمُوهَا وَتِجَارَةً تَخْشَوْنَ كَسَادَهَا وَمَسَاكِنَ تُرْضَوْنَهَا أَحَبَّ إِلَيْكُمْ مِنَ  
اللَّهِ وَرَسُولِهِ وَجَهَادٍ فِي سَبِيلِهِ فَتَرَبَّصُوا حَتَّىٰ يَأْتِيَ اللَّهُ بِأَمْرِهِ وَاللَّهُ لَا  
يَهْدِي الْقَوْمَ الْفَاسِقِينَ ﴿١﴾

অর্থাৎ, হে বিদ্বাসীগণ! তোমাদের পিতা ও ভাই যদি ঈমান (বিদ্বাস) অপেক্ষা কুফরী (অবিদ্বাস)কে শ্ৰেষ্ঠ জ্ঞান করে তবে ওদেরকে

অভিভাবকরূপে গ্রহণ করো না। তোমাদের মধ্যে যারা ওদেরকে অভিভাবক করে; তারাই সীমালংঘনকারী। বল, 'তোমাদের পিতা-পুত্র, আত্মবৃন্দ, পত্নী-পরিজন, অর্জিত ধন-সম্পদ সমূহ এবং সেই ব্যবসা-বাণিজ্য তোমরা যার অচল হয়ে যাওয়ার ভয় কর এবং প্রিয় বাসস্থানসমূহ যদি তোমাদের নিকট আল্লাহ, তদীয় রসূল ও আল্লাহর রাস্তায় জিহাদ অপেক্ষা অধিকতর প্রিয় হয় তাহলে আল্লাহর আদেশ পাঠানো পর্যন্ত অপেক্ষা কর। বস্তুতঃ আল্লাহ সত্যত্যাগী সম্প্রদায়কে সংপথ প্রদর্শন করেন না। (সূরা তাওবাহ ২৩-২৪)

আবু হুরাইরা (رضي الله عنه) বলেন, রাসুলুল্লাহ ﷺ বলেছেন, “সেই প্রভুর ক্ষম! যার হাতে আমার জীবন আছে, তোমরা কেউ ততক্ষণ পর্যন্ত পূর্ণ মুমিন নও, যতক্ষণ পর্যন্ত আমি তার নিকটে তার পিতা-মাতা, সন্তান-সন্ত তির চেয়ে অধিক প্রিয়তর না হতে পেরেছি।”<sup>৪২</sup>

আনাস (رضي الله عنه) বলেন “রাসুলুল্লাহ ﷺ বলেছেন, “কোন বান্দা পূর্ণ মুমিন নয়, যতক্ষণ পর্যন্ত আমি তার নিকট তার পরিবার, ধনসম্পদ এবং সমস্ত মানুষ অপেক্ষা অধিক প্রিয়তর না হই।”<sup>৪৩</sup>

একদা মহানবী ﷺ উমার বিন খাতাব (رضي الله عنه)-এর হাত ধরে ছিলেন। উমার (رضي الله عنه) তাঁকে বললেন, হে আল্লাহর রসূল! আপনি আমার জীবন ছাড়া সকল জিনিস থেকে আমার নিকট প্রিয়তম। এ কথা শুনে মহানবী ﷺ বললেন, “না। সেই সত্তার ক্ষম, যাঁর হাতে আমার প্রাণ আছে। যতক্ষণ না আমি তোমার নিকট তোমার জীবন থেকেও প্রিয়তম হতে পেরেছি (ততক্ষণ পর্যন্ত তুমি মুমিন হতে পারো না)। উমার (رضي الله عنه) বললেন, একশণে আপনি আমার জীবন থেকেও প্রিয়তম। তখন তিনি বললেন, “এখন (তুমি মুমিন) হে উমার!”<sup>৪৪</sup>

মহানবী ﷺ-কে সবার চেয়ে অধিক ভালবাসার ফল অতি মধুর। তাঁকে সব কিছু থেকে অধিক ভালবাসলে ঈমানের মিষ্টতা পাওয়া যায়। আনাস (رضي الله عنه) বলেন, নবী করীম ﷺ বলেছেন, “যার মধ্যে তিনটি বস্তু

“ (বুখারী ১৪নং)

“ (মুসলিম ৪৪নং )

“ (বুখারী)

পাওয়া যাবে, সে ঐ তিনি বক্তুর মাধ্যমে ঈমানের মিষ্টাতা অনুভব করবে। (১) আল্লাহ ও তাঁর রাসুল ﷺ তার নিকট সর্বাধিক প্রিয়তম হবে, (২) কোন ব্যক্তিকে সে একমাত্র আল্লাহর জন্য ভাল বাসবে এবং (৩) সে (মুসলমান হওয়ার পর) পুনরায় কুফৰীতে ফিরে যেতে এমন অপছন্দ করবে, যেমন সে আগুনে নিষ্কিঞ্চ হওয়াকে অপছন্দ করে।”<sup>৪৫</sup>

তাঁকে ভালবাসলে তাঁর সাথে হাশর হবে, বেহেশ্তে তাঁর সঙ্গলাভ হবে। আব্দুল্লাহ ইবনে মাসউদ (رضي الله عنه) বলেন, এক ব্যক্তি রসুলুল্লাহ ﷺ-এর নিকটে এসে জিজ্ঞাসা করল, “হে আল্লাহর নবী! সেই ব্যক্তি সম্পর্কে আপনার অভিযত কি, যে ব্যক্তি কোন এক সম্প্রদায়কে ভালবাসে অথচ সে তাদের মত আমল করতে পারে না?”

উত্তরে নবী ﷺ বললেন, “যে যাকে ভালবাসে সে তার সঙ্গী হবে।”<sup>৪৬</sup> অর্থাৎ, জান্নাতে সে তার সঙ্গী হবে।<sup>৪৭</sup>

একদা সওবান (رضي الله عنه) নবী ﷺ-এর নিকট এসে বললেন, ‘হে আল্লাহর রাসুল! আপনি আমার নিকট আমার জান-মাল, সন্তান-সন্ততি অপেক্ষা অধিক প্রিয়। বাড়িতে অবস্থানকালে আপনার স্বরণ হলে আপনাকে দর্শন না করা পর্যন্ত ধৈর্য হয় না, তখন আপনার নিকট এসে সাক্ষাৎ করি। কিন্তু যখন আপনার ও আমার মৃত্যুর কথা স্বরণ করি, তখন ভাবি যে, আপনি যখন জান্নাতে প্রবেশ করবেন, তখন আপনি নবীদের সঙ্গে বাস করবেন। আর আমি যখন জান্নাতে প্রবেশ করব, তখন আপনার সঙ্গে হয়তো সাক্ষাৎ হবে না। এই ভেবে ভীষণ শক্তি হই।’ এ কথা শুনে মহানবী ﷺ তাঁকে কোন উত্তর দিলেন না।

অতঃপর এই আয়াত অবর্তীর্ণ হল,

﴿وَمَنْ يُطِعِ اللَّهَ وَالرَّسُولَ فَأُولَئِكَ مَعَ الَّذِينَ أَنْعَمَ اللَّهُ عَلَيْهِمْ مِنَ النَّبِيِّينَ وَالصَّدِيقِينَ وَالشُّهَدَاءِ وَالصَّالِحِينَ وَحَسْنَ أُولَئِكَ رِفِيقًا﴾

(বুখারী ১৬, মুসলিম ১/৬৬)

(বুখারী ১০/৫৫৭ মুসলিম ৪/২০৩৪)

(উমদাতুল ক্ষাৰী ২২/১৯৭)

অর্থাৎ, যারা আল্লাহ ও তাঁর রাসুলের আনুগত্য করবে, তারা (পরকালে) ঐ সমষ্টি মহান ব্যক্তিদের সঙ্গে থাকবে, যাদের প্রতি আল্লাহর অনুগ্রহ অবতীর্ণ হয়েছে। অর্থাৎ নবীগণ, সত্যবাদীগণ, শহীদগণ এবং সৎব্যক্তিগণের সঙ্গে।

(সূরা নিসা ৬৯ আয়াত)

যে মহানবী ﷺ-কে ভালবাসবে, সে তাঁর আদর্শে আদর্শবান হতে অনুপ্রাণিত হবে, তাঁর অনুসরণে আমল করতে উদ্বৃদ্ধ হবে।

আরবী কবি বলেন,

أَحَبُّ الصَّالِحِينَ وَلَسْتَ مِنْهُمْ \* لِعْلَ اللَّهِ يُرْزِقُنِي صَلَاحًا

অর্থাৎ, আমি নেক লোকদেরকে ভালবাসি, অথচ আমি তাঁদের শ্রেণীভুক্ত নই। সম্ভবতঃ আল্লাহ আমাকে নেক লোক হওয়ার তওফীক দান করবেন।

প্রিয় নবী ﷺ-এর প্রতি ভালবাসার মাহাত্ম্য ও গুরুত্ব আরোপ করে উর্দু কবি বলেন,

“মুহাম্মাদ কি জিস দিল মেঁ উলফত না হোগী,  
সমৰ্থ লো কে কিসমত মেঁ জান্নাত না হোগী।

করে জো ইত্তাআত মুহাম্মাদ কী দিল সে,  
উসে পীর ও মূরশিদ কী হাজত না হোগী।

ভটকতা রহা হ্যায়, ভটকতা রহেগা,  
মুহাম্মাদ সে জিসকো আকীদত না হোগী।”

অর্থাৎ, যার হৃদয়ে মুহাম্মাদ ﷺ-এর ভালবাসা নেই, বুঝে নেবেন যে, তার ভাগ্যে জান্নাত নেই। যে ব্যক্তি বিশুদ্ধ অন্তরে মুহাম্মাদ ﷺ-এর আনুগত্য করে, সে ব্যক্তির কোন পীর-মুরশিদের দরকার নেই। সে ব্যক্তি পথভ্রষ্ট হয়ে ফিরছে এবং পথভ্রষ্ট হয়েই ফিরতে থাকবে, যে ব্যক্তির মুহাম্মাদ ﷺ-এর প্রতি ভক্তি না থাকবে।

যদি বাহ্যিক রূপ দেখে তাকে ভালবাসতে চান, তাহলে তিনি ছিলেন পূর্ণিমার চাঁদের মত, তাঁর দেহের ওজ্জ্বল্য ছিল সূর্যের মত। তাঁর রূপের

বর্ণনা দিয়ে আরবী কবি বলেন,

خَلَقْتَ مِنْ رَأْيٍ كُلَّ عَيْبٍ \* كَأَنَّكَ خَلَقْتَ كَمَا تَشَاءُ

وَأَجَلْتَ مِنْكَ لَمْ تَرْ قَطُّ عَيْنَ \* وَأَحْسَنْتَ مِنْكَ لَمْ تَلِدْ النِّسَاءَ

অর্থাৎ, হে নবী! আপনি যেন প্রত্যেক জুটি থেকে পবিত্ররূপে সৃষ্টি হয়েছেন। যেন আপনি নিজের ইচ্ছামত রূপ নিয়ে সৃষ্টি হয়েছেন।

আপনার থেকে অধিক সুন্দর কোন চক্ষু দর্শন করেনি। আর আপনার থেকে অধিক উত্তম (সত্তান) নারীরা জন্ম দেয়নি।

নবীকে ভালবাসুন। কিন্তু সে ভালবাসা যেন নির্মল হয়, বিশুদ্ধ হয়। সেই ভালবাসার দাবী কেবল হৃদয় ও মুখের মধ্যেই সীমাবদ্ধ না হয়। বরং তাঁর ভালবাসার মাধ্যমে যেন আমরা আল্লাহর ভালবাসা পেতে পারি। মহান আল্লাহ বলেন,

فَقُلْ إِنْ كُنْتُمْ تَحْبُّونَ اللَّهَ فَاتَّبِعُونِي يُحِبِّكُمُ اللَّهُ وَيَغْفِرُ لَكُمْ ذُنُوبَكُمْ  
وَاللَّهُ غَفُورٌ رَّحِيمٌ

অর্থাৎ, (হে নবী!) বল, তোমরা যদি আল্লাহকে ভালবাস তবে আমার অনুসরণ কর তাহলেই আল্লাহ তোমাদেরকে ভালবাসবেন এবং তোমাদের অপরাধ ক্ষমা করবেন। আর আল্লাহ অত্যন্ত ক্ষমাশীল পরম দয়ালু। (সূরা আলে ইমরান ৩১ আয়াত)

বলাই বাহুল্য যে, মহানবী ﷺ-এর নাফরমানি করে তাঁর ভালবাসার দাবী মিথ্যা। তাঁর নির্দেশ পালন না করে তাঁর প্রশংসায় ভঙ্গিমূলক গজল-গীতি পাঠ করা প্রকৃত ভালবাসার পরিচয় নয়। কাজে অমান্য করে কথায় ভালবাসার বুলি ঝাড়লে কি সত্যিপক্ষে ভালবাসা হয়?

আরবী কবি বলেছেন,

تَعَصَّبَ الرَّسُولُ وَأَنْتَ تَظْهِرُ حِبَّهُ \* هَذَا لِعْمَرِي فِي الزَّمَانِ بَدِيعٍ

لَوْ كَانَ حِبُّكَ صَادِقًا لَأَطْعَمْهُ \* إِنَّ الْحِبَّ مَنْ يَحِبُّ مَطِيعٌ

অর্থাৎ, তুমি রাসূলের নাফরমানি করে তাঁর ভালবাসা প্রকাশ কর। এটা তো সর্বযুগে এক অদ্ভুত ব্যাপার! তোমার ভালবাসা যদি সত্য হত, তাহলে অবশ্যই তুমি তাঁর আনুগত্য করতে। কারণ যে যাকে ভালবাসে সে তার অনুগত হয়।

অতএব প্রিয়তমের কথামত আমল করুন, তাঁর বাণী প্রচার করে তাঁকে তথা দ্বীনে ইসলামকে সাহায্য করুন। তবেই আপনি প্রকৃত নবীর ভালবাসার দাবীদার।

### সাহাবা (জ্ঞানী)-দের সুন্নাহর অনুসরণ করার ক্ষতিপূর্ণ নমুনা

সাহাবায়ে কিরাম ছিলেন আল্লাহর রসূল ﷺ-এর একান্ত অনুগত ও অনুসারী। তাঁরা তাঁদের প্রত্যেক কাজে তাঁর পরামর্শ নিয়ে চলতেন, প্রত্যেক সমস্যার সমাধান নিতেন তাঁর কাছে, প্রত্যেক বাদ-বিসম্বাদের মীমাংসা গ্রহণ করতেন তাঁর কাছে, প্রত্যেক মামলার মোকদ্দমা পেশ করতেন তাঁর দরবারে।

তাঁরা তাঁর আদেশ নির্দিষ্টায় পালন করতেন, তাঁর নিষেধ নিঃসংকোচে মান্য করতেন, খাস না হলে তাঁর প্রত্যেক ইবাদত, ব্যবহার ও কাজকর্মে তাঁরা তাঁর অনুকরণ করতেন।

আল্লাহর রসূল ﷺ তাঁদেরকে নিজের আনুগত্য ও অনুকরণ করতে আদেশ করতেন এবং তা পালন না করা হলে তিনি রাগান্বিত হতেন।

অগাধ ভঙ্গিতে তাঁর প্রত্যেক কাজে তাঁরা তাঁর অস্বাভাবিক অনুকরণ করতেন। একদা তিনি সোনার মোহর-অঙ্গুরীয় (আংটি) তৈরী করলেন। তা দেখে তাঁরাও তৈরী করে ব্যবহার করতে লাগলেন। অতঃপর তিনি তা ফেলে দিয়ে বললেন, “আমি আর কোনদিন তা ব্যবহার করব না।” তা দেখে তাঁরাও নিজ নিজ আংটি ফেলে দিলেন।<sup>৪৮</sup>

একদা নামায পড়তে পড়তে জিবরীল খন্দ্বা মারফৎ মহানবী ﷺ তাঁর জুতায় নাপাকী লেগে থাকার সংবাদ পেলে তিনি তা খুলে ফেলে বাম দিকে

(বুধবারী ৭২৯৮নং)

রাখলেন। তা দেখে সাহাবাগণ সকলে নিজ নিজ জুতা খুলে ফেললেন। নামায শেষে তিনি তাঁদের উদ্দেশ্যে বললেন, “তোমাদেরকে তোমাদের জুতা খুলে ফেলতে কে উদ্বৃদ্ধ করল?” তাঁরা বললেন, ‘আমরা দেখলাম, আপনি আপনার জুতা খুলে ফেলেছেন, তাই আমরাও আমাদের জুতা খুলে ফেললাম।’ তিনি বললেন, “জিবরীল আমাকে খবর দিলেন যে, তাতে নাপাকী লেগে আছে” (তাই আমি খুলে ফেলেছিলাম। তোমাদের জুতায় নাপাকী না থাকলে তা খুলে ফেলা জরুরী ছিল না।) <sup>৪৯</sup>

ভক্তি ও অনুকরণের এত আগ্রহ তাঁদের হৃদয়ে ছিল যে, যে বিষয়ে তা বিধেয় নয়, সে বিষয়েও তাঁরা তাঁর অনুকরণ করতেন।

সুন্নাহর হিকমত ও যৌক্তিকতা বুঝে না এলেও সাহাবাগণ তা পালন করতে কৃষ্টাবোধ করতেন না। কেবল ভক্তির সাথে তাঁর অনুকরণ করে যেতেন তাঁরা। একদা উমার (সাল্লাহু আলাই অবে প্রেরণ) হাজারে আসওয়াদকে চুম্বন দেওয়ার সময় বলেছিলেন, ‘আল্লাহর কসম! আমি তোমাকে চুম্ব দিচ্ছি। অথচ আমি জানি যে, তুমি কোন উপকার করতে পার না, অপকারও না। তবে যদি আমি আল্লাহর রসূল (সাল্লাহু আলাই অবে প্রেরণ)-কে চুম্বন দিতে না দেখতাম, তাহলে আমি তোমাকে চুম্বন দিতাম না।’<sup>৫০</sup>

মহানবী (সাল্লাহু আলাই অবে প্রেরণ)-এর আদেশ পালন করার জন্য সাহাবাগণ ব্যতিব্যস্ত হয়ে পড়তেন। ভক্তি ও সমীহতে পরিপূর্ণ তাঁর যে কোন নির্দেশ মানতে তৎপর হয়ে উঠতেন। একদা আল্লাহর নবী (সাল্লাহু আলাই অবে প্রেরণ) খুতবা দিচ্ছিলেন। এমন সময় আব্দুল্লাহ বিন মাসউদ (সাল্লাহু আলাই অবে প্রেরণ) মসজিদে এলেন। তিনি সকলকে বসতে আদেশ করলে তা শুনেই ইবনে মাসউদ (সাল্লাহু আলাই অবে প্রেরণ) দরজার উপরেই বসে গেলেন। তা দেখে নবী (সাল্লাহু আলাই অবে প্রেরণ) তাঁকে বললেন, “(ভিতরে) এস হে আব্দুল্লাহ বিন মাসউদ!”<sup>৫১</sup>

মহানবী (সাল্লাহু আলাই অবে প্রেরণ)-এর সঙ্গে এক ব্যক্তি আসরের নামায পড়ে কতিপয় আনসারদের নিকট দিয়ে পার হয়ে যাচ্ছিলেন। তিনি তাদেরকে বাইতুল

“ (আবু দাউদ, দারেমী, মিশকাত ৭৬৬নং)

“ (বুখারী, মুসলিম ১২৭০নং)

“ (আবু দাউদ ১০৯১নং, হাকেম ১/৪২৩, বাইহাকী ৩/২১৮)

মাক্কদেসের দিকে মুখ করে নামায পড়তে দেখে কসম খেয়ে বললেন যে, ‘তিনি নবী ﷺ-এর সঙ্গে নামায পড়ে আসছেন, আর (কিবলা পরিবর্তন করে) নবী ﷺ-এর মুখ কা’বার দিকে ফিরিয়ে দেওয়া হয়েছে।’ তাঁরা এই সংবাদ শুনেই আসরের নামাযের রুক্কুর অবস্থাতেই কা’বার দিকে ঘুরে পড়লেন।<sup>১২</sup>

তাঁর কথাকে সাহাবাগণ এমন বিশ্বাস করতেন যে, না দেখেই তাঁর সপক্ষে সাক্ষি দিতেন। একদা মহানবী ﷺ সাওয়া বিন কাইস মুহারেবী বেদুইনের নিকট থেকে একটি ঘোড়া কিনলেন। কিন্তু সে ঐ বিক্রয়ের কথা অস্বীকার করে এবং বলে, তুমি যদি আমার কাছে ঘোড়া কিনেছ, তাহলে সাক্ষী উপস্থিত কর। এ কথা শুনে খুয়াইমাহ বিন সাবেত সাহাবী তাঁর সপক্ষে সাক্ষি দিয়ে বললেন, এই ঘোড়া তোমার নিকট থেকে উনি খরীদ করেছেন। নবী ﷺ তাঁকে বললেন, তুমি তো আমাদের ঘোড়া ক্রয়-বিক্রয়ের সময় উপস্থিত ছিলে না, তাহলে সাক্ষি দিলে কিভাবে? তিনি বললেন, আপনি যা বলেন, তাতেই আমি আপনাকে সত্যবাদী বলে জানি। আরো জানি যে আপনি কখনো মিথ্যা বলবেন না।’ মহানবী ﷺ বললেন, “যে ব্যক্তির সপক্ষে অথবা বিপক্ষে খুয়াইমাহ সাক্ষি দেবে, সাক্ষির জন্য সে একাই যথেষ্ট।” আর তখন থেকেই তাঁর উপাধি পড়ে গেল ‘ডবল সাক্ষি-ওয়ালা’ সাহাবী।<sup>১৩</sup>

এমনকি পার্থিব ব্যাপারেও তাঁরা তাঁর ভক্তির সাথে অনুকরণ করতেন। একদা তিনি সাহাবাদেরকে দেখলেন, তাঁরা খেজুর মোছার পরাগ-মিলন সাধন করছেন; অর্থাৎ, মাদা গাছের মোছা নিয়ে মাদী গাছের মোছার সাথে বেঁধে দিচ্ছেন। তিনি বললেন, “আমার মনে হয় ঐরূপ করাতে কোন লাভ নেই। ঐরূপ না করলেও খেজুর ফলবে।” তাঁর এ মন্তব্য শুনে সাহাবাগণ তা ত্যাগ করলেন। কিন্তু খেজুর ফলার সময় দেখা গেল, খেজুর পরিপূর্ণ হয়নি; ফলে তার ফলনও ভালো হয়নি। তিনি তা দেখে বললেন, “কি ব্যাপার, তোমাদের খেজুরের ফলন নেই কেন?” তাঁরা বললেন, যেহেতু

(বুখারী ৪০নং)

(আবু দাউদ ৩৬০৭, নাসাই ৪৬৬১নং, তারারানী, হাকেম ২/২২, বাইহাকী ১০/১৪৬)

আপনি পরাগ-মিলন ঘটাতে নিষেধ করেছিলেন, সেহেতু তা না করার ফলে ফলন কম হয়েছে। তিনি বললেন, “আমি ওটা ধারণা করে বলেছিলাম। তোমরা তোমাদের পার্থিব বিষয় সম্পর্কে অধিক জ্ঞান রাখ। অতএব তা ভালো হলে, তোমরা তা করতে পার।”<sup>৪৮</sup>

যে সাধারণ খাবার মহানবী ﷺ খেতে ভালোবেসেছেন, সেই খাবার তাঁর মহকৃতে খেয়ে তাঁর সুন্নত পালন করেছেন সাহাবাগণ। কি অপূর্ব অনুকরণ ও অনুসরণের ন্যায় রেখে গেছেন তাঁরা!

একদা এক খাবারের মজলিসে আনাস (رض) মহানবী ﷺ-কে লাউ রাঁধা খেতে পছন্দ করতে দেখলেন। আর তখন থেকেই তিনি নিজে লাউ খেতে ভালবাসতে লাগলেন।<sup>৪৯</sup>

এমন কি সাহাবী আব্দুল্লাহ বিন উমার (رض) আব্দুল্লাহর রসূল ﷺ-এর নামাযের জায়গা খুঁজে সেই জায়গায় নামায পড়তেন। তিনি যে গাছের নিচে বিশ্রাম নিয়েছেন, সেই গাছের নিচে তিনিও বিশ্রাম নিতেন এবং সেই গাছ যাতে মারা না যায় তার জন্য তার গোড়ায় পানি দিতেন।<sup>৫০</sup>

তাঁর আচরণে নবী-অনুসরণ দেখলে মনে হতো তিনি একজন পাগল লোক।<sup>৫১</sup>

সাহাবীগণ যখন মহানবী ﷺ-এর নিকট থেকে কিছু বর্জন করার আদেশ শুনতেন, তখন লোভনীয় হলেও তা বিনা দ্বিধায় সত্ত্বর বর্জন করতেন।

আনাস (رض) বলেন, খায়বারের দিন রসূলুল্লাহ ﷺ-এর নিকট জনৈক ব্যক্তি এসে বলল, ‘গাধাগুলিকে খেয়ে নেওয়া হচ্ছে! রাসূলুল্লাহ ﷺ চূপ থাকলেন। দ্বিতীয় বার পুনরায় এসে বলল, ‘গাধাগুলি খেয়ে নেওয়া হচ্ছে।’ তিনি ﷺ চূপ থাকলেন। তৃতীয় বার এসে বলল, ‘গাধাগুলি শেষ করে দেওয়া হচ্ছে।’ অতঃপর নবী ﷺ একজন স্বোষণাকারীকে এই

৪৮ (মুসলিম ২৩৬১-২৩৬৩নং)

৪৯ (আহমাদ, সিলসিলাহ সহীহাহ ৫/১৬৩)

৫০ (উস্দুল পাবাহ ৩/৩৪১, সিয়ারু আ'লামুন নুবালা ৩/২১৩)

৫১ (সিয়ারু আ'লামুন নুবালা ৩/২১৩)

কথা ঘোষণা করার আদেশ করলেন, “আল্লাহ তাআলা ও তাঁর রাসূল তোমাদেরকে গৃহপালিত গাধার গোশ্ত থেতে নিষেধ করছেন।”

এই ঘোষণা শোনামাত্র ফুটস্ট ইঁড়ির গোশ্ত মাটিতে ঢেলে দেওয়া হল।<sup>৪৮</sup>

মদ যখন হারাম করা হল, তখন সাহাবাগণ মদের বড় বড় পাত্র ভেঙ্গে দিলেন এবং কোন কোন পাত্র থেকে ঢেলে ফেলে দিলেন। আর তার ফলে মদীনার গলিতে মদ প্রবাহিত হল।<sup>৪৯</sup> অতঃপর সেই অভ্যাসগত নেশার জিনিস আর কেউ কষ্ট করলেন না।

ইবনে আবুস খুজি বলেন, একদা আল্লাহর রসূল ﷺ এক ব্যক্তির হাতে সোনার আংটি দেখলেন। তিনি তার হাত হতে তা খুলে ছুঁড়ে ফেলে দিলেন এবং বললেন, “তোমাদের কেউ কি ইচছাকৃত দোয়খের আঙ্গারকে হাতে নিয়ে ব্যবহার করে?”

অতঃপর নবী ﷺ চলে গেলে লোকটিকে বলা হল, ‘তোমার আংটিটা কুড়িয়ে নিয়ে অন্য কাজে লাগাও। (অথবা তা বিক্রয় করে মূল্যটা কাজে লাগাও।)’ কিন্তু লোকটি বলল, ‘আল্লাহর কসম! আমি আর কক্ষনো তা গ্রহণ করব না, যা আল্লাহর রসূল ﷺ ছুঁড়ে ফেলে দিয়েছেন।’<sup>৫০</sup>

আংটিটা কুড়িয়ে তা বিক্রি করে তার মূল্য কাজে লাগানোতে অথবা আত্মীয় মহিলাকে দেওয়াতে কোন গোনাহ ছিল না। তবুও সাহাবী (رضي الله عنه) রসূল ﷺ-এর তা'য়ীমে তা গ্রহণ করলেন না।

একদা আবু জুহাইফা (رضي الله عنه) মহানবী ﷺ-এর সামনে ঢেকুর তুললে তিনি তাঁকে বললেন, “আমাদের সামনে তোমার ঢেকুর তোলা বন্ধ কর। পার্থিব জীবনে যে বেশী পরিত্পন্ত হয়, কিয়ামতের দিনে সে বেশী ক্ষুধার্ত হবে।” এ হাদীস শোনার পর তিনি মরণকাল পর্যন্ত কোনদিন পেট পুরে খানা খাননি। তিনি রাতের খাবার খেলে, দুপুরের খাবার খেতেন না এবং দুপুরের খাবার খেলে আর রাতের খাবার খেতেন না।<sup>৫১</sup>

বলা বাহ্যিক, এ সব হল রসূলের চরম আনুগত্যের প্রকৃষ্ট নমুনা।

(বুখারী ৪১৯৯নং)

(বুখারী, মুসলিম ১৯৮০নং)

(মুসলিম ২০৯০নং)

(আল-ইতিভাব ৪/১৬২০, উসুদুল গাবাহ ৪/৪০০)

শুধু পুরুষরাই নয়; বরং মহিলারাও মহানবী ﷺ-এর অনুসরণের আজব আজব দৃষ্টান্ত ও নমুনা রেখে গেছেন। তাঁরাও প্রমাণ করেছেন যে, আল্লাহর রসূল ﷺ-এর আদেশ পালনে এতটুকু দেরী, মনের ভিতরে কোন দ্বিধা-সংকোচ, কেন-কিন্তু বা কোন প্রকারের গয়ংগচছ চলবে না।

এক সময় পুরুষ ও মহিলাদেরকে এক সঙ্গে পাশাপাশি রাস্তায় চলতে দেখে নবী ﷺ বলেছিলেন, “হে মহিলাগণ! তোমরা পিছিয়ে যাও। পথের মধ্যভাগে চলো তোমাদের জন্য সমীচীন নয়; বরং তোমরা পথের এক পাশ দিয়ে চলাচল কর।” মেয়েরা সঙ্গে সঙ্গে দেওয়াল ঘেষে চলতে আরম্ভ করল। এমন কি তারা এমনভাবে দেওয়াল ঘেষে চলতে লাগল যে, তার ফলে তাদের দেহের পরিহিত কাপড় দেওয়ালে আটকে যেত!<sup>৬২</sup>

একদা জনৈক মহিলা তার কন্যাকে সঙ্গে করে রাসুলুল্লাহ ﷺ-এর নিকট উপস্থিত হল। তার মেয়ের হাতে দুই খানা সোনার মোটা বালা ছিল। তা দেখে নবী ﷺ বললেন, “তুমি এর যাকাত প্রদান কর কি?” সে বলল, ‘না।’ তিনি ﷺ বললেন, “তাহলে তুমি কি পছন্দ কর যে, এই দুই খানা বালার পরিবর্তে কিয়ামতের দিন আল্লাহ তোমাকে আগন্তের তৈরি দুই খানা বালা পরিধান করাবেন?”

সঙ্গে সঙ্গে মহিলাটি বালা দুটি খুলে রাসুলুল্লাহ ﷺ-এর সামনে রেখে দিয়ে বলল, ‘এই বালা দুই খানা আল্লাহ ও তাঁর রাসুলের জন্য।’<sup>৬৩</sup>

আমাদেরও উচিত সেইরূপ অনুসরণ করা -যদি আমরা সত্যপক্ষে তাঁর উম্মত হওয়ার দাবী রাখি তাহলে। আমাদের বক্ষঃস্থিত ঈমানের খৌজ নিয়ে দেখা দরকার যে, আমরা কি সত্যপক্ষে তাঁর অনুসরণ করে তাঁকে ভালবাসতে পেরেছি? আমরা মহান আল্লাহর ভালবাসা লাভ করার জন্য কি তাঁর প্রেরিত রাসূলের প্রকৃত অনুসরণ করতে পেরেছি?

মহান আল্লাহ বলেন,

﴿قُلْ إِنْ كُنْتُمْ تَحْبُّونَ اللَّهَ فَاتَّبِعُونِي يُخْبِكُمُ اللَّهُ وَيَغْفِرُ لَكُمْ ذُنُوبَكُمْ﴾

- (আবু দাউদ ৫২৭২নং)

- (আবু দাউদ ১৫৬৩, নাসাই)

وَاللَّهُ غَفُورٌ رَّحِيمٌ

অর্থাৎ-বল, তোমরা যদি আল্লাহকে ভালবাস তবে আমার অনুসরণ কর তাহলেই আল্লাহ তোমাদেরকে ভালবাসবেন এবং তোমাদের অপরাধ ক্ষমা করবেন। আর আল্লাহ অত্যন্ত ক্ষমাশীল পরম দয়ালু। (সূরা আলে ইমরান ৩১)

আমরা কি আমাদের মনের বিশ্বাসে, মুখের কথায় ও কর্মজীবনের কাজে তাঁর প্রতি অক্ত্রিম ভালবাসা প্রমাণ করতে পেরেছি? আমাদের মাঝে কি এ সকল লক্ষণ আছে?

১। আমরা কি নবী ﷺ-এর সাক্ষাৎ লাভ ও তাঁর সঙ্গী হওয়ার আকাঞ্চ্ছা পোষণ করি এবং তা থেকে বঞ্চিত হওয়াকে পৃথিবীর অন্যান্য সকল বস্তু থেকে বঞ্চিত হওয়া অপেক্ষা অধিক কষ্টকর বলে মনে করি?

আমরা কি মহানবী ﷺ-এর সেই ভবিষ্যদ্বাণীর উচ্জ্বল দৃষ্টান্ত, যাতে তিনি বলেছেন, “অবশ্যই আমার উম্মতের কিছু লোক হবে, যারা আমার পরবর্তীকালে আগমন করবে; (তারা আমাকে অত্যন্ত প্রগাঢ়ভাবে ভালবাসবে) তাদের প্রত্যেকে এই আশা পোষণ করবে যে, যদি সে ‘তার পরিবার-পরিজন ও ধন-সম্পদের বিনিয়য়ে আমার দর্শন লাভ করতে পারত!’”<sup>৬৪</sup>

২। আমরা কি নবী ﷺ-এর সুর্পে নিজের জান ও মাল খরচ করার জন্য পূর্ণভাবে প্রস্তুত আছি?

৩। তাঁর সকল আদেশ পালন করা ও সমুদয় নিষিদ্ধ বস্তু থেকে বিরত থাকার মন-মানসিকতা কি আমাদের আছে?

৪। তাঁর সুন্নতের পূর্ণরূপ সাহায্য করা এবং শরীয়তের বিরোধী সকল বাধাকে প্রতিহত করার দায়িত্ব কি আমরা পালন করেছি?

৫। সকল ব্যক্তি ও বস্তু অপেক্ষা তাঁকে অধিক ভালবাসা, সকল কিছুর ভালবাসার উপর তাঁর ভালবাসাকে প্রাধান্য দেওয়ার মত প্রমাণ কি আমরা রাখতে পেরেছি?

<sup>64</sup> (আহমাদ ৫/১৫৬, মুসলিম ২৮৩২, হাকেম, সিলসিলাহ সহীহাহ ১৪১৮, ১৬৭৬নং)

৬। সকল মান্যবরের কথার উপর তাঁর কথাকে কি অগ্রাধিকার দান করতে পেরেছি?

প্রিয় নবী ﷺ বলেন, “তোমাদের মধ্যে কেউ মুমিন হতে পারবে না যতক্ষণ পর্যন্ত না আমি তার নিকট তার পিতা, সন্তান এবং সকল মানুষ অপেক্ষা প্রিয়তম হয়েছি।”<sup>৬৫</sup>

তিনি আরো বলেন, “একবার সুসংবাদ বা সুখের জীবন সেই ব্যক্তির জন্য, যে আমাকে দেখেছে এবং আমার প্রতি ঈমান এনেছে এবং সাতবার সুসংবাদ বা সুখের জীবন সেই ব্যক্তির জন্য, যে আমাকে দেখেনি এবং আমার প্রতি ঈমান এনেছে।”<sup>৬৬</sup>

## ঠারা সুন্নাহ পালন করেন, তাঁরা কি গৌড়া?

সুন্নাহ পালন করলে অনেকে মনে করে, এটা বাড়াবাড়ি হচ্ছে। আসলে সুন্নাহ পালন করলে বাড়াবাড়ি বা গৌড়ামি হয় না। অবশ্য সুন্নাহ পালন করতে গিয়ে অনেককে বাড়াবাড়ি করতে দেখা যায়। অনেক সময় সেই সুন্নাহ পালন না করলে তাঁরা ভর্তসনা ও তিক্ত সমালোচনা করেন। ছাত্র হলে তাকে মারধর করে থাকেন। যেমন, চুল ছেট করা, টুপী ও লঘা জামা পরা নিয়ে অনেককে অতিরঞ্জন করতে দেখা যায়। নামাযে পায়ে পালাগানো নিয়ে নামাযের ভিতরেই পা নিয়ে ঠেলাঠেলি করতে নজরে পড়ে অনেক মানুষ। অতএব সুন্নত পালনে গৌড়ামি নয়। গৌড়ামি আছে সুন্নাহ পালন করতে গিয়ে অতিরঞ্জনে।

আসলে যিনি জীবনের প্রত্যেক পদক্ষেপে মহানবী ﷺ-এর সুন্নাহ পালন করেন, তিনি গৌড়া নন। তিনি হলেন প্রকৃত সভ্য ও নেক মানুষ। যে নবীর চরিত্র ও শিক্ষার আলোকে আলোকিত হয়ে সারা পৃথিবী ধন্য, সে নবীর সুন্নাহ পালন করেই মানুষ প্রকৃত আলোকপ্রাণ হতে পারে। আর গৌড়ামি হল অতিরঞ্জন করার নাম। যে অতিরঞ্জন সুন্নাহতেও পচন্দনীয় নয়।

(বুখারী)

(আহমাদ, হাকেম প্রমুখ, সহীহল জামে' ৩৯২৪নং)

মহানবী ﷺ বলেন, “তোমরা ‘সওমে বিসাল’ থেকে দূরে থাক।” এ কথা তিনি ৩ বার পুনরাবৃত্তি করলেন। সাহাবাগণ বললেন, ‘কিন্তু হে আল্লাহর রসূল! আপনি তো বিসাল করে থাকেন?’ তিনি বললেন, “এ ব্যাপারে তোমরা আমার মত নও। কারণ, আমি রাত্রি যাপন করি, আর আমার প্রতিপালক আমাকে পানাহার করিয়ে থাকেন। সুতরাং তোমরা সেই আমল করতে উদ্ধৃত হও, যা করতে তোমরা সক্ষম।”<sup>৬৭</sup>

একদা তিনি ব্যক্তি মহানবী ﷺ এর ইবাদত সম্পর্কে জানার জন্য তাঁর বিবিদের নিকট উপস্থিত হল। যখন তাঁর ইবাদতের কথা তাদেরকে বলা হল, তখন তারা তা স্বল্প জ্ঞান করল এবং বলল, নবী ﷺ-এর সাথে আমাদের তুলনা কোথায়? তাঁর তো পূর্বাপর সমস্ত গোনাহ আল্লাহ মাফ করে দিয়েছেন। অতঃপর একজন বলল, ‘আমি সর্বদা সারা রাত্রি নামায পড়তে থাকব। দ্বিতীয়জন বলল, আমি সর্বদা রোধা রাখতে থাকব; কখনও রোধা ভ্যাগ করব না। তৃতীয়জন বলল, আমি সর্বদা স্তুর্তি থেকে দূরে থাকব; কখনো বিবাহ করব না।

মহানবী ﷺ এর নিকট এ খবর পৌছলে তিনি তাদেরকে বললেন, “তোমরা কি সেই সকল লোক, যারা এই এই কথা বলেছে? আল্লাহর কসম! আমি আল্লাহকে তোমাদের থেকে অধিকরণপে ভয় করে থাকি এবং তাঁর জন্য অধিক সংযম অবলম্বন করে থাকি। এতদ্সন্ত্রেও আমি কোন দিন রোধা রাখি এবং কোন দিন রোধা ছেড়েও দিই। (রাত্রি) নামাযও পড়ি, আবার সুন্নিয়েও থাকি এবং স্তুর্তি-মিলনও করি। সুতরাং যে ব্যক্তি আমার সুন্নাহ (তরীকা) থেকে বিমুখতা প্রকাশ করে, সে আমার দলভুক্ত নয়।”<sup>৬৮</sup>

আল্লাহর রসূল ﷺ বলেন, “প্রত্যেক কর্মের উদ্যম আছে এবং প্রত্যেক উদ্যমের আছে নিরুদ্যমতা। সুতরাং যার নিরুদ্যমতা আমার সুন্নাহর গান্ধির ভিতরেই থাকে সে হেদায়াতপ্রাপ্ত হয় এবং যার নিরুদ্যমতা এ ছাড়া অন্য কিছুতে (সুন্নত বর্জনে) অতিক্রম করে সে ধূংস হয়ে যায়।”<sup>৬৯</sup>

• (বুখারী ১৯৬৬, মুসলিম ১১০৩নং, প্রমুখ)

• (বুখারী, মুসলিম, মিশকাত ১৪৫৮)

.. (ইবনে আবী আসেম, ইবনে হিক্বান, আহমাদ, ঢাহাবী, সহীহ তারগীব ৫৩ নং)

অতএব সুন্নাহ পালন করুন। সুন্নাহ পালন করা গোড়ামি নয়। অবশ্য সুন্নাহ পালন করতে গিয়ে বাড়াবাড়ি করবেন না। যেহেতু সীমালংঘনকারীকে আল্লাহ পছন্দ করেন না। যে ব্যক্তি নবীর সুন্নাহ পালন করে তাকে নিয়ে ব্যঙ্গ করবেন না এবং তাকে গোড়া ভাববেন না।

পক্ষান্তরে শতধারিচিছন্ন উম্মাহর নানা মতবিরোধের মাঝে আল্লাহর নবী ﷺ-এর সুন্নাহ পালন করাও ততটা সহজ নয়। তিনি সে কথার বর্ণনা দিয়ে বলেছেন, “আমার উম্মতের মতবিরোধের সময় আমার সুন্নাহকে সুদৃঢ়ভাবে ধারণকারী হবে হস্তমুষ্টিতে অঙ্গার ধারণকারীর মত।”<sup>৭০</sup>

## বিদআতীরাই সুন্নাহর দুশ্মন

বিদআতী সুন্নাহ পছন্দ করে না। হাদীসের কথা বললে হেসে উড়িয়ে দেয়। যেহেতু বিদআতকেই সে আসল দীন মনে করে। এতে ক্ষতি কি, ওতে অসুবিধা কি, এটা তো ভালো জিনিস, ওটা তো বিদআতে হাসানাহ’ বলে অনেক বিদআত প্রচলিত করে থাকে। আর তার সঙ্গে মনের খেয়াল-খুশী যোগ হয়। ফলে কোন সহীহ হাদীসের কথা বললে তা আর গ্রহণ করতে মন চায় না। আর তখনই মনের বিরোধী হাদীসের প্রতি বিষ উদ্গারণ করে থাকে। হাদীসপঞ্চী আলেমকেও নিজের শক্র মনে করে থাকে। অথচ বিদআতী একজন ভষ্ট লোক।

আবু ক্রিলাবাহ বলেন, যখন তুমি কোন ব্যক্তিকে কোন হাদীস বর্ণনা করবে এবং সে বলবে, ‘এ কথা ছাড়ুন, কুরআনের কথা বলুন’ তখন জেনে নেবে যে, সে একজন গোমরাহ লোক।<sup>৭১</sup>

ইমাম যাহাবী উক্ত কথার টীকায় বলেন, আর যখন বিদআতী বক্তাকে বলতে দেখবে যে, ‘কুরআন ও একক বর্ণনাকারীর বর্ণিত (খবরে ওয়াহেদ) ছাড়ো, তোমার জ্ঞান-বিবেক কি বলছে তাই মানো’ তখন জেনে নেবে যে,

- (সহীহল জামে' ৬৬৭৬নঁ)

- (ভাবাক্ষাতু ইবনে সাদ ৭/১৮৪)

সে আবৃ জাহেল। যখন কোন তাওহীদী (অদৈতবাদ বা সর্বেশ্বরবাদ) মতাবলম্বী (সূফী)কে বলতে দেখবে যে, ‘(হাদীস) বর্ণনা ও জ্ঞান-বিবেক ছাড় এবং রুচি ও আবেগ যা বলছে তাই কর’ তাহলে জেনে নেবে যে, ইবলীস মানুষের বেশে আবির্ভূত হয়েছে অথবা সে মানুষের দেহে প্রবেশ করেছে। সুতরাং তাকে দেখে যদি তুমি তয় পাও, তাহলে সেখান হতে পলায়ন কর। নচেৎ তাকে চিৎ করে ফেলে তার বুকে বসে তার উপর আয়াতুল কুরসী পড় এবং গলা টিপে তাকে (সেই ইবলীসকে) হত্যা কর।<sup>১২</sup>

বার্বাহারী বলেন, ‘যখন তুমি কাউকে দেখ যে, সে আল্লাহর রসূল ﷺ-এর সাহাবার্গের মধ্যে কোন সাহাবীর বিরুদ্ধে কটুক্ষি করছে, তখন জেনে নিও সে ব্যক্তি প্রবৃত্তিপূজারী বিদআতী।’<sup>১৩</sup>

তিনি আরো বলেন, ‘যখন কাউকে শোনো যে, সে হাদীসের বিরুদ্ধে কটুক্ষি করছে অথবা হাদীস প্রত্যাখ্যান করছে অথবা হাদীস ছাড়া অন্য কিছু মানতে চাচেছ, তখন তার ইসলামে সন্দেহ করো। আর সে যে একজন প্রবৃত্তিপূজক বিদআতী তাতে কোন সন্দেহই করো না।’<sup>১৪</sup>

তিনি বলেন, ‘আর যখন দেখ যে, সে (দেশের মুসলিম) বাদশাহের জন্য বদুআ করছে, তখন জেনে নিও সে ব্যক্তি প্রবৃত্তিপূজারী (বিদআতী)।’<sup>১৫</sup>

আবৃ হাতেম বলেন, ‘আহলে বিদআহর চিহ্ন হল এই যে, সে আহলে হাদীসের ইজ্জতে আঘাত হানে।’<sup>১৬</sup>

তদনুরূপ যখন কাউকে দেখেন যে, সে সউদিয়া বা অন্য কোন দেশের উলামায়ে সুন্নাহ বা সালাফী মতাদর্শের বিরুদ্ধে কটুক্ষি করছে, তখন জেনে নিন সে ব্যক্তি একজন প্রবৃত্তিপূজারী (বিদআতী)।

“ (সিয়ারু আ লামিন নুবালা’ ৪/৮৭২)

“ (বার্বাহারী ১১৫পঃ ১৩৩ নং)

“ (ঐ ১১৫-১১৬পঃ, ১৩৪নং, শারহস সুন্নাহ ৫১পঃ)

“ (ঐ ১১৬ পঃ, ১৩৬নং)

“ (শারহ উসূল ইতিকাদি আহলিস সুন্নাতি অলজামাআহ, লালকাস্তি ১/১৭৯)

ইবনুল কাত্বান বলেন, ‘দুনিয়াতে এমন কোন বিদআতী নেই, যে আহলে হাদীসকে ঘৃণা করে না।’<sup>১৭</sup>

আবু ইসমাঈল সাবুনী বলেন, ‘বিদআতীর আচরণে বিদআতের চিহ্ন প্রকাশ থাকে। তাদের সব চাইতে অধিক স্পষ্ট চিহ্ন ও নির্দর্শন হল, নবী ﷺ-এর হাদীসের বাহক (মুহাদ্দেসীন)গণের প্রতি তারা দুশ্মনি করে, তাঁদেরকে ঘৃণা করে এবং তাঁদেরকে তুচ্ছ জ্ঞান করে।’<sup>১৮</sup>

কৃতাইবাহ বিন সাইদ বলেন, ‘যখন তুমি কাউকে দেখবে যে, সে আহলে হাদীসকে ভালবাসছে, তখন (জেনো যে,) সে সুন্নাহপন্থী। আর যে ব্যক্তি এর বিরোধিতা করে, সে ব্যক্তিকে বিদআতী জেনো।’<sup>১৯</sup>

আইযুব সাখতিয়ানী বলেন, ‘আজকের বিদআতীদের কাউকে আমি জানি না যে, সে ঝরক (দ্যর্থবোধক আয়াত ও হাদীস) ছাড়া অন্য কিছু দ্বারা তর্ক করছে।’<sup>২০</sup>

আবুল কাসেম আসবাহানী বলেন, সলফের আহলে সুন্নাহ বলেন যে, ‘মানুষ যখন আসার (হাদীসে)র ব্যাপারে কষ্টিতি করবে, তখন তার ইসলামে সন্দেহ হওয়া উচিত।’<sup>২১</sup>

## হাদীস-বিরোধী রায়

অনেক মানুষ আছে যাদের সামনে হাদীস পেশ করা হলে তারা তা মানতে চায় না। বরং হাদীসের পরিবর্তে নিজের জ্ঞানকে অথবা নিজের মান্যবর কোন বুর্যুর্গকে প্রাধান্য দেয়। আর সেই রায় বা মতকে হাদীসের রায় বা মত থেকেও উত্তম ধারণা করে। অথচ যারা হাদীস মানে না, যারা হাদীসের ফায়সালা বাদ দিয়ে অথবা দৃষ্টিচ্যুত করে নিজেদের মত ও রায়কে প্রাধান্য দেয়, তারা আসলে নিজ খেয়াল-খুশীর পূজারী।

” (আকীদাতুস সালাফ অআসহাবিল হাদীস, ইমাম সাবুনী ১০২গঃ, ১৬৩নঃ)

- (ঠ ১০১গঃ, ১৬২নঃ)

” (মুক্তাদামাতু মুহাদ্দিদি কিতাব শিআকুর আসহাবিল হাদীস, হাকেম ৭গঃ)

” (আল-ইবানাহ আন শরীআতি ফিরাকিন না-জিয়াহ অমুজানাবাতিল ফিরাকিল মায়মুমাহ, ইবনে বাভাহ ২/৫০১, ৬০৫, ৬০৯)

” (আল-হজ্জাহ ফী বায়ানিল মাহজাহ ২/৪২৮) (বিশেষ দ্রষ্টব্যঃ মদিমালা)

আল্লাহ তাআলা বলেন,

**فَإِنْ لَمْ يَسْتَجِبُوا لَكُ فَاعْلَمْ أَنَّمَا يَتَّبِعُونَ أَهْوَاءَهُمْ وَمَنْ أَضَلُّ مِنْهُمْ  
أَتَبْعَ هَوَاهُ بِقَيْرِ هُدَىٰ مِنْ اللَّهِ إِنَّ اللَّهَ لَا يَهْدِي الْقَوْمَ الظَّالِمِينَ**

অর্থাৎ, অতঃপর ওরা যদি তোমার আহবানে সাড়া না দেয় তাহলে জানবে যে, ওরা তো কেবল নিজেদের খেয়াল-খুশীরই অনুসরণ করে। আর আল্লাহর পথনির্দেশ বিনা যে ব্যক্তি নিজ খেয়াল-খুশীর অনুসরণ করে তার চেয়ে অধিক বিভ্রান্ত আর কে? (সূরা কাসাস ৫০ আয়াত)

পক্ষান্তরে হাদীসের রায় হল স্বয়ং সৃষ্টিকর্তা আল্লাহর রায়; যা ভুল হওয়ার কোন আশঙ্কাই নেই। আর মানুষের নিজস্ব রায় সঠিক হতে পারে এবং ভুলও। হাদীসের মত হল সুনিশ্চিত ইল্ম। অন্যথা মানুষের নিজস্ব রায় সুনিশ্চিত ইল্ম নয়। আর মহান আল্লাহ বলেন,

**وَلَا تَقْفَ مَا لَيْسَ لَكَ بِهِ عِلْمٌ إِنَّ السَّمْعَ وَالْبَصَرَ وَالْفُؤَادَ كُلُّ  
أُولَئِكَ كَانَ عَنْهُ مَسْؤُلًا**

অর্থাৎ, যে বিষয়ে তোমার জ্ঞান নেই সে বিষয়ে অনুমান দ্বারা পরিচালিত হয়ে না (সে বিষয়ে মুখ খুলো না)। অবশ্যই কর্ণ, চক্ষু ও হস্তয় ওদের প্রত্যেকের নিকট কৈফিয়ত তলব করা হবে। (সূরা ইসরায় ৩৬ আয়াত)

হাদীস প্রত্যাখ্যান করলে ইল্ম নষ্ট হয়ে যাবে। হাদীসের আলেম ধূস হয়ে গেলে ইল্ম উঠে যাবে। আর ইল্ম উঠে গেলে জাহেলদেরকে লোকেরা নেতা বানিয়ে নিয়ে, তাদেরকেই আলেম জ্ঞান করে ফতোয়া জিজ্ঞাসা করবে। আর সেই ভষ্ট জাহেলরা নিজেদের রায় দ্বারা ভুল ফতোয়া দিয়ে মানুষকে ভষ্ট করবে।

আল্লাহর রসূল ﷺ বলেন, “অবশ্যই আল্লাহ তোমাদেরকে যে ইল্ম দান করেছেন তা তোমাদের নিকট থেকে ছিনিয়ে নেওয়ার মত তুলে নেবেন না। বরং ইল্ম-ওয়ালা (বিজ্ঞ) উলাঘা তুলে নিয়ে ইল্ম তুলে নেবেন। এমতাবস্থায় যখন কেবল জাহেলরা অবশিষ্ট থাকবে, তখন লোকেরা তাদেরকেই ফতোয়া জিজ্ঞাসা করবে। ফলে তারা নিজেদের রায়

দ্বারা ফতোয়া দেবে, যাতে তারা নিজেরা ভষ্ট হবে এবং অপরকেও ভষ্ট করবে।<sup>১২</sup>

সাহূল বিন হুনাইফ বলেন, “তোমরা দ্বীনের ব্যাপারে নিজেদের রায়কে সুনিশ্চিত মনে করো না।---”<sup>১৩</sup> অর্থাৎ, কুরআন ও হাদীসের পরিপন্থী অথবা উভয়ের কোন নির্দেশ ব্যতিরেকে নিজস্ব কোন রায় দ্বারা দ্বীনের কোন আমল করো না।

এমনকি মহানবী ﷺ কোন কিছু জিজ্ঞাসিত হলে নিজের রায় দ্বারা বলতেন না। বরং তিনি অহীর অপেক্ষা করতেন। জিবরীল খুঁচা এসে সংবাদ ও সমাধান দিলে তবেই তিনি তা প্রকাশ ও প্রচার করতেন।

কুরআন ও হাদীসের ফায়সালা না মেনে যারা নিজেদের রায় দ্বারা ফায়সালা নেয় ও দেয় তারা আসলে উম্মতের জন্য বড় ফিতনা স্বরূপ। মহানবী ﷺ বলেন, “আমার উম্মত সতরাধিক (তিথাতুর) ফির্কায় বিভক্ত হবে। এদের মধ্যে আমার উম্মতের জন্য সবচেয়ে বড় ফিতনার কারণ হবে একটি এমন সম্প্রদায়, যারা নিজ রায় দ্বারা সকল ব্যাপারকে ওজন করবে; আর এর ফলে তারা হালালকে হারাম এবং হারামকে হালাল করবে।”<sup>১৪</sup>

উমার বিন খাতাব (رضي الله عنه) বলেন, ‘তোমরা রায়-ওয়ালা থেকে দূরে থেকো। কারণ তারা সুন্নাহর দুশ্মন। হাদীস মুখ্যত করতে অপারগ হয়ে নিজেদের রায় (জ্ঞান) দ্বারা কথা বলে (দ্বীনী বিধান দেয়) ফলে তারা নিজেরা ভষ্ট হয় এবং অপরকেও ভষ্ট করে।’<sup>১৫</sup>

হ্যরত আলী (رضي الله عنه) বলেন, ‘দ্বীনে যদি রায় ও বিবেকের স্থান থাকত, তাহলে মোজার উপরের অংশ অপেক্ষা নিচের অংশই অধিক মাসাহযোগ্য হত। কিন্তু আমি আল্লাহর রসূল ﷺ-কে তাঁর মোজার উপরের অংশে মাসাহ করতে দেখেছি।’<sup>১৬</sup>

- (বুখারী ৭৩০৭ ও মুসলিম ২৬৭৩ নং)

- (বুখারী ৭৩০৮, মুসলিম ১৭৮৫নং)

- (আল-ইবনাহ, ইবনে বাবুহ ১/৩৭৪, হাকেম ৪/৪৩০, মাজমাউয় যাওয়াইদ ১/১৭৯)

- (লালকাস্ত ১/১২৩, আল-ফকীহ অল-মুতাফাক্তক্তিহ, বাগদাদী ১/১৮০, আল-জামে' ইবনে আব্দুল বার' ৪/৭৬পঃ)

- (আহমাদ, আবু দাউদ ১৬২নং, দারেমী, মিশকাত ৫২৫নং)

আব্দুল্লাহ বিন মাসউদ (رضي الله عنه) বলেন, ‘---তোমরা কিছু সম্পদায়কে পাবে, যারা মনে করবে যে, তারা তোমাদেরকে আল্লাহর কিতাবের দিকে আহবান করছে। অথচ আসলে তারা আল্লাহর কিতাবকে পৃষ্ঠপিছে বর্জন করবে। সুতরাং তোমরা ‘ইল্ম’ (সুন্নাহ) অবলম্বন করো। আর বিদআত রচনা করা থেকে দূরে থেকো। দূরে থেকে অতিরঞ্জন করা থেকে। দূরে থেকে (বুটিনাটি নিয়ে) গভীর চিন্তা-ভাবনা (বা ভেদ খোজা) থেকে। বরং তোমরা প্রাচীন পথ অবলম্বন কর।’<sup>১৮৭</sup>

আওয়ারী বলেন, ‘তুমি সলফের পদাঙ্ক অনুসরণ করে চল; যদিও লোকে তোমাকে প্রত্যাখ্যান করে। আর এঁর-ওর রায় থেকে দূরে থাক; যদিও কথা করা তা তোমার জন্য সুশ্রোভিত করে পেশ করে।’<sup>১৮৮</sup>

উমার বিন আব্দুল আবীৰ (রাহিমাহল্লাহ) বলেন, ‘আল্লাহর রসূল ﷺ-এ সুন্নাহ (তরীকা) দিয়ে গেছেন, তার কাছে অন্য কারো রায় চলে না।’<sup>১৮৯</sup>

হাদীসের বিরুদ্ধে আপনার রায়ও কোন মূল্য রাখে না; যদিও আপনি নিজেকে বড় আলেম অথবা বড় ডাক্তার অথবা বড় বৈজ্ঞানিক অথবা বড় রাজনীতিবিদ্ অথবা বড় চিকিৎসিবিদ্ মনে করেন। তদনুরূপ কুরআন ও হাদীস-বিরোধী কারো রায় আপনি গ্রহণ করবেন না। কারণ তাতে আপনি ভষ্ট হয়ে যাবেন।

## হাদীস মানার ব্যাপারে আয়েম্বায়ে কিরামের উক্তি

এতে কোন সন্দেহ নেই যে, প্রত্যেক ইমাম ছিলেন হাদীসের অনুসারী। আর এ কথা কল্পনাও করা যেতে পারে না যে, তাঁদের কেউ আল্লাহর রসূল ﷺ-এর হাদীস জানা সত্ত্বেও তাঁর বিপরীত ফায়সালা বা ক্ষতোয়া দিয়ে গেছেন।

তাঁদের মধ্যে মতভেদ হওয়ার কারণ হল, তাঁদের অনেকের কাছে

- (দারেমী ১/৬৬, ১৪৩নং, আল-ইবানাহ ১/৩২৪, ১৬৯নং, লালকারী ১/৮৭, ১০৮নং, ইবনে অববাহ ৩২পঃ)
- (আশ-শারীআহ ৬৩পঃ)
- (ই'লামুল মুওয়াক্সিন ২/২৮২)

হাদীস পৌছেছে; কিন্তু অনেকের কাছে তা পৌছেনি। অনেকে সেই হাদীসকে সহীহ মনে করেননি।

আর এতেও কোন সন্দেহ নেই যে, উচ্চতরে কেউই আল্লাহর নবীর সকল সহীহ হাদীস জানতেন না। তাঁর পরবর্তী চার খলীফা তাঁর সমস্ত হাদীস জানতেন না; জানা সম্ভব ছিল না। তাঁর প্রিয়তমা সহখর্মিনী মা আয়েশাও তাঁর সমস্ত হাদীস জানতেন না। এমন কি সবার চেয়ে বেশী হাদীস যিনি মুখ্য রেখেছিলেন সেই সাহাবী আবু হুরাইরাও মহানবী ﷺ-এর সকল হাদীস জানতেন না।

তদনুরূপ আয়েমায়ে কিরামগণের কেউই আল্লাহর রসূল ﷺ-এর সকল হাদীস জানতেন না। বিশ্বের সব চাইতে অধিক প্রসিদ্ধ ও প্রামাণ্য গ্রন্থব্য বুখারী ও মুসলিম শরীফ ইমাম চতুর্থয়ের কেউই পড়া তো দূরের কথা; চোখে দেখেও যাননি; পড়া বা দেখা সম্ভবও ছিল না। যেহেতু বুখারী ও মুসলিম প্রণীত হওয়ার আগেই তাঁদের অনেকেই এ পৃথিবী থেকে বিদায় নিয়েছেন।

বলা বাহ্য্য, ইমাম আবু হানীফার জন্ম ৮০ হিজরী এবং মৃত্যু ১৫০ হিজরীতে, ইমাম মালেকের জন্ম ৯৩ হিজরী এবং মৃত্যু ১৭৯ হিজরীতে, ইমাম শাফেয়ীর জন্ম ১৫০ হিজরী এবং মৃত্যু ২০৪ হিজরীতে, আর ইমাম আহমাদ বিন হাস্বলের জন্ম ১৬৪ হিজরী এবং মৃত্যু ২৪১ হিজরীতে। পক্ষান্তরে বুখারী শরীফ প্রণেতা ইমাম মুহাম্মাদ বিন ইসমাইল বুখারীর জন্ম ১৯৪ হিজরী এবং মৃত্যু ২৫৬ হিজরীতে। আর মুসলিম শরীফ প্রণেতা ইমাম মুসলিম বিন হাজাজ কুশাইরীর জন্ম ২০৪ হিজরী এবং মৃত্যু ২৬১ হিজরীতে। আরো অন্যান্য হাদীস গ্রন্থ প্রণেতাদের জন্ম-মৃত্যুও তাঁদের পরে। ইমাম আবু দাউদের জন্ম ২০২ হিজরী এবং মৃত্যু ২৭৫ হিজরীতে, ইমাম তিরমিয়ার জন্ম ২০৯ হিজরী এবং মৃত্যু ২৭৯ হিজরীতে, ইমাম নাসাঈর জন্ম ২১৫ হিজরী এবং মৃত্যু ৩০৩ হিজরীতে, আর ইমাম ইবনে মাজার জন্ম ২০৯ হিজরী এবং মৃত্যু ২৭৩ হিজরীতে।

সুতরাং লক্ষণীয় যে, হাদীস সঞ্চয়নের যুগ আসার পূর্বেই প্রায় সকল ইমামগণ ইহ-জগৎ ত্যাগ করেন। অতএব তাঁদের পক্ষে সকল (সহীহ) হাদীস জানা অসম্ভব ছিল। আর এ জন্যই তাঁরা হাদীস মানার জন্য স্পষ্টভাবে প্রত্যেকেই বিভিন্ন বাণী রেখে গেছেন।

### ইমাম আবু হানীফা (রাহিমাত্তুল্লাহ) বলেন :-

১। যখন হাদীস সহীহ হবে, তখন সেটাই আমার ম্যহাব। (হাদীস সহীহ হলে, সেটাই আমার ম্যহাব।) <sup>১০</sup>

২। কারো জন্য আমাদের কথা মেনে নেওয়া বৈধ নয়; যতক্ষণ না সে জেনেছে যে, আমরা তা কোথেকে গ্রহণ করেছি। (অর্থাৎ, দলীল না জেনে আমাদের অঙ্কানুকরণ বৈধ নয়।) <sup>১১</sup>

৩। যে ব্যক্তি আমার দলীল জানে না, তার জন্য আমার উক্তি দ্বারা ফতোয়া দেওয়া হারাম। <sup>১২</sup>

৪। আমরা তো ঘানুষ। আজ এক কথা বলি, আবার কাল তা প্রত্যাহার করে নিই। (এক দলীল অনুসারে আজ একটি মত পেশ করি, আবার অন্য দলীল অনুসারে কাল অন্য মত পেশ করি।) <sup>১৩</sup>

৫। যদি আমি এমন কথা বলি, যা আল্লাহর কিতাব ও রসূলের হাদীসের পরিপন্থী, তাহলে আমার কথাকে বর্জন করো। (দেওয়ালে ছুঁড়ে মেরো।) <sup>১৪</sup>

৬। আল্লাহর রসূল ﷺ থেকে বর্ণিত হাদীস শিরোধার্য। শিরোধার্য সাহাবা رضي الله عنه থেকে বর্ণিত বাণী। আর তাবেরীন থেকে বর্ণিত বাণী তেমন নয়; কারণ তাঁরা যেমন পুরুষ, আমরাও তেমনি (সমপর্যায়ের) পুরুষ।

৭। একদা তাঁকে জিজ্ঞাসা করা হল যে, আপনি যদি এমন কথা বলেন যা আল্লাহর কিতাবের প্রতিকূল, (তাহলে আমরা কি করব)? উভয়ে তিনি বললেন, আমার কথা বর্জন করে আল্লাহর কিতাবকে মেনে নেবে। বলা হল, যদি রসূল ﷺ-এর উক্তি তার প্রতিকূল হয় তাহলে? তিনি বললেন, তাহলে আমার কথা বর্জন করে রসূল ﷺ-এর হাদীস মেনে নেবে। বলা

- (ইবনুল আবেদীন ১/৬৩, রাসমূল মুকতী ১/৪, ইক্তামূল হিমাম ৬২পৃঃ)

” (হাশিয়া ইবনুল আবেদীন ৬/২৯৩, রাসমূল মুকতী ২৯, ৩২পৃঃ, শাখাবীর বীকন ১/৫৫, ইলামুল মুওয়াক্সিন ২/৩০৯)

” (আন-নাফিউল কাবীর ১৩৫পৃঃ)

” (আন-নাফিউল কাবীর ১৩৫পৃঃ)

” (ঈক্তামূল হিমাম ৫০পৃঃ)

হল, যদি সাহাবাদের উক্তি তার প্রতিকূল হয় তাহলে? তিনি বললেন, তাহলে আমার কথা বর্জন করে সাহাবাদের উক্তি মেনে নেবে।

বলা বাহ্যিক, প্রকৃত হানাফী (ইমাম আবু হানীফার ভক্ত ও অনুসারী) হল সেই ব্যক্তি, যে ইমামের এই সকল উক্তির উপর আমল করে সহীহ হাদীসের ম্যহাবকেই নিজের ম্যহাব বলে মান্য করে।

### ইমাম মালেক (রাহিমাহ্মাহ) বলেন ৪-

১। আমি তো একজন মানুষ মাত্র। আমার কথা ভুল হতে পারে আবার ঠিকও হতে পারে। সুতরাং তোমরা আমার মতকে বিবেচনা করে দেখ। অতঃপর যেটা কিতাব ও সুন্নাহর অনুকূল পাও, তা গ্রহণ কর। আর যা কিতাব ও সুন্নাহর প্রতিকূল তা বর্জন কর।<sup>৫৩</sup>

২। নবী ﷺ-এর পর তাঁর কথা ছাড়া অন্য কারো কথা গ্রহণীয় হতে পারে, আবার বর্জনীয়ও।<sup>৫৪</sup>

বলা বাহ্যিক, প্রকৃত মালেকী (ইমাম মালেকের ভক্ত ও অনুসারী) হল সেই ব্যক্তি, যে ইমামের এই সকল উক্তির উপর আমল করে সহীহ হাদীস অনুযায়ী নিজের জীবন পরিচালনা করে।

### ইমাম শাফেয়ী (রাহিমাহ্মাহ) বলেন ৫-

১। আমি যে কথাই বলি না কেন অথবা যে নীতিই প্রণয়ন করি না কেন, তা যদি আল্লাহর রসূল ﷺ-এর নিকট থেকে বর্ণিত (হাদীসের) খিলাপ হয়, তাহলে সে কথা (ও সেই নীতি)ই মান্য, যা আল্লাহর রসূল ﷺ-এর বলেছেন। আর সেটাই আমার কথা।<sup>৫৫</sup>

২। মুসলিমরা এ বিষয়ে একমত যে, যে ব্যক্তির কাছে আল্লাহর রসূল ﷺ-এর সুন্নাহ স্পষ্ট হয়ে যাবে, তার জন্য অন্য কারো কথা মেনে তা বর্জন করা হালাল নয়।<sup>৫৬</sup>

- (জামেউ বায়ানিল ইল্ম ২/৩২, উস্তুল আহকাম ৬/১৪৯)

- (ইরশাদুস সালেক ১/২২৭, জামেউ বায়ানিল ইল্ম ২/৯১, উস্তুল আহকাম ৬/১৪৫, ১৭১)

- (তারীখু দিমাশ্ক, ই'লামুল মুওয়াক্সিন ২/৩৬৩-৩৬৪, ঈক্সামুল হিয়াম ১০০পঃ)

- (ই'লামুল মুওয়াক্সিন ২/৩৬১)

৩। হাদীস সহীহ হলে, সেটাই আমার ম্যহাব।<sup>৯৯</sup>

৪। আমার পুস্তকে যদি আল্লাহর রসূল ﷺ-এর সুন্নাহর খিলাপ কোন কথা পাও, তাহলে আল্লাহর রসূল ﷺ-এর সুন্নাহর কথাকেই মেনে নিও এবং আমি যা বলেছি তা বর্জন করো।<sup>১০০</sup>

৫। সহীহ সুন্নাহ (হাদীস) বিরোধী যে কথাই আমি বলেছি, সে কথা আমি আমার জীবনে এবং মরণের পরেও প্রত্যাহার করে নিচ্ছি।<sup>১০১</sup>

৬। যখন দেখবে যে, আমি এমন কথা বলছি; যার বিপরীত কথা নবী ﷺ-এর সহীহ হাদীসে রয়েছে, তখন মনে করো যে, আমার মাথা খারাপ হয়ে গেছে।<sup>১০২</sup>

৭। যে কথাই আমি বলি না কেন, তা যদি সহীহ সুন্নাহর পরিপন্থী হয়, তাহলে নবী ﷺ-এর হাদীসই অধিক মান্য। সুতরাং তোমরা আমার অঙ্গানুকরণ করো না।

৮। নবী ﷺ থেকে যে হাদীসই বর্ণিত হয়, সেটাই আমার কথা; যদিও তা আমার নিকট থেকে না শুনে থাক।<sup>১০৩</sup>

৯। (নিজ ছাত্র ইমাম আহমাদকে সম্মোধন করে বলেন,) হাদীস ও রিজাল সম্বন্ধে তোমরা আমার চেয়ে অধিক জান। অতএব হাদীস সহীহ হলে আমাকে জানাও, সে যাই হোক না কেন; কৃষ্ণী, বাসরী অথবা শার্মী। তা সহীহ হলে সেটাই আমি আমার ম্যহাব বানিয়ে নেব।<sup>১০৪</sup>

বলা বাহ্যিক, প্রকৃত শাফেয়ী (ইমাম শাফেয়ীর ভক্ত ও অনুসারী) হল সেই ব্যক্তি, যে ইমামের এই সকল উক্তির উপর আমল করে সহীহ হাদীস অনুযায়ী কর্ম করে।

### ইমাম আহমাদ (রাহিমাহ্মাহ) বলেন :-

১। তোমরা আমার অঙ্গানুকরণ করো না, মালেকেরও অঙ্গানুকরণ

১। (মাজমু' ১/৬৩, শা'রানী ১/৫৭)

২। (ইবনে আসাকির, নওয়াবীর মাজমু' ১/৬৩, ই'লামুল মুওয়াক্সিন ২/৩৬১)

৩। (হিলয়াহ ৯/১০৭, ই'লামুল মুওয়াক্সিন ২/৩৬০)

৪। (হিলয়াহ ৯/১০৬, ইবনে আসাকির)

৫। (ইবনু আবী হাতেম ৯৩-৯৪ পৃঃ)

৬। (ইবনু আবী হাতেম ৯৪-৯৫ পৃঃ, হিলয়াহ ৯/১০৬, ইবনে আসাকির প্রমুখ)

করো না। অঙ্কানুকরণ করো না শাফেয়ীর, আর না আওয়ায়ী ও ষওরীর। বরং তোমরা সেখান থেকে গ্রহণ কর, যেখান থেকে তাঁরা গ্রহণ করেছেন। (অর্থাৎ তাঁরা যেমন কিতাব ও সুন্নাহ থেকে মাসায়েল গ্রহণ করেছেন, তেমনি তোমরাও উভয় থেকেই মাসায়েল গ্রহণ কর!)<sup>105</sup>

২। যে ব্যক্তি আল্লাহর রসূল ﷺ-এর হাদীস প্রত্যাখ্যান করে, সে ব্যক্তি ধূংসোম্মুখ।<sup>106</sup>

বলা বাহ্য, প্রকৃত হাস্তলী (ইমাম আহমাদ বিন হাস্তলের ভক্ত ও অনুসারী) হল সেই ব্যক্তি, যে ইমামের এই সকল উক্তির উপর আমল করে সহীহ হাদীসকে গ্রহণ ও মান্য করে।

ইমামগণ সহীহ হাদীসের খেলাপ কোন কথা বলতেন না। আর এ জন্যই একই বিষয়ে তাঁদের একাধিক রায় ও মত পরিলক্ষিত হয়। দেখা যায় যে, ইমামের ছাত্র ইমামের কথা গ্রহণ করেননি। বরং উন্নায় ইমাম যা বলেছেন, তার বিপরীত মতই গ্রহণ ও প্রচার করেছেন। কারণ, সহীহ সুন্নাহ উন্নায়ের বিপক্ষে এবং ছাত্রের সপক্ষে তাই। আর এখান থেকেই স্পষ্ট হয় যে, কুরআন ও সহীহ হাদীসকে দৃষ্টিচ্যুত করে কারো, কোন ইমাম বা ময়হাবের তকলীদ (অঙ্কানুকরণ) বৈধ নয়।<sup>107</sup>

### শায়খ আব্দুল কাদের জীলানী (রাহিমাহ্মাহ) বলেন ৪-

কিতাব ও সুন্নাহকে নিজের ইমাম বানিয়ে নাও, উভয়কে গভীর ধ্যান ও গবেষণার সাথে অধ্যয়ন কর এবং ঐ দুয়ের উপরই আমল কর। আর অন্য কারো কথা, মত ও প্রলাপে ধোকা খেও না।<sup>108</sup>

### হ্যরত মুজাফিদে আলফে সানী (রাহিমাহ্মাহ) বলেন ৫-

যদি কখনো পীরের কোন হৃকুম শরীয়তের বিপরীত মনে হয়, তাহলে মুরীদের সেই হৃকুম তামীল করতে তাঁর অঙ্কানুকরণ করবে না।

- (ই'লামুল মুওয়াছিদেন ২/৩০২)

- (ইবনুল জাওয়ী ১৮-২৪)

- (দ্রষ্টব্য : সিকাতু সালাতিন্নাবী, আলবানী)

- (ফুতুহল গাইব)

এত জানার পরেও যদি আপনি বলেন, আমার ম্যহাব কি কুরআন-হাদীস ছাড়াই হয়েছে নাকি?

তা তো অবশ্যই হয়নি। কিন্তু এটা তো মানবেন যে, অনেক সময় যয়ীফ ও জাল হাদীসকে ভিত্তি করেই ম্যহাবের ফতোয়া প্রচলিত হয়ে গেছে। পরে যখন জানা গেল যে, ঐ ফতোয়া সহীহ হাদীস বিরোধী, তখন কি ঐ ফতোয়া বর্জন ও সহীহ হাদীস গ্রহণ করতে আপনার মনে কোন দ্বিধা থাকতে পারে?

যদি বলেন, আমার ইমাম সাহেব কি জানতেন না যে, যে হাদীসকে ভিত্তি করে ফতোয়া দেওয়া হচ্ছে সেটি সহীহ নয়?

আমরা বলব যে, অবশ্যই জানতেন না এবং সেই সঙ্গে এও জানতেন না যে, এর বিপক্ষে কোন সহীহ হাদীস আছে। নচেৎ নিচ্ছয়ই তিনি যয়ীফ হাদীস বর্জন করে সহীহ হাদীসকে গ্রহণ করে সেই অনুযায়ী ফতোয়া দিতেন। আর এ কথা আপনি তাঁদের উপর্যুক্ত উকিগুলো থেকেই তো বুঝতে পারেন।

যদি বলেন, যয়ীফ তাঁরা না জানলে আপনারা কি করে জানলেন যে, ঐ হাদীস যয়ীফ? তাহলে আমরা বলব যে, সে কথা আমাদের মত ছোট মাথার মানুষ তো জানতে পারে না। বড় বড় মুহাদ্দেসীনে কিরামরাই সে কথা জেনে বলে গেছেন। আপনি অবশ্যই চার ইমামকেই স্বীকার করেন। এখন বলুন, যদি এক ইমাম বলেন, এটা হালাল, আর এক ইমাম বলেন, এটা হারাম। তাহলে আপনি যাঁর তাকলীদ করেন তাঁর কথাটাই চোখ বঙ্গ করে মানবেন। পক্ষান্তরে যাঁর তাকলীদ করেন না, তাঁর কথাটিকে মানবেন না কেন? কোন্ যুক্তিতে একটি গ্রহণীয় এবং অপরটি বর্জনীয় বলে আপনি মনে করেন? দুজনই তো ইমাম। তাহলে দলীল দেখা কি জরুরী নয়। মতভেদের কারণ খোঁজা কি জরুরী নয়? অতঃপর যেটি যুক্তিযুক্ত সেই কথাটাকেই মেনে নেওয়া কি জানীর কাজ নয়? এইরূপই কি ইমাম সাহেবগণের ছাত্রগণ করে যান নি? তা না করলে এত ম্যহাব হওয়ার কথা নয়।

ইমাম আবু হানীফার ছাত্র ইমাম মুহাম্মাদ বিন হাসান ও আবু ইউসুফ দলীলের ভিত্তিতেই উস্তাদের প্রায় এক ত্তীয়াংশ ম্যহাবের খেলাপ আমল করেছেন। ইমাম মালেকের ছাত্র ইমাম শাফেয়ী দলীলের ভিত্তিতেই উস্ত

তাদের খেলাপ ফতোয়া দিয়েছেন। ইমাম শাফেয়ীর ছাত্র ইমাম আহমাদ বিন হাফল দলীলের ভিত্তিতেই উত্তাদের খেলাপ ফতোয়া দিয়েছেন। (রাহিমাহ্মুল্লাহ জামীআন) আর সে জন্যই তো ম্যহাব সৃষ্টি হয়ে গেছে। তাহলে দলীলের ভিত্তিতে যতভেদ হলে আমাদের কি উচিত নয়, সেই দলীলটাকেই জানা ও মানা, সহীহ, বিশুদ্ধ ও বলিষ্ঠ দলীলের খৌজ করে তারই উপর আমল করা।

যদি বলেন, তাকলীদ বর্জন করলে ইজমার খেলাপ হয়ে কাফের হতে হয়, তাহলে আমরা বলব যে, ঐ অবাস্তব ভয়ে আপনি সহীহ হাদীস মানতে কুর্তাবোধ করেন না। কারণ, সহীহ হাদীস বর্জন করলে কি হতে হয় সেটাও তো আপনার অজানা নয়।

যদি বলেন, যাঁরা হাদীস-বিরোধী ফতোয়া দিয়ে এবং আমল করে গেছেন তাঁরা কি জাহানার্থী? আমরা কি তাঁদেরকে খারাপ বলব?

আমরা বলব, না। কারণ তাঁরা অবশ্যই হাদীসের জেনেশনে বিরোধিতা করে যাননি। আমরা বরং তাঁদের জন্য দুআ করব,

**فَرَبَّنَا أَغْفِرْ لَنَا وَلِإِخْرَوْنَا الَّذِينَ سَبَقُونَا بِالْأَيَّامِ وَلَا تَجْعَلْ فِي قُلُوبِنَا**

**غَلَّا لِلَّدِينِ آمُنُوا رَبَّنَا إِنَّكَ رَوْفٌ رَّحِيمٌ**

অর্থাৎ, 'হে আমাদের প্রতিপালক! আমাদের এবং ইমানে অগ্রণী আমাদের আতাগণকে ক্ষমা কর এবং মুমিনদের বিরুদ্ধে আমাদের অঙ্গরে কোন হিংসা বিদ্বেষ রেখো না। হে আমাদের রব! তুমি তো দয়ার্দ, পরম দয়ালু।' (সূরা হাশর ১০ আয়াত)

আর সেই সাথে তাঁদের হাদীস-বিরোধী ফতোয়া বর্জন করে হাদীস-সমর্থিত ফতোয়া অনুযায়ী আমল করব। যেহেতু মহান আল্লাহ বলেন,

**إِنَّمَا أَنْزَلْنَا إِلَيْكُمْ مِنْ رَبِّكُمْ وَلَا تَتَبَعُوا مِنْ دُونِهِ أُولَئِءِ قَلِيلًا**

**لَذَكْرُونَ**

অর্থাৎ, তোমাদের উপর তোমাদের প্রতিপালকের তরফ থেকে যা অবতীর্ণ করা হয়েছে তোমরা তার অনুসরণ কর এবং তোমরা আল্লাহকে ছেড়ে অন্য কাউকে বন্ধু বা অভিভাবকরূপে অনুসরণ করো না। তোমরা বুব অঙ্গই উপদেশ গ্রহণ করে থাক। (সূরা আ'রাফ ৩ আয়াত)

## সুন্নাহর অনুসরণ এবং নিজস্ব রায় ও বিদআত বর্জন করার প্রতি সলকদের সংযততা

অনেক সময় অনেক মানুষ নিজের রায়ে একটা জিনিসকে সঠিক ভাবে। কিন্তু বাস্তবে সুন্নাহর দৃষ্টিতে সেটা সঠিক নয়। তখন নিজের রায় বা মতের বিরোধী বলে সুন্নাহর রায়কে অনেকে মেনে নিতে পারে না। এমন লোক যে পূর্ণ ইমানদার নয়, তা পূর্বেই জানা গেছে।

পূর্ণ ইমানের পরিচয় হল, নিজের ভালো মনে করা রায়কে বর্জন করে সুন্নাহর ফায়সালাকে নিঃসংকোচে মেনে নেওয়া।

যেহেতু মহান আল্লাহ বলেন,

فَإِنْ تَنَازَعْتُمْ فِي شَيْءٍ فَرُدُّوهُ إِلَى اللَّهِ وَالرَّسُولِ إِنْ كُنْتُمْ تُؤْمِنُونَ  
بِاللَّهِ وَاللَّيْلَمُ الْآخِرِ ذَلِكَ خَيْرٌ وَأَخْسَنُ ثَأْوِيلًا

“আর যদি কোন বিষয়ে তোমাদের মতভেদ ঘটে তবে সে বিষয় তোমরা আল্লাহ ও রসূলের প্রতি ফিরিয়ে দাও। এটিই তো উত্তম এবং পরিপামে প্রকৃষ্টতর।” (সুরা নিসা ৫৯ আয়াত)

তাই তো সাহাবায়ে কেরামগণ (রায়িৎ) নিজের রায়ে কোন কোন আমলকে ভালো মনে করলেও, যখন তাঁদেরকে সুন্নাহর কথা বলা হত, তখন সাথে সাথে নিজের রায় বর্জন করে নির্দিষ্টায় সুন্নাহর অনুসরণ করতেন।

একদা একটি লোক ছুরির দায়ে ধরা পড়লে দেখা গেল যে, পূর্বে দুইবার ধরা পড়ার ফলে তার একটি হাত ও একটি পা কেটে ফেলা হয়েছে। এরপর তার হাত কাটতে হবে, নাকি পা -এ নিয়ে আবৃ বাক্র সিদ্ধীক (যুদ্ধ) সম্ভবতঃ ভাবলেন যে, তার হাত কেটে ফেললে, সে একেবারেই অক্ষম হয়ে যাবে। এমনকি পবিত্রতা ইত্যাদি অর্জন করার ক্ষমতাও তার থাকবে না। সুতরাং তিনি তার পা কাটতে আদেশ দিলেন। উমার (যুদ্ধ) এ কথা জানতে পারলে তিনি বললেন, ‘সুন্নাহ হল হাত কাটা।’<sup>১০৯</sup> সুতরাং সুন্নাহ অনুযায়ী তার হাতই কাটা হল।

<sup>১০৯</sup> (দারাকুত্তনী ৩/২১২, বাইহাকী ৭/৩১০, ইবনে আবী শাইবাহ ৫/৪৯০)

একদা এক পাগলিনী মহিলা ব্যভিচারে ধরা পড়লে উমার (ﷺ) তাকে পাথর ছুঁড়ে মেরে ফেলতে আদেশ করলেন। আলী (رض)-এর নিকট এ খবর পৌছলে তিনি তাঁকে বললেন, আপনি কি জানেন না যে, আল্লাহর রসূল (ﷺ) বলেছেন, “তিন ব্যক্তির নিকট হতে (কিরামান কাতেবীনের পাপ-পুণ্য লিখার) কলম তুলে নেওয়া হয়েছে; শিশু হতে, যতদিন না সে সাবালক হয়েছে, ঘূমন্ত ব্যক্তি হতে যতক্ষণ না সে জগ্রত হয়েছে এবং পাগল ব্যক্তি হতে যতক্ষণ না সে সুস্থ হয়েছে।” এ হাদীস ওনে উমার (ﷺ) বললেন, ‘ভূমি ঠিকই বলেছ।’ অতএব সে মহিলাকে মুক্তি দেওয়া হল।<sup>১০</sup>

আবৃ বাক্র সিদ্ধীক (رض) বলেন, ‘আমি এমন কোন জিনিস ছাড়বার নই, যা আল্লাহর রসূল (ﷺ) করতেন। আমি সেটাই আমল করেছি। আর আমার ভয় হয় যে, আমি যদি তাঁর কোন বিষয় ত্যাগ করে দিই, তাহলে আমি বক্রপথ অবলম্বন করে ফেলব।’

ইবনে বাস্তাহ উক্ত উক্তির টীকায় বলেন, ‘ভাই সকল! ইনি হলেন সিদ্ধীকে আকবার; যিনি নিজ নবী (ﷺ)-এর কোন নির্দেশের বিরোধিতা করলে নিজের জন্য বক্রতা ও ভষ্টাতার আশঙ্কা করছেন। সুতরাং সেই যামানার লোকদের অবস্থা কি হতে পারে, যে যামানার লোকেরা তাদের নবী ও তাঁর আদেশ-নির্দেশকে নিয়ে ব্যঙ্গ-বিদ্রূপ করে, তাঁর বিরোধিতা করে গর্ব প্রকাশ করে এবং তাঁর সুন্নাহ ও আদর্শ নিয়ে উপহাস-ঠাণ্ডা করে! আমরা আল্লাহর নিকট পদম্বলন থেকে রক্ষা চাই এবং মন্দ আমল থেকে মুক্তি চাই।’<sup>১১</sup>

হ্যাইফাহ (رض) বলেন, ‘হে কারীর দল! তোমরা আল্লাহকে ভয় কর। তোমাদের পূর্ববর্তী (সাহাবাদের) পথ অবলম্বন কর। আল্লাহর কসম! তাতে যদি তোমরা (সুপথে অবচিলিত থেকে) অগ্রসর হতে পার, তাহলে বড় দূর পথ অগ্রসর হয়ে থাকবে। আর যদি তোমরা সে পথ ছেড়ে ভাইনে-বায়ে সরে যাও, তাহলে ভষ্ট হয়ে বহু দূরে সরে যাবে।’<sup>১২</sup>

- (আহমাদ ১/১৪০, আবৃ দাউদ ৪৩৯৯নং, হাকেম ৪/৪৩০)

= (আল-ইবনাহ ১/২৪৬)

- (লালকারী ১/৯০, ১১৯নং, আল-বিদ' অননাহয় আনহা, ইবনে অয়াহ ১৭পঃ, আস-সুন্নাহ, ইবনে নাস্র ৩০পঃ)

ইবনে মাসউদ (رض) বলেন, তোমরা (রসূল ﷺ ও সাহাবাগণের) অনুসরণ কর এবং বিদআত করো না। দ্বিনের ব্যাপারে তোমাদের জন্য তাঁরাই যথেষ্ট। আর প্রত্যেক বিদআতই ভষ্টত।<sup>۱۱۳</sup>

ইবনে মাসউদ (رض) জামাআতে নামায আদায় করার ব্যাপারে গুরুত্ব আরোপ করে বলেন, “যে ব্যক্তি কাল আল্লাহর সাথে মুসলিম হয়ে সাঙ্কাণ্ড করতে আনন্দবোধ করে তার উচিত, আহবান করার (আযানের) সাথে সাথে ঐ নামাযগুলির হিফায়ত করা। অবশ্যই আল্লাহ তাআলা তোমাদের নবীর জন্য বহু হেদায়াতের পথ ও আদর্শ বিধিবদ্ধ করেছেন এবং ঐ (নামায)গুলি হেদায়াতের পথ ও আদর্শের অন্তর্ভুক্ত। যদি তোমরা তোমাদের স্বগ্রহে নামায পড়ে নাও, যেমন এই পশ্চাদ্গামী তার স্বগ্রহে নামায পড়ে থাকে তাহলে তোমরা তোমাদের নবীর আদর্শ ও তরীকা বর্জন করে ফেলবে। আর যদি তোমরা তোমাদের নবীর আদর্শ ও তরীকা বর্জন করে ফেল তাহলে তোমরা ভষ্ট হয়ে যাবে। ---<sup>۱۱۴</sup>

আব্দুল্লাহ বিন মাসউদ (رض) বলেন, ‘ইল্ম তুলে নেওয়ার আগে তোমরা ইল্মকে যত্ন কর। আর তোমরা বিদআত (নতুন কর্ম), বাড়াবাড়ি ও (খুঁটিনাটি নিয়ে) গভীর চিন্তা-ভাবনা (বা ভেদ খোঁজা) থেকে দূরে থাক। বরং তোমরা প্রাচীন পথ অবলম্বন কর।’<sup>۱۱۵</sup>

তিনি আরো বলেন, ‘বিদআতে মেহনত করার চেয়ে সুন্নাহর উপর অল্প আমল অনেক ভাল।’<sup>۱۱۶</sup>

যুহরী বলেন, ‘আমাদের বিগত উলামাগণ বলতেন, “সুন্নাহকে দৃঢ়ভাবে ধারণ করার মাঝে পরিত্রাণ আছে। ইল্ম সত্ত্বে তুলে নেওয়া হবে। ইল্মের বিদ্যমানতা হল দ্বীন ও দুনিয়ার স্থিতি। আর ইল্ম নিশ্চিহ্ন হওয়ার মানে হল, এ সবের ধূংস হয়ে যাওয়া।”<sup>۱۱۷</sup>

<sup>۱۱۳</sup> (ইবনে অব্যাহ ۱۷পঃ, আস-সুন্নাহ ۲۸পঃ)

<sup>۱۱۴</sup> (মুসলিম ৬৫৪নং)

<sup>۱۱۵</sup> (দারেমী ۱/۶۶, ۱۴۳নং, আল-ইবানাহ ۱/۳۲۸, ۱۶۹নং, লালকায়ী ۱/۸۷, ۱۰۸নং, ইবনে অব্যাহ ৩২পঃ)

<sup>۱۱۶</sup> (আস-সুন্নাহ ۳۰পঃ, লালকায়ী ۱/۸۸, ۱۱۸নং, আল-ইবানাহ ۱/۳۲۰, ۱۶۱নং)

<sup>۱۱۷</sup> (লালকায়ী ۱/۹۸, ۱۳۶নং, দারেমী ۱/۵۸, ۱۶নং)

(وَعِلْمٌ صَالِحٌ لِّمُ افْتَدَى) (অর্থাৎ, সৎকাজ করে ও সৎপথে অটল থাকে) -এর ব্যাখ্যায় বলেন, 'সুন্নাহ ও জামাআত অবলম্বন করে।'<sup>১১৮</sup>

আওয়াঙ্গি বলেন, 'সুন্নাহ আমাদেরকে যেদিকে ঘুরায়, আমরা সেদিকেই ঘুরব।'<sup>১১৯</sup>

ইমাম আহমাদ বলেন, 'যারা আপন খেয়াল-খুশী মত চলে (অর্থাৎ, শারী বিদআতী) তাদের কাছ থেকে কম-বেশী কিছুই লিখ না। বরং তোমরা সুন্নাহ (হাদীস) ও আসার-ওয়ালাদের সাহচর্য প্রহণ কর।'<sup>১২০</sup>

উমার বিন আব্দুল আয়ীফ তাঁর কোন এক গভর্নরের কাছে লিখা চিঠিতে বলেনঃ-

আমীরকুল মু'মিনীন উমার বিন আব্দুল আয়ীফের তরফ থেকে আদী বিন আরতাআর প্রতি :

অতঃপর আমি সেই আল্লাহর প্রশংসা করি, যিনি ছাড়া আর কেউ সভ্যিকারের উপাস্য নেই।

অতঃপর আমি আপনাকে এই উপদেশ দিচ্ছি যে, আল্লাহ-ভীতি অবলম্বন করুন। তাঁর আদেশ পালনে মধ্যবর্তী পছ্টা অবলম্বন করুন। তাঁর স্বীর সুন্নাহর অনুসরণ করুন। বিদআতীদের প্রচলিত বিদআত বর্জন করুন। সুন্নাহই পালনের জন্য যথেষ্ট। সুতরাং আপনি সুন্নাহর তরীকাই অবলম্বন করে থাকুন। কারণ, সুন্নাহ তিনি প্রবর্তন করে গেছেন, যিনি তার পরিপন্থী ভাস্তি ও ভ্রষ্টতা, আহাম্যকী ও সুগভীরে প্রবেশকে জেনেছেন। অভএব আপনি তাই নিয়ে সম্প্রস্ত থাকুন, যা নিয়ে ঐ গোষ্ঠী সম্প্রস্ত। আর অবশ্যই তাঁরা ইল্ম অনুযায়ী কর্ম করেছেন এবং সক্রিয় দূরদর্শিতার সাথে (নিষিদ্ধ ও সন্দিক্ষ জিনিস থেকে) বিরত হয়েছেন। রহস্য উদ্ঘাটনে যদি কোন সওয়াব থাকত, তাহলে তাঁরা অবশ্যই সে কাজে মাহাত্ম্যের সাথে অধিক পারঙ্গম ছিলেন। পক্ষান্তরে যদি আপনি বলেন যে, এ কাজ

- (আল-ইবানাহ ১/৩২৩, ১৬৫৮, লালকায়ী ১/৭১, ৭২৮)

- (লালকায়ী ১/৬৪, ৪৭৮)

- (সিয়ারু আলামিন নুবালা' ১১/২৩১)

(বিদআত) তো তাঁদের পর সৃষ্টি হয়েছে। (তাহলে জেনে রাখুন যে, এই বিদআত সেই রচনা করেছে, যে তাঁদের সুন্নাহর (তরীকার) অনুসরণ করেনি এবং তাঁদেরকে অপছন্দ করেছে। তাঁরাই হলেন অগ্রগামী। তাঁরা সে বিষয়ে যে কথা বলেছেন তাই যথেষ্ট। তাঁরা সে প্রসঙ্গে যে বয়ান দিয়েছেন তা সম্ভোষজনক। তাঁদের থেকে যে নিম্নে তার ক্রটি আছে। আর তাঁদের থেকে যে উর্ধ্বে সে ঘূণিত। তাঁদের পথে চলতে যারা অবহেলা প্রদর্শন করেছে তারা ভষ্ট হয়ে গেছে। আর তাঁরা এ ব্যাপারে সরল হেদায়াতের উপর প্রতিষ্ঠিত আছেন।’<sup>১২১</sup>

ইবনে বাস্তাহ বলেন, ‘কি প্রশংসনীয় সে সম্প্রদায়; যাঁদের বুদ্ধি অতি সূক্ষ্মা, মন্তিক অতি স্বচ্ছ, নবীর অনুসরণে যাঁদের হিস্বত অতি উচ্চ। নবীর প্রতি তাঁদের চূড়ান্ত পর্যায়ের এত মহকৃত যে, তাঁরা তাঁর এইরূপ অনুসরণ করতে প্রয়াস পেয়েছেন। অতএব ভাই সকল! তোমরা এই শ্রেণীর সুধীগণের পথ অনুসরণ কর এবং তাঁদের পদাঙ্ক অনুসরণ কর, তাহলে তোমরা সুপথ পাবে, তোমরা (আল্লাহর) সাহায্য পাবে এবং তোমাদের সকল প্রয়োজন দূর হবে।’<sup>১২২</sup>

ইবনে আবুবাস (رضي الله عنه) বলেন, ‘তোমরা (সুন্নাহতে) অটল থাক এবং আসার (হাদীসের) পথ অনুসরণ কর। আর বিদআত থেকে দূরে থাক।’<sup>১২৩</sup>

আওয়ায়ী বলেন, ‘তুমি সলফের পদাঙ্ক অনুসরণ করে চল; যদিও লোকে তোমাকে প্রত্যাখ্যান করে। আর এঁ-ওঁর রায় থেকে দূরে থাক; যদিও কথা দ্বারা তা তোমার জন্য সুশোভিত করে পেশ করে।’<sup>১২৪</sup>

ইমাম আবু হানীফা (রাহিমাল্লাহ) বলেন, ‘হাদীস সহীহ হলেই সেটিই আমার ম্যহাব।’<sup>১২৫</sup>

<sup>১২১</sup> (আশ-শারীআহ ২১২পঃ)

<sup>১২২</sup> (আল-ইবানাহ ১/২৪৫)

<sup>১২৩</sup> (আল-ই-তিসাম, শাহতুবী ১/১১২)

<sup>১২৪</sup> (আশ-শারীআহ ৬৩পঃ)

<sup>১২৫</sup> (ইবনে আবেদীন, হাশিয়া ১/৬৩, সিফাতু সালাতুল নাবী ৪৬পঃ)

তিনি আরো বলেন, ‘যখন আমি এমন কথা বলি, যা আল্লাহর কিতাব  
ও রাসূল ﷺ-এর হাদীস বিরোধী, তখন তোমরা আমার কথা বর্জন  
করো।’<sup>১২৬</sup>

ইবনে অহাব বলেন, একদা ইমাম মালেক (রাহিমাহুল্লাহ)কে ওয়ুর  
সময় পায়ের আঙুলগুলোর (ফাঁকে ফাঁকে) খেলাল করার ব্যাপারে  
জিজ্ঞাসিত হলে উভয়ে তিনি বললেন, ‘লোকেদের জন্য এটি বিধেয় নয়।’  
অতঃপর তার নিকট থেকে মানুষের ভিড় করে গেলে আমি গিয়ে বললাম,  
‘কিন্তু এ ব্যাপারে আমাদের নিকট হাদীস আছে।’ তিনি বললেন, ‘কেমন  
হাদীস?’ আমি বললাম, ‘হাদ্দাষানা---- মুস্তাউরিদ বিন শান্দাদ কুরাশী  
বলেন, আমি আল্লাহর রসূল ﷺ-কে তাঁর নিজের (হাতের) কনিষ্ঠা  
আঙুল দ্বারা পায়ের আঙুলগুলোর মধ্যবর্তী (ফাঁকে ফাঁকে) রগড়াতে  
দেখেছি।’ হাদীস শুনে তিনি বললেন, ‘অবশ্যই এ হাদীসটি হাসান। অথচ  
এটি এখন ছাড়া (এর পূর্বে আমি) কখনো শুনিনি।’ অতঃপর আমি  
পরবর্তীতে শুনেছি, যখনই তিনি পায়ের আঙুল খেলাল করার ব্যাপারে  
জিজ্ঞাসিত হতেন, তখনই তিনি তা করতে আদেশ দিতেন।<sup>১২৭</sup>

ইমাম শাফেয়ী বলেন, আমাকে আবৃ হানীফা বিন সিমাক বিন ফায়ল  
শিহাবী খবর দিয়েছেন, তিনি বলেন, আমাকে ইবনে আবী যি’ব মুকুরী  
হতে এবং তিনি আবৃ শুরাইহ কা’বী হতে হাদীস বর্ণনা করেছেন যে, নবী  
ﷺ- মক্কা বিজয়ের বছরে বলেছেন, “যে ব্যক্তির (আতীয়) লোক খুন করা  
হবে, সে দুটি এখতিয়ারের মধ্যে উত্তমটিকে গ্রহণ করতে পারে; সে চাইলে  
দিয়াত (বিনিময়- অর্থদণ্ড) গ্রহণ করতে পারে অথবা চাইলে খুনের বদলা  
খুন নিতে পারে।”

আবৃ হানীফা বলেন, আমি ইবনে আবী যি’বকে বললাম, ‘হে আবুল  
হারেষ! আপনি কি এ কথা মেনে নেবেন?’

আমার কথা শুনে তিনি আমার বুকে থাপ্পড় মারলেন, আমাকে খুব  
বেশী (চিন্কার করে) বকাবকি করতে লাগলেন এবং বেইজ্জত করলেন।

- (আল-ঈক্বায় ৫০পঃ)

- (বাইহাকী ১/৮১)

তিনি বললেন, ‘আমি তোমাকে আল্লাহর রসূল ﷺ-এর হাদীস বর্ণনা করছি, আর তুমি আমাকে জিজ্ঞাসা কর, আপনি কি তা মেনে নেবেন?! হ্যাঁ, অবশ্যই মেনে নেব। আর তা আমার জন্য এবং প্রত্যেক শ্রবণকারীর জন্য ফরয। আল্লাহ মানব জাতি থেকে মুহাম্মাদ ﷺ-কে নির্বাচিত করেছেন এবং তিনি তাঁর মাধ্যমে তাঁর হাতে তাদেরকে হেদায়াত করেছেন। তিনি তাঁর জন্য এবং তাঁর জবানে যা এখতিয়ার করেছেন, তাই এখতিয়ার করেছেন তাদের জন্য। সুতরাং সৃষ্টির জন্য জরুরী হল, স্বেচ্ছায় বা অনিচ্ছায় তাঁর অনুসরণ করা। আর এ ছাড়া মুসলিমের কোন বাঁচার পথ নেই।----’

আবু হানীফা বলেন, তিনি কথা বলতেই থাকলেন। পরিশেষে আমি আশা করতে লাগলাম যে, যদি তিনি এবারে চুপ করতেন।<sup>১২৮</sup>

হুমাইদী বলেন, একদিন শাফেয়ী একটি হাদীস বর্ণনা করলে আমি তাঁকে জিজ্ঞাসা করলাম, ‘আপনি কি এটা মেনে নেবেন?’ প্রত্যুত্তরে তিনি বললেন, ‘তুমি কি আমাকে কোন গীর্জা থেকে বের হতে দেখলে অথবা আমার দেহে (খিটানদের) কোমরবক্ষ দেখলে যে, আমি আল্লাহর রসূল ﷺ-এর কোন হাদীস শুনব, অথচ তা মেনে নেব না?’<sup>১২৯</sup>

একদা ইমাম শাফেয়ী নবী ﷺ হতে একটি হাদীস বর্ণনা করলেন।’ এক ব্যক্তি বলল, ‘হে আবু আব্দুল্লাহ! আপনি কি তা মানবেন? (সেই অনুযায়ীই ফায়সালা দেবেন?)’

এ কথা শুনে তিনি বললেন, ‘কোন্ আকাশ ও পৃথিবী আমাকে স্থান দান করবে, যদি আমি আল্লাহর রসূল ﷺ থেকে হাদীস বর্ণনা করি অথচ তা মান্য না করি?’<sup>১৩০</sup>

ইমাম শাফেয়ী বলেন, ‘মুসলিমরা এ ব্যাপারে একমত যে, যে ব্যক্তির নিকট আল্লাহর রসূল ﷺ-এর তরীকা স্পষ্ট হয়ে যাবে, সে ব্যক্তির জন্য অন্য কারো কথার ফলে তা বর্জন করা বৈধ নয়।’<sup>১৩১</sup>

<sup>১২৮</sup> (আব-রিসালাহ, শাফেয়ী ৪৫০ পঃ)

<sup>১২৯</sup> (হিলয়াতুল আওলিয়া ৯/১০৬, সিয়ারু আ'লামিন সুবালা' ১০/৩৪)

<sup>১৩০</sup> (হিলয়াতুল আউলিয়া ৯/১০৬)

<sup>১৩১</sup> (ই'লামুল মুওয়াক্সিন ২/২৮২)

ইমাম আহমাদ রিন হামল (রাহিমাহল্লাহ) বলেন, ‘যে ব্যক্তি নবী ﷺ-এর হাদীস রদ্দ করে দেয় (গ্রহণ না করে), সে ব্যক্তি ধূসোন্মুখ।’<sup>১০২</sup>

সুন্নাহ পালনের প্রতি সলফদের স্বত্ত্বার এগুলি কয়েকটি নমুনা মাত্র। আসলে যাঁরা ছিলেন সুন্নাহর ধারক ও বাহক সুন্নাহর অনুসরণ যে তাঁদের প্রতিটি পদক্ষেপে হবে এবং তাঁরা যে নিজেদের অভিমত ও রায় বর্জন করে সুন্নাহর অনুসরণ করবেন সেটাই স্বাভাবিক। সেই স্বাভাবিকতা থাকা উচিত তাঁদের অনুসারীদের মাঝেও। সুন্নাহর তা'যীম' আমাদের মনেও ঐ রকম স্থান পাওয়া উচিত, যে রকম স্থান পেয়েছিল আমাদের সলফদের মাঝে।

আমাদের উচিত নয়, চোখ বন্ধ করে কারো তাকলীদ করা। উচিত নয় কেবল একজন মান্যবরের কথা অনুযায়ী সহাই হাদীস দ্বারা ফায়সালাকারী মান্যবরের কথা বর্জন করা। কিবলার দিক জানার জন্য কম্পাস ব্যবহার করা হয়। কিন্তু কিবলা সামনে দেখেও কম্পাস ব্যবহার করা কি বুদ্ধিমানের কাজ হতে পারে? আপনি কি জানেন না যে, পানি পাওয়া গেলে তায়ামুম বাতিল হয়ে যায়?



~ (ত্বাবাক্তাতুল হানাবিলাহ ২/১৫, আল-ইবানাহ ১/২৬০)

## সুন্নাহ বা হাদীস-বিরোধী মানুষের ব্যাপারে সলফের ভূমিকা

সলফে সালেহীনদের যুগে যে কেউই হাদীসের বিরোধিতা করেছে; হাদীসের মোকাবেলায় নিজের বা অন্য কারো রায় পেশ করেছে অথবা হাদীস ছেড়ে কিয়াস বা নিজের বিবেককে প্রাধান্য দিয়েছে অথবা হাদীসের মত ছাড়া অন্যের ঘতকে উত্তম বলে মনে করেছে, তারই বিরুদ্ধে তাঁরা রাগান্বিত হয়েছেন, তার প্রতিবাদ করেছেন, তার সাথে কথা বলা এবং দেখা-সাক্ষাৎ করা পর্যন্ত বক্ষ করে দিয়েছেন।

তাঁরা আল্লাহর রসূল ﷺ-এর হাদীসকে সর্বান্তকরণে মেনে নিয়েছেন, তা মানতে তাঁরা এতটুকু দ্বিধাবোধ করেননি। তাঁরা তা বিশ্বাস করেছেন, সত্যায়ন করেছেন এবং সেই অনুযায়ী আমলও করেছেন। আর সে ব্যাপারে তাঁদের মনে কোন প্রকার কিন্তু ছিল না।<sup>১৩০</sup>

নিম্নে উক্ত দাবীরই কিছু উদাহরণ উন্নত হল :-

অর্ধ সা' গম ফিতরা দেওয়ার ব্যাপারটা মুআবিয়া ﷺ-এর নিজস্ব মত; যে মতের বিরোধিতা করেছেন আবু সাঈদ খুদরী ﷺ। তিনি বলেন, আল্লাহর রসূল ﷺ যখন আমাদের মাঝে ছিলেন, তখন আমরা ফিতরার সদকাহ প্রত্যেক ছোট ও বড়, স্বাধীন ও ক্রীতদাসের তরফ থেকে এক সা' খাদ্য; এক সা' পনির, এক সা' যব, এক সা' খেজুর অথবা এক সা' কিসমিস আদায় দিতাম। এইভাবেই আমরা সদকাহ আদায় দিতাম; অতঃপর একদা মুআবিয়া বিন আবু সুফিয়ান হজ্জ অথবা উমরাহ করতে এসে (মদীনায়) এলেন। সেই সময় তিনি মিশরে খুতবাহ দেওয়ার সময় লোকেদের উদ্দেশ্যে যে সব কথা বলেছিলেন, তার মধ্যে একটি কথা ছিল এই যে, 'আমি মনে করি শামের অর্ধ সা' (উৎকষ্ট) গম এক সা' খেজুরের সমতুল্য।' ফলে লোকেরা তাঁর এ মত গ্রহণ করে নিল। আবু সাঈদ বলেন, 'কিন্তু আমি ততটা পরিমাণ খাদ্যই আজীবন আদায় দিতে থাকব, যতটা পরিমাণ আমি পূর্বে (আল্লাহর রসূল ﷺ-এর যুগে) আদায়

১৩০ (ই'লামুল মুওয়াক্সিন ৪/২৪৪)

দিতাম।<sup>۱۳۸</sup>

তাহাবী প্রয়ুক্তি হাদীসগুলোর এক বর্ণনায় আছে, আবু সাইদ (رض) বলেন, ‘আমি ততটা পরিমাণ খাদ্যই আদায় দিতে থাকব, যতটা পরিমাণ আমি আল্লাহর রসূল (ﷺ)-এর যুগে আদায় দিতাম; এক সা’ খেজুর, এক সা’ যব, এক সা’ কিসমিস অথবা এক সা’ পনীর।’ এক ব্যক্তি তাঁকে বলল, ‘অথবা অর্ধ সা’ গম?’ তিনি বললেন, ‘না। এটা হল মুআবিয়ার মূল্য নির্ধারণ; আমি তা গ্রহণ করি না এবং তার (এ মতের) উপর আমলও করি না।’<sup>۱۳۹</sup>

আবু সাইদ খুদরী (رض) বলেন, নবী (ﷺ) সৈন্য ফিতর ও আযহার দিনে ঈদগাহে বের হতেন। তিনি প্রথম কাজ হিসাবে নামায শুরু করতেন। অতঃপর লোকদের দিকে ফিরে দণ্ডযমান হতেন। লোকেরা নিজ নিজ কাতারে বসে থাকত। তিনি তাদেরকে নসীহত করতেন, অসিয়ত করতেন এবং বিভিন্ন আদেশ দিতেন। কোন যুদ্ধের সৈন্য প্রস্তুত করার থাকলে তা করতেন। অতঃপর তিনি বাঢ়ি ফিরতেন। তাঁর পরবর্তীকালের লোকেরাও অনুরূপ করতে থাকল। অবশ্যে একদা মদীনার আমীর মারওয়ানের সাথে ঈদের নামায পড়তে সৈন্য আযহা অথবা ফিতরের দিন বের হলাম। ঈদগাহে পৌছে দেখি কাষীর বিন সালত মিম্বর তৈরী করে রেখেছে। নামায শুরু করার আগেই মারওয়ান তাতে চড়তে গেলেন। আমি তাঁর কাপড় ধরে টান দিলাম। তিনিও আমাকে টান দিলেন। অতঃপর মিম্বরে চড়ে নামাযের আগেই খুতবা দিলেন। (নামাযের পর) আমি তাঁকে বললাম, ‘আল্লাহর কসম! আপনি (সুন্নত) পরিবর্তন করে ফেললেন।’ উত্তরে তিনি বললেন, ‘আবু সাইদ! আপনি যা জানেন তা গত হয়ে গেছে।’ আমি বললাম, আল্লাহর কসম! আপনি যা জানি, তা না জানা জিনিস অপেক্ষা উত্তম।’ মুসলিমের এক বর্ণনায় আছে, ‘কক্ষনো না। সেই সন্তার কসম, যাঁর হাতে আমার প্রাণ আছে! আমি যা জানি, তার থেকে

<sup>۱۳۸</sup> (বুখারী ۱۵۰۸, মুসলিম ۹۸۵, আবু দাউদ ۱۶۱۶n)

<sup>۱۳۹</sup> (ইরওয়াউল গালীল ৩/৩৩৯)

উত্তম কিছু আপনারা আনয়ন করতে পারেন না।’ উত্তরে মারওয়ান বললেন, ‘লোকেরা নামাযের পরে আমাদের খুতবা শুনতে বসে না। তাই নামাযের পূর্বেই খুতবা দিলাম।’<sup>১৩৬</sup>

যেমন ইবনে আব্বাস (رضي الله عنه) এক সুন্নাহর ভিত্তিতে অন্য এক সুন্নাহর বিরোধিতা করার ফলে আবু সাঈদ খুদরী (رضي الله عنه) প্রতিবাদ করেছিলেন।

আবু সাঈদ খুদরী (رضي الله عنه) আব্দুল্লাহ বিন আব্বাসকে (رضي الله عنه) বলেছিলেন, ‘হে ইবনে আব্বাস! আর কতদিন যাবৎ লোকদেরকে সূন্দ খাওয়াতে থাকবেন? শুধু আপনি কি আল্লাহর রসূল (صَلَّى اللّٰهُ عَلٰيْهِ وَسَلَّمَ)-এর সাহচর্য পেয়েছেন, আর আমরা পাইনি? শুধু আপনিই কি রসূলুল্লাহ (صَلَّى اللّٰهُ عَلٰيْهِ وَسَلَّمَ)-এর নিকট থেকে হাদীস শুনেছেন, আর আমরা শুনিনি?’

এ কথা শুনে আব্দুল্লাহ বিন আব্বাস বললেন, ‘আপনি যা ভাবছেন তা নয়। বরং উসামা বিন যায়েদ আমাকে হাদীস বর্ণনা করেছেন যে, রসূলুল্লাহ (صَلَّى اللّٰهُ عَلٰيْهِ وَسَلَّمَ) বলেছেন, “সূন্দ তো কেবল ঝণেই পাওয়া যায়।” তা শুনে আবু সাঈদ খুদরী (رضي الله عنه) বললেন, আল্লাহর কসম! ততদিন পর্যন্ত কোন গৃহের ছায়া আমাদেরকে আশ্রয় দেবে না যতদিন পর্যন্ত আপনি উক্ত ফতোয়ার উপর অটল থাকবেন! (অর্থাৎ, ততদিন আমি আপনার সাথে দেখা-সাক্ষাৎ করব না।)<sup>১৩৭</sup>

আব্দুল্লাহ বিন আব্বাস (رضي الله عنه) এর ফতোয়া ছিল যে, কেবল ঝণের কারবারেই সূন্দ পাওয়া যায় এবং একই শ্রেণীভুক্ত দুটি জিনিসের কম-বেশী করে হাতে-হাতে লেন-দেনে সূন্দ হয় না। যেমন, সোনার পরিবর্তে সোনা বেশী (হাতে-হাতে) নেওয়া বৈধ। অথচ তা উবাদাহ বিন সামেত (رضي الله عنه) এর হাদীসের স্পষ্ট উক্তি অনুসারে হারাম ও সূন্দ। অবশ্য পরবর্তীকালে আব্দুল্লাহ বিন আব্বাস (رضي الله عنه) এই হাদীস শুনে তাঁর উক্ত ফতোয়া দান করা হতে বিরত হয়েছিলেন।<sup>১৩৮</sup>

- (বৃথাবী ১৫৬, মুসলিম ৮৮৯৯)

... (দেখুন, আল মাবসূত, সারখাসী ২/১১১-১১২, মাওয়াক্তিকুশ শারীআতি মিনাল মাসারিফিল ইসলামিয়াতিল মুআসিরাহ)

... (দেখুন, মুগন্নী, ইবনে কুদামাহ ৪/৩)

আবুল মাখারিক বলেন, একদা উবাদাহ বিন সামেত উল্লেখ করলেন যে, নবী ﷺ এক দিরহামের বিনিময়ে দুই দিরহাম নিতে নিষেধ করেছেন। এ কথা শুনে এক ব্যক্তি বলল, ‘হাতে হাতে (সাথে সাথে) নিলে কোন দোষ আছে বলে মনে করি না।’

প্রত্যুত্তরে উবাদাহ বললেন, ‘আমি বলছি, নবী ﷺ বলেছেন। আর তুমি বলছ, তাতে কোন দোষ আছে বলে মনে করি না! আল্লাহর কসম! কক্ষনই এক গৃহের ছাদ আমাদেরকে ছায়া দেবে না। (জীবনে আমি তোমার ছায়া মাড়াব না।)’<sup>۱۳۹</sup>

আত্মা বিন য্যাসার বলেন, এক ব্যক্তি ভাঙ্গা সোনা বা রূপার টুকরা তার যে ওজন তার থেকে বেশী ওজনের সোনা বা রূপার বিনিময়ে বিক্রি করল। তা দেখে আবু দারদা (رضي الله عنه) বললেন, আমি আল্লাহর রসূল ﷺ-কে এই ধরনের বিনিময় নিষেধ করতে প্রেরণ করছি। অবশ্য সম্পরিমাণ ওজন হলে নিষেধ নয়।

লোকটি বলল, এতে কোন দোষ আছে বলে আমি মনে করি না।

প্রত্যুত্তরে আবু দারদা (رضي الله عنه) বললেন, ‘অমুকের ব্যাপারে আমার জন্য কে ইনসাফ করবে? (আমার হয়ে কে অমুকের নিকট থেকে প্রতিশোধ নেবে?)। আমি ওকে আল্লাহর রসূল ﷺ-এর হাদীস বর্ণনা করছি, আর ও আমাকে নিজের রায় সম্বন্ধে জ্ঞান দিচ্ছে! আমি সেই মাটিতে বাস করব না, যে মাটিতে তুমি বাস করবে।’<sup>۱۴۰</sup>

একদা হযরত মুআবিয়া (رضي الله عنه) কা’বাগৃহের তওয়াফ করছিলেন। তিনি হাজরে আসওয়াদ ও রূক্নে ইয়ামানী ছাড়াও অন্য দুটি রূক্ন (কোণ)কে স্পর্শ করছিলেন। সঙ্গে ছিলেন ইবনে আবুবাস (رضي الله عنه)। তাঁর এই আমল দেখে তাঁকে বললেন, ‘আল্লাহর রসূল ﷺ হাজরে আসওয়াদ ও রূক্নে ইয়ামানী ছাড়া অন্য রূক্ন স্পর্শ করতেন না।’ মুআবিয়া বললেন, ‘আল্লাহর গৃহের কোন রূক্নই তো পরিত্যাজ্য হওয়া উচিত নয়।’ ইবনে আবুবাস বললেন,

۱۳۹ (ইবনে যাজাহ ৮১, দারেমী ৪৪৩৩)

۱۴۰ (আল-ইবানাহ, ইবনে বাস্তাহ ১৪৩)

‘কিন্তু (মহান আল্লাহ বলেন,)’

﴿كَانَ لَكُمْ فِي رَسُولِ اللَّهِ أَشْوَةُ حَسَنَةٍ﴾

অর্থাৎ, তোমাদের জন্য রাসূলুল্লাহর (চরিত্রের) মধ্যে উভয় আদর্শ রয়েছে। (সূরা আহ্�মাব ২১ আয়াত) এ কথা শুনে মুআবিয়া বললেন, ‘ঠিকই বলেছে।’<sup>۱۸۱</sup>

শুধু প্রতিবাদই নয়; বরং অনেক সময় সুন্নাহ-বিরোধী বা হাদীস অমান্যকারীর উপর রেগে উঠতেন।

আবু কাতাদাহ বলেন, এক দল লোকের সাথে আমরা ইমরান বিন হুসাইনের কাছে ছিলাম। আমাদের সাথে বাশীর বিন কা'বও ছিলেন। ইমরান আমাদেরকে হাদীস বয়ান করে বললেন, আল্লাহর রসূল  বলেছেন, “লজ্জাশীলতার সবটুকুই মঙ্গলময়।”

বাশীর বিন কা'ব তা শুনে বললেন, ‘আমরা কোন কোন কিতাবে অথবা নীতিকথায় পাই যে, ‘কিছু লজ্জাশীলতায় রয়েছে শান্তি ও (আল্লাহর জন্য) সম্মান। আর তার কিছুতে রয়েছে দুর্বলতা।’

বাশীরের এ কথা শুনে ইমরান রেগে উঠলেন এবং তাতে তার চোখ দুটি লাল হয়ে গেল। তিনি তাঁকে বললেন, ‘কি ব্যাপার যে, আমি তোমাকে আল্লাহর রসূলের হাদীস বর্ণনা করছি, আর তুমি তার উল্টা কথা বলছ! তোমার বই-এর হাদীস বর্ণনা করছ?’<sup>۱۸۲</sup>

এ সংসারে বহু মানুষ আছে, যারা হাদীস শুনে তা গ্রহণ করতে চায় না। হাদীস শোনামাত্র তার ক্রটি বয়ান করার চেষ্টা করে, তার নির্দেশ এড়িয়ে যাওয়ার চেষ্টা করে, আপনি আনে, তার বিরোধী অন্য কারো কথা এনে হাদীসের গুরুত্ব কম করতে চায়। কেউ বলে, ‘হ্যা, ঠিকই আছে। কিন্তু---।’ কেউ বলে, ‘কিন্তু এটা ডাঙ্গারী বা বিজ্ঞান মতে ঠিক নয়।’ কেউ বলে, ‘নতুন হাদীস।’ কেউ বলে, ‘ক্ষতি কি?’ (অর্থাৎ, হাদীস এ কাজ করতে নিষেধ করছে, তা করলে ক্ষতি কি?) কেউ বলে, ‘ঐ সব আর

<sup>۱۸۱</sup> (তিরমিয়ী, শাফেয়ী, আহমাদ)

<sup>۱۸۲</sup> (বুখারী ৬১১৭, মুসলিম ৩৭৩৯)

এ যুগে নেই।’ কেউ বলে, ‘অত কি মানতে পারা যায়?’ কেউ বলে, ‘কে আর মানছে?’ ইত্যাদি।

কিন্তু দুর্বল ঈমানের ঐ সকল লোকেদের আপত্তি শুনে সলফে সালেহীন চুপ থাকতেন না; বরং রেগে যেতেন, জবাব দিতেন, বজার প্রতি অসন্তুষ্টি প্রকাশ করতেন।

আব্দুল্লাহ বিন মুগাফ্ফাল (رضي الله عنه) একদা হাদীস বয়ান করে বললেন, নবী ﷺ তিল ছুঁড়তে নিমেধ করেছেন। আর বলেছেন, “তিল শিকার মারতে পারে না এবং দুশমন শায়েস্তা করতেও পারে না। কিন্তু তা চোখ নষ্ট করে ফেলে এবং দাঁত ভেঙ্গে দেয়।”

এ হাদীস শুনে এক ব্যক্তি আব্দুল্লাহকে বলল, ‘তাতে অসুবিধাটা কি?’

জবাবে তিনি তাকে বললেন, ‘আমি তোমার কাছে আল্লাহর রসূল ﷺ-এর হাদীস বর্ণনা করছি, আর তুমি এই কথা বল? আল্লাহর কসম! তোমার সাথে কোনদিন কথা বলব না।’<sup>۱۸۳</sup>

সালেম বিন আব্দুল্লাহ বলেন, একদা (আব্বা) আব্দুল্লাহ বিন উমার বললেন, আমি আল্লাহর রসূল ﷺ-কে বলতে শুনেছি, তিনি বলেছেন, “তোমাদের মহিলারা মসজিদে যেতে অনুমতি চাইলে তোমরা তাদেরকে বাধা দিও না।”

এ কথা শুনে (আমার ভাই) বিলাল বিন আব্দুল্লাহ বলল, ‘আল্লাহর কসম! আমরা অবশ্যই ওদেরকে মসজিদ যেতে বাধা দিব।’

প্রত্যুভারে আব্দুল্লাহ তার মুখোমুখি হয়ে এমন খারাপ গালি দিলেন, যেমনটি আর কোনদিন শুনিনি। অতঃপর তিনি বললেন, ‘আমি তোকে আল্লাহর রসূল ﷺ থেকে খবর দিচ্ছি। আর তুই বলিস্, ‘আল্লাহর কসম! আমরা ওদেরকে বাধা দেব।’<sup>۱۸۴</sup>

সঙ্গে কুরবানী না থাকলে আবু বাক্র (رضي الله عنه) ও উমার (رضي الله عنه) ইফরাদ হজ্জকে উত্তম মনে করতেন। পক্ষান্তরে সহীহ সুন্নাহতে তামাতু হজ্জ উত্তম

<sup>۱۸۳</sup> (বৃক্ষারী ৫৪৭৯, মুসলিম ১৯৫৪, আল-ইবানাহ ১৯৬১)

<sup>۱۸۴</sup> (মুসলিম ৪৪২৯)

হওয়ার ব্যাপারে বর্ণনা আছে। সেই ভিত্তিতে ইবনে আবুস (ﷺ) তামাতু হজ্জ উত্তম বলে ফতোয়া দিতেন। কিন্তু কেউ কেউ আবু বাক্র ও উমারের কথা বললে তিনি বলেছিলেন, “অতি সত্ত্ব তোমাদের উপর পাথর বর্ষণ হবে। আমি বলছি, ‘আল্লাহর রসূল ﷺ বলেছেন।’ আর তোমরা বলছ, ‘আবু বাক্র ও উমার বলেছেন।’”<sup>১৪৫</sup>

একই ব্যাপারে আব্দুল্লাহ বিন উমারকে এক ব্যক্তি বলল, ‘আপনার আবু তো তামাতু হজ্জ করতে নিষেধ করেছেন।’ এ কথা শুনে তিনি তাকে বললেন, ‘আল্লাহর রসূল ﷺ-এর আদেশ অধিক মানার যোগ্য, নাকি আমার আবুর?’<sup>১৪৬</sup>

কাতাদাহ বলেন, ইবনে সীরীন এক ব্যক্তিকে একটি হাদীস বয়ান করলেন। তা শুনে এক ব্যক্তি বলল, ‘কিন্তু অমুক তো এই বলেন।’

প্রত্যুভয়ের ইবনে সীরীন বললেন, ‘আমি তোমাকে নবী ﷺ-এর হাদীস বয়ান করছি, আর তুমি বলছ, অমুক ও অমুক এই বলেছে?! আমি তোমার সাথে কোনদিন কথাই বলব না।’<sup>১৪৭</sup>

আবুস সায়েব বলেন, একদা আমরা অকী’র কাছে ছিলাম। তিনি তাঁর কাছের একটি লোকের উদ্দেশ্যে বললেন, ‘আল্লাহর রসূল ﷺ (মক্কার হারামের জন্য প্রেরিত কুরবানীর উঠের দেহ চিরে) চিহ্ন দিয়েছেন। আর আবু হানীফা বলেন, তা (নিষিদ্ধ) অঙ্গহানি করণের অন্তর্ভুক্ত।’

ঐ লোকটি রায়-ওয়ালা ছিল। সে বলল, কিন্তু ইবরাহীম নাখ্যী থেকে বর্ণিত হয়েছে, তিনি বলেছেন, ‘(ঐ ধরনের) চিহ্ন দেওয়া অঙ্গহানি করার পর্যায়ভূক্ত।’

এ কথা শোনার পর দেখলাম, অকী’ চরমভাবে রেগে উঠলেন। বললেন, আমি তোমাকে বলছি, ‘আল্লাহর রসূল ﷺ করেছেন। আর তুমি বলছ, ইবরাহীম বলেছেন! তুমি এর উপর্যুক্ত যে, তোমাকে ততদিন পর্যন্ত জেলে

১৪৫ (আহমাদ ১/৩৩৭, এর সনদটি দুর্বল। অবশ্য উক্ত অর্থেই সহীহ সনদে মুসান্নাফ আব্দুর রায়্যাকে একটি আসার বর্ণিত হয়েছে। দেখুন ৪ যাদুল মাআদ ২/১৯৫, ২০৬)

১৪৬ (যাদুল মাআদ ২/১৯৫)

১৪৭ (দারেমী ৪৪১নং)

বন্দী রাখা হবে; যতদিন না তুমি তোমার ঐ কথা প্রত্যাহার করে নিয়েছ।’<sup>১৪৮</sup>


অনেকে হাদীস শুনে তার অর্থ জ্ঞানে না ধরলে তা নিয়ে ব্যঙ্গ করে। এই ব্যঙ্গকারীর বিরুদ্ধেও চুপ থাকেননি সলফগণ।

আবু মুআবিয়া যারীর (অঙ্ক) এক সময় বাদশা হারুন রশীদের কাছে “একদা আদম ও মূসা আপোসে তর্কাতকি করলেন; মূসা বললেন, আপনি পাপ করে আমাদেরকে বেহেশ্ত থেকে পৃথিবীতে বের করে এনেছেন। আদম বললেন, মূসা! তুমি তো নবী ছিলে। তোমাকে আল্লাহ তওরাত দিয়েছিলেন, যে তওরাত আল্লাহ আমাকে সৃষ্টি করার চালিশ বছর পূর্বে লিখেছেন, তাতে কি পেয়েছ যে, ‘আদম অবাধ্য হয়ে ভষ্ট হয়ে গেল?’ মূসা বললেন, হ্যাঁ। আদম বললেন, তাহলে সেই ভুলের জন্য আমাকে কেন ভর্তসনা কর, যা আল্লাহ আমাকে সৃষ্টি করার চালিশ বছর আগেই লিখে দিয়েছেন? সুতরাং মূসা এ তর্কে হেরে গেলেন।”<sup>(১৪৯)</sup> (মুসলিম) -এই হাদীস বয়ান করলেন। তা শুনে কুরাইশ বংশের একজন গণ্যমান্য অন্দলোক বলে উঠল, ‘কিন্তু মূসার সাথে আদমের দেখা হল কোথায়?’

তার এ কথায় বাদশা হারুন ক্রোধাপ্তি হয়ে বললেন, ‘বাড়াবাড়ি করলে তরবারি আছে। নাস্তিক, হাদীসে খোটা দিচ্ছে!’

তা দেখে আবু মুআবিয়া তাঁকে প্রকৃতস্ত করতে লাগলেন এবং বললেন, ‘ফালতু কথা বলেছে, হে আমীরুল মুমেনীন! ও বুঝতে পারেনি।’

পরিশেষে তিনি শান্ত ও প্রকৃতস্ত হলেন।<sup>১৫০</sup>

আবু সাঈদ ইস্তারখী মুহাদেসকে এক ব্যক্তি প্রশ্ন করল, হাড় দিয়ে ইস্তিজ্ঞা (পেশাব-পায়খানা পরিষ্কার) করা বৈধ কি? উত্তরে তিনি বললেন, না। লোকটি বলল, তা কেন? তিনি বললেন, যেহেতু আল্লাহর রসূল  বলেছেন, “তা তোমাদের ভাই জিনদের খাদ্য।” সে বলল, মানুষ উত্তম না জিন? তিনি বললেন, মানুষই উত্তম। সে বলল, তাহলে পানি দিয়ে ইস্তিজ্ঞা

• (তিরমিয়ী ৩/২৫০)

(‘ প্রকাশ থাকে যে, পাপ করার পূর্বে তকদীরকে দলীল বানানো যায় না। কিন্তু পাপ হয়ে যাওয়ার পরে তকদীরকে দলীল মানায় দোষ নেই। আদম ~~প্রকাশ~~-এর দলীল তাই ছিল।

• (তারীখে বাগদাদ ১৪/৭, সিয়ার আ'লামিন নুবালা' ৯/২৮৮)

করা বৈধ কেন, অথচ তা মানুষের খাদ্য?

তার কৃট উদ্দেশ্য বুঝতে পেরে তিনি ঝাপিয়ে পড়ে লোকটির গলায় ধরে বলতে লাগলেন, ওরে নাস্তিক! তুই আল্লাহর রসূল ﷺ-এর বিরোধিতা করতে চাস?

এ কথা বলতে বলতে তিনি তার গলা টিপতে লাগলেন। আমি যদি না ছাড়াতাম, তাহলে তিনি হয়তো তাকে মেরেই ফেলতেন!<sup>۱۵۱</sup>

মুআয়াহ নামক এক মহিলা হয়রত আয়েশা (রাযিয়াল্লাহ আনহা)কে জিজ্ঞাসা করল, ‘কি ব্যাপার যে, ঝুঁতুমতী মহিলা রোগ কায়া করবে অথচ নামায কায়া করবে না?’

মহিলাটির প্রশ্নতে বাহ্য-দৃষ্টিতে এক প্রকার গৌঢ়ামি বা আপত্তি ও প্রতিবাদমূলক প্রহসন ছিল। আর তার জন্যই মা আয়েশা (রাযিয়াল্লাহ আনহা) প্রত্যুষের বললেন, ‘তুমি কি (ইরাকের) হারুরার (খাওয়ারেজপঞ্চী) মহিলা?’ মহিলাটি বলল, না, আমি তা নই। আমি জিজ্ঞাসা করে (কারণ) জানতে চাই।’ মা আয়েশা (রাযিয়াল্লাহ আনহা) বললেন, ‘আল্লাহর রসূল ﷺ-এর কাছে থেকে আমাদের মাসিক হত। আমরা (তাঁর তরফ থেকে) রোগ কায়া করতে আদিষ্ট হতাম এবং নামায কায়া করতে আদিষ্ট হতাম না।’<sup>۱۵۲</sup>

এই হল একজন মুমিনের বিশ্বাস ও জওয়াব। শরীয়তের কোন বিধানে যুক্তি বা কারণ তার কাছে অবিদিত থাকলেও বিনা কৈফিয়ত ও আপত্তিতে মাথা পেতে মেনে নেয়। যেমন অনেকে প্রশ্ন করে যে, দাঢ়ি কেন রাখতে হয়? মুমিনের জবাব হল, যেহেতু আল্লাহর রসূল ﷺ আমাদেরকে রাখতে আদেশ করেছেন।

প্রত্যেক ‘এটা কেন - ওটা কেন?’-এর ঐ একই উত্তর। অবশ্য যদি তার কোন হিকমত ও যুক্তি মুমিনের কাছে প্রকাশ পায়, তাহলে তা তো অতিরিক্ত একীনের ব্যাপার।

<sup>۱۵۱</sup> (মাদারেজুস সালেকীন)

<sup>۱۵۲</sup> (বুখারী, মুসলিম ৩০৫৮, প্রমুখ)

মানুষ অধিকাংশ ক্ষেত্রে একটার উপর অন্যটাকে অনুমান ও কিয়াস করে। কিন্তু শরীয়তের ব্যাপার আসলে তা নয়। যেটা যেমনভাবে এসেছে, সেটাকে ঠিক সেইভাবে বিশ্বাস করতে ও পালন করতে হবে। এটা এমন হল অথচ ওটা এমন হবে না কেন? এ ‘কেন’র জবাব নেই। জুমআর খুতবা নামাযের আগে অথচ সৈদের খুতবা নামাযের পরে কেন? কুণ্ডতে হাত তুলে জামাআতী দুআ বিধেয় অথচ ফরয নামাযের পরে তা নয় কেন? পঞ্চাশ টাকা পরিমাণের পাঁচ কেজি চাল দিয়ে যদি ষাট টাকা নেওয়া হালাল হয়, তাহলে পঞ্চাশ টাকা দিয়ে ষাট টাকা নেওয়া হারাম হবে কেন? কেন? কেন?

কিন্তু স্বাভাবিক হলেও শরীয়তে সে অনুমতির কোন ঘোষিতকতা নেই। আর শুধু শরীয়তই নয়; ভাষাবিদ্বকে জিজ্ঞাসা করেন, B-U-T বাট উচ্চারণ হয়, কিন্তু P-U-T পুট উচ্চারণ হয় কেন? কাঠের গুঁড়ি কাঁঠালের মুখে পিটালে কাঁঠাল পাকে। তা বলে ঐ করে তরমুজ পাকে না, বরং পঁচে যায় কেন? কোন ফলের ভিতরের অংশ ভোগ্য এবং বাহিরের অংশ ত্যাজ্য অথচ অন্য ফলের এর বিপরীত কেন?

এই শ্রেণীর ভিন্নতা যেমন আমরা মানতে বাধ্য, তেমনি শরীয়তের আহকাম ‘কেন’ প্রশ্নের উত্তর না পেয়েও মানতে বাধ্য হব না কেন?

একদা রবীআহ সাইদ বিন মুসাইয়েবকে জিজ্ঞাসা করলেন, ‘মহিলার আঙ্গুলের দিয়াত কত? (কেউ তার আঙ্গুল নষ্ট করে দিলে, তার অর্থদণ্ড বা জরিমানা কত?)’ উত্তরে সাইদ বললেন, ‘দশটি উট।’ রবীআহ বললেন, ‘দুটি আঙ্গুলে কত?’ সাইদ বললেন, ‘বিশটি উট।’ রবীআহ বললেন, ‘তিনটি আঙ্গুলে কত?’ সাইদ বললেন, ‘ত্রিশটি উট।’ রবীআহ বললেন, ‘চারটি আঙ্গুলে কত?’ সাইদ বললেন, ‘বিশটি উট।’ রবীআহ বললেন, ‘যখন তার ক্ষত বেড়ে যাবে এবং বিপদ ও কষ্ট কঠিনতর হবে, তখন তার দিয়াত কম হয়ে যাবে?’

যেহেতু এ কথায় বাহ্যতৎ: এক প্রকার আপত্তি ও প্রতিবাদ ছিল। তাই সাইদ বললেন, ‘তুমি কি ইরাকী নাকি?’

উত্তরে রবীআহ বললেন, ‘(জী না।) বরং আমি এমন একজন আলেম, যে সুনিশ্চিত হতে চায় অথবা এমন জাহেল, যে শিখতে ও জানতে চায়।’

সাঈদ বললেন, ‘ভাইপো! এটাই হল সুন্নাহ।’<sup>১৫৩</sup>

অনেক সময় অনেক সুন্নাহকে নিজের বিবেক-বিরোধী মনে হয়। আসলে মানুষের সাধারণ জ্ঞান-বুদ্ধি সে সুন্নাহর নিগৃঢ় তত্ত্বের অতল গৃভীরে পৌছতে সক্ষম হয় না। তাই মনে করে এটা হয়তো সুন্নাহ বা রাসূল ﷺ-এর হাদীস নয়। অথবা সেই সুন্নাহকে গুরুত্বহীন ভেবে বসে। আর জানতে অজান্তে সে আসলে হাদীস বিরোধী বা সুন্নাহ অমান্যকারী হয়ে যায়।

ঐ দেখুন না, যারা জানে যে, তাহিয়াতুল মাসজিদ সুন্নত এবং জুমার খুতবা শোনা ওয়াজেব, তারা জুমার খুতবা চলা অবস্থায় মসজিদে এলে আর ঐ নামায পড়ে না। জ্ঞানের উপর ভরসা করে মহানবী ﷺ-এর আদেশ লজ্জন করে। তিনি বলেন, “তোমাদের কেউ মসজিদ প্রবেশ করলে সে যেন দু’ রাকআত নামায পড়ার পূর্বে না বসে।”<sup>১৫৪</sup>

একদা খুতবা চলাকালে এক ব্যক্তি মসজিদে প্রবেশ করে বসে পড়লে নবী ﷺ তাকে বললেন, “তুমি নামায পড়েছ কি?” লোকটা বলল, না। তিনি বললেন, “ওঠ এবং হাঙ্কা করে ২ রাকআত পড়ে নাও।”<sup>১৫৫</sup>

অতঃপর তিনি সকলের জন্য চিরস্থায়ী একটি বিধান দেওয়ার উদ্দেশ্যে লোকেদেরকে সমোধন করে বললেন, “তোমাদের কেউ যখন ইমামের খুতবা দেওয়া কালীন সময়ে উপস্থিত হয়, সে যেন (সংক্ষেপে) দুই রাকআত নামায পড়ে নেয়।”<sup>১৫৬</sup>

একদা হ্যরত আবু সাঈদ খুদরী (رض) মসজিদ প্রবেশ করলেন। তখন মারওয়ান খুতবা দিচ্ছিলেন। তিনি নামায পড়তে শুরু করলে প্রহরীরা তাঁকে বসতে আদেশ করল। কিন্তু তিনি তাদের কথা না শুনেই নামায শেষ করলেন। নামায শেষে লোকেরা তাকে বলল, আল্লাহ আপনাকে রহম করবন। এক্ষনি ওরা যে আপনার অপমান করত। উত্তরে তিনি বললেন,

<sup>১৫৩</sup> (বাইহাকী ৮/৯৬)

<sup>১৫৪</sup> (বুখারী, মুসলিম, মিশকাত ৭০৪নং)

<sup>১৫৫</sup> (বুখারী ৯৩০, মুসলিম, আবু দাউদ ১১১৫-১১১৬, তিরমিয়ী ৫১০নং)

<sup>১৫৬</sup> (বুখারী ১১৭০, মুসলিম ৮৭৫, আবু দাউদ ১১১৭নং)

‘আমি সে নামায ছাড়ব কেন, যে নামায পড়তে নবী ﷺ-কে আদেশ করতে দেখেছি।’<sup>১৫৭</sup>

আজও সহীহ হাদীসকে জ্ঞান ও বিবেকের নিকষে রান্ত করার মত বহু তথ্যাকথিত চিন্তাবিদ ও মুজাদ্দেদ মজুদ রয়েছেন অথবা তাঁদের লিখিত বই-পুস্তক রয়েছে। যাঁদের ঠিনঠিনে জ্ঞানে হাদীস বুঝতে অক্ষম হয়ে তা অঙ্গীকার করে বসেছেন। সুতরাং এমন চিন্তাবিদ ও মুজাদ্দেদ সম্বন্ধে আপনার ভূমিকা কি হওয়া উচিত?

ঐ দেখুন না, দাঢ়ি লস্বী রাখলে তিনি (আলেম হয়েও) আপনাকে ব্যঙ্গ করেন। আপনার লুঙ্গি বা পায়জামা গাঁটের অনেক উপরে উঠে থাকতে দেখে আপনার প্রতি চোখ টিপাটিপি করে, আপনার সুন্নতী চুল দেখে,<sup>(১৫৮)</sup> আপনার শরীয়তী পর্দা পালন করা দেখে, আপনার হারাম থেকে দূরে থাকা দেখে, তিনি বা তাঁরা টিস মারেন, উপহাস করেন। যেন আপনি হাদীস বুঝেন না অথবা তিনি হাদীস মানেন না। এমন যালেম আলেমের বিরুদ্ধে আপনার কি পদক্ষেপ নেওয়া উচিত?

ঐ দেখুন না, যথহাবের বরাতে উনি কত সহীহ হাদীস বর্জন করে চলেছেন। সহীহ হাদীসের উপর আমল করতে চান না, শুধু এই জন্য যে, তা তাঁর যথহাব-বিরোধী। অথচ যাঁর নামে যথহাবের নামকরণ তিনি স্বয়ং বলে গেছেন, ‘হাদীস সহীহ হলে, সেটাই আমার যথহাব।’ সুতরাং উনার ব্যাপারে আপনার কর্তব্য কি হওয়া উচিত?

সুন্নাহ অনুযায়ী আমল করুন। সুন্নাহ-বিরোধীকে নসীহত করুন, বর্জন করুন। সুন্নাহ চলে গেলে দ্বিনের অনেক অংশই চলে যাবে। আব্দুল্লাহ বিন দায়লামী বলেন, ‘আমার নিকট এ খবর পৌছেছে যে, দ্বিন যাওয়ার প্রথম ধাপ হল, সুন্নাহ চলে যাওয়া। একটির পর একটি সুন্নাহ চলে গিয়ে দ্বিন চলে যাবে।

“ (তিরমিয়ী ৫১১৫)

(১) অনেক উল্লম্ব মতে লস্বী চুল রাখাটা প্রকৃতি ও স্বত্ত্বাকাত সুন্নত। অর্থাৎ, এ সুন্নতে মহানবী ﷺ-এর হেদয়াত বা ইবাদতগত ইচ্ছা ছিল না। যেমন নির্দিষ্ট ধরনের খাবার বা রং পছন্দ ইত্যাদি। তবুও কৃত সলফ সে সুন্নতও পালন করে গেছেন। সওয়ারের নিয়তে তা পালন করলে, তাতে সওয়াব আছে এবং যে পালন করবে, তার উপর তাঁদের কোন আপত্তি থাকার কথা নয়, যারা তা পালন করা বিধেয় নয় মনে করে।

যেমন একটির পর একটি খি যেতে যেতে রশি নষ্ট হয়ে যায়।<sup>১৫৯</sup>

প্রকৃত মুসলিম হল সেই, যে তার জীবনের প্রতিটি কর্মকে কিতাব ও সুন্নাহর কষ্টপাথরে যাচাই করে নেয়, ওজন করে সকল ভূমিকাকে কিতাব ও সুন্নাহর নিষ্ক্রিতে। তা না হলে সে প্রকৃত মুসলিম হতে পারে না।

জ্ঞানী মুসলিম তো সেই ব্যক্তি, যে নিজে সকল সুন্নাহর উপর আমল করতে না পারলেও পরের আমল করা দেখে তার গা জ্বলে না, তার প্রতি বিদ্রূপের তীর ছুঁড়ে না। যেহেতু দ্বীনের কোন অংশ নিয়ে ব্যঙ্গ-বিদ্রূপ করা বড় বিপজ্জনক ব্যাপার।

মুহাম্মাদ বিন আব্দুল অহহাব (রাহিমাল্লাহ) বলেন, ‘যে ব্যক্তি আল্লাহর রসূল ﷺ-এর আনীত কোন বিষয় নিয়ে ঠাণ্ডা-বিদ্রূপ করবে সে কাফের হয়ে যাবে।’

মহান আল্লাহ বলেন,

**(وَالَّذِينَ كَفَرُوا فَقْعَسًا لَهُمْ وَأَصْلَلُ أَعْمَالَهُمْ - ذَلِكَ بِأَنَّهُمْ كَرِهُوا مَا أَنْزَلَ اللَّهُ فَأَخْبَطَ أَعْمَالَهُمْ)**

অর্থাৎ, যারা কুফরী করেছে তাদের জন্য রয়েছে দুর্ভোগ এবং তিনি তাদের কর্ম ব্যর্থ করে দিবেন। এটা এ জন্য যে, আল্লাহ যা অবরীণ করেছেন তারা তা অপচন্দ করে। সুতরাং আল্লাহ তাদের কর্ম নিষ্কল করে দিবেন। (সূরা মুহাম্মাদ ৮-৯ আয়াত)

তিনি আরো বলেন, ‘যে ব্যক্তি আল্লাহর রসূল ﷺ-এর দ্বীনের কোন অংশ নিয়ে, আল্লাহর কোন সওয়াব বা শাস্তি নিয়ে উপহাস করবে, সেও কাফের হয়ে যাবে। আর এ কথার দলীল হল, মহান আল্লাহর এই বাণী;

তিনি বলেন,

**(فَلِأَبِاللَّهِ وَآيَاتِهِ وَرَسُولِهِ كُنْتُمْ تَسْتَهِرُونَ - لَا تَعْتَذِرُوا قَدْ كَفَرْتُمْ بَعْدَ إِيَّانِكُمْ)**

” (দারেমী ১/৫৮, লালকাস্ট ১/৯৩)

অর্থাৎ, বল, তোমরা কি আল্লাহ, তাঁর আয়াতসমূহ এবং তাঁর রসূল নিয়ে উপহাস করছিলে? তোমরা এখন (খোঢ়া) ওয়র দেখিও না, তোমরা তো ঝীমান আনার পর কাফের হয়ে গেছ। (সূরা তাওবাহ ৬৫-৬৬ আয়াত)

সুলাইমান বিন আব্দুল্লাহ বিন মুহাম্মাদ বিন আব্দুল অহতাব বলেন, উলামাগণ এ বিষয়ে একমত যে, যে ব্যক্তি আল্লাহ, তাঁর কিতাব, তাঁর রসূল অথবা তাঁর দ্বীন নিয়ে ব্যঙ্গ-বিদ্রূপ করবে, সে কাফের হয়ে যাবে; যদিও সে ব্যক্তি ঠাণ্ডা করে বলে এবং আসল উপহাস তার উদ্দেশ্য না থাকে।<sup>১৬০</sup>

বলাই বাহ্লজ যে, এমন মজলিসে বসবেন না, যে মজলিসে আল্লাহর দ্বীনের কোন অংশ বা রসূল ﷺ-এর কোন সুন্নত নিয়ে উপহাস-ব্যঙ্গ করা হয়। এমন আলেমের বা লোকের সাহচর্য গ্রহণ করবেন না, যে ঐরূপ বিদ্রূপ করে থাকে।

মহান আল্লাহ বলেন,

﴿وَإِذَا رَأَيْتَ الَّذِينَ يَخُوضُونَ فِي آيَاتِنَا فَأَعْرِضْ عَنْهُمْ حَتَّىٰ يَخُوضُوا فِي حَدِيثٍ غَيْرِهِ وَإِمَّا يَنْسِيَنَكَ الشَّيْطَانُ فَلَا تَقْعُدْ بَعْدَ الذِّكْرِ مَعَ الْقَوْمِ الظَّالِمِينَ﴾

অর্থাৎ, (হে নবী) তুমি যখন দেখ যে, তারা আমার নিদর্শন সম্বন্ধে নির্বর্থক আলোচনায় মগ্ন হয়, তখন তুমি দূরে সরে পড়বে; যে পর্যন্ত না তারা অন্য প্রসঙ্গে আলোচনায় প্রবৃত্তি হয় এবং শরতান যদি তোমাকে ভর্মে ফেলে, তাহলে সুরণ হওয়ার পরে অত্যাচারী সম্প্রদায়ের সাথে বসবে না।

(সূরা আনআম ৬৮ আয়াত)

তিনি আরো বলেন,

﴿وَقَدْ نَزَّلْ عَلَيْكُمْ فِي الْكِتَابِ أَنْ إِذَا سَمِعْتُمْ آيَاتِ اللَّهِ يُكَفِّرُ بِهَا وَيُسْتَهْزِئُ بِهَا فَلَا تَقْعُدُوا مَعَهُمْ حَتَّىٰ يَخُوضُوا فِي حَدِيثٍ غَيْرِهِ إِنَّكُمْ إِذَا

- (তাইসীরুল আয়ীফিল হারীদ ৬১৭পৃঃ)

مُثْلُّهُمْ إِنَّ اللَّهَ جَامِعُ الْمُنَافِقِينَ وَالْكَافِرِينَ فِي جَهَنَّمَ جَمِيعًا

অর্থাৎ, আর তিনি কিভাবে তোমাদের প্রতি অবর্তীণ করেছেন যে যখন তোমরা শুনবে আল্লাহর কোন আয়াত প্রত্যাখ্যাত হচ্ছে এবং তা নিয়ে বিদ্রূপ করা হচ্ছে, তখন যে পর্যন্ত তারা অন্য প্রসঙ্গে লিঙ্গ না হয় তোমরা তাদের সাথে বসো না, নচেৎ তোমরাও তাদের মত হয়ে যাবে। কপট ও অবিশ্বাসীদের সকলকেই আল্লাহ জাহান্নামে একত্রিত করবেন।

(সূরা নিসা ১৪০ আয়াত)

অতএব এমন লোকদেরকে নসীহত করুন। না পারলে তাদের সঙ্গ বর্জন করুন। জীবনে চলার পথে সুন্নাহর আলো দিয়ে আপনার পথ আলোকিত করুন। নিজের ত্রুটি জানার জন্য সুন্নাহর আয়না ব্যবহার করুন। মনের যয়লা দূর করার জন্য সুন্নাহর সাবান ব্যবহার করুন। সুন্নাহ গ্রহণ করার জন্য আপনার হৃদয়-মন উদার ও প্রশংস্ত হোক - এই কামনা করি।

## সুন্নাহ অগ্রাহ্য করার তড়িৎ শান্তি

আল্লাহর রসূলের সুন্নাহ নিয়ে ব্যঙ্গ-বিদ্রূপ করলে, সুন্নাহর যথার্থ কদর না করলে, তার শান্তি তো পরকালে আছেই। ইহকালে সত্ত্বর শান্তিও কোন কোন মানুষকে মহান আল্লাহ প্রদান করে থাকেন। তাঁর প্রিয় হাবীবের কথাকে অগ্রাহ্য করার পরিণামে কিছু সাজা দিয়ে থাকেন ঐ উন্নাসিক, উদ্ভিত ও ব্যঙ্গকারীকে। এ মর্মে কয়েকটি উদাহরণ নিম্নরূপ :-

১। ইবনে আবাস (رضي الله عنه) কর্তৃক বর্ণিত, একদা নবী ﷺ বললেন, “(সফর থেকে ফিরে) তোমরা রাতের বেলায় স্ত্রীদের কাছে গমন করো না।”

কিন্তু দুটি লোক হাদীসটিকে হাস্কা মনে করল; ভাবল, রাতে নিজের স্ত্রীর কাছে গেলে কি আর হবে? ফলে মহানবী ﷺ-এর নির্দেশকে তাচিহ্ল্য করল। আল্লাহর রসূল ﷺ যখন সফর থেকে ফিরে এলেন, তখন ঐ দুই ব্যক্তি তাঁর আদেশ অযান্ত করে নিজ নিজ স্ত্রীর কাছে গমন করল। হাদীস তাচিহ্ল্য করার তড়িৎ-শান্তি স্বরূপ প্রত্যেকেই দেখতে পেল, প্রত্যেকের স্ত্রীর

কাছে অপর পুরুষ শয়ন করে আছে!'<sup>১৬১</sup>

২। সালামাহ বিন আকওয়া' বলেন, এক ব্যক্তি আল্লাহর রসূল ﷺ-এর নিকট বাম হাত দ্বারা কিছু খাচ্ছিল। তা দেখে তিনি তাকে বললেন, “তুমি তোমার ডান হাত দ্বারা খাও।” কিন্তু সে বলল, ‘আমি পারি না।’ আল্লাহর রসূল ﷺ বললেন, “তুমি যেন না পার।” অহংকারই ওকে (এ নির্দেশ মানতে) বাধা দিয়েছে। সালামাহ বলেন, সুতরাং সে আর কোনদিন তার ডান হাতকে তার মুখের কাছে তুলতে পারেনি।<sup>১৬২</sup>

৩। হ্যরত আবু হুরাইরা (رضي الله عنه) প্রমুখাং বর্ণিত, আল্লাহর রসূল ﷺ-বলেছেন, “একদা (পূর্ববর্তী উম্মতের) এক ব্যক্তি একজোড়া পোশাক পরে, গর্ভভরে, (মাথা আঁচড়ে) অহংকারের সাথে চলা-ফেরা করছিল। ইত্যবসরে আল্লাহ তার (পায়ের নীচের মাটিকে) ধসিয়ে দিলেন। সুতরাং সে কিয়ামত দিবস পর্যন্ত মাটির গভীরে নেমে যেতেই থাকবে।”<sup>১৬৩</sup>

এক যুবক উপর-নিচে একই শ্রেণীর নতুন ও সুন্দর পোশাক পরে ছিল। সে এই হাদীস শুনে ব্যঙ্গ করে আবু হুরাইরার উদ্দেশ্যে বলল, ‘হে আবু হুরাইরা! সেই যুবক যাকে ধসিয়ে দেওয়া হয়েছে, সে বোধ হয় এমনি করে চলছিল?’ অতঃপর (চলা দেখাতে দেখাতে) সে তার হাতে থাপড় মারল। আর সাথে সাথে সে এমনভাবে পড়ে গেল, যাতে তার (পা) ভেঙ্গে যাওয়ার উপক্রম হয়েছিল। আবু হুরাইরা বললেন, ‘তোমার নাক-মুখ ভূল্পিত হোক। (মহান আল্লাহ বলেন,)’

﴿إِنَّ كَفَيْنَاكَ الْمُسْتَهْزِئِينَ﴾

অর্থাৎ, বিদ্রূপকারীদের বিরুদ্ধে আমিই তোমার জন্য যথেষ্ট।’

(সূরা হিজ্র ১৫ আয়াত)<sup>১৬৪</sup>

৪। আব্দুর রহমান বিন হারমালাহ থেকে বর্ণিত, এক ব্যক্তি হজ্জ অথবা উমরায় যাওয়ার পূর্বে বিদায় জানাতে (আয়ানের পর মসজিদে)

\* (দারেমী ৪৪৫নং)

\* (মুসলিম ২০২১নং)

\* (বুখারী ৫৭৮৯, মুসলিম ২০৮৮নং)

\* (দারেমী ১/১২৭)

সাইদ বিন মুসাইয়েবের নিকট এল। তিনি লোকটিকে বললেন, ‘নামায না পড়ে যেও না। কারণ, আল্লাহর রসূল ﷺ বলেছেন, “আয়ানের পর মসজিদ থেকে মুনাফিক ছাড়া অন্য কেউ বের হয় না। তবে সে ব্যক্তি বের হতে পারে, যার প্রয়োজন আছে এবং পুনঃ ফিরে আসার ইচ্ছা রাখে।” কিন্তু সে বলল, ‘আমার সঙ্গীরা এখন হার্রাতে আছে। (আর তারা আমার অপেক্ষা করছে।)’ অতএব (সে এ হাদীস অমান্য করেই মসজিদ থেকে) বের হয়ে গেল। সাইদ তার কথা নিয়ে ব্যাকুল ছিলেন। ইতিমধ্যে তিনি খবর পেলেন যে, সে লোক নিজ সওয়ারী হতে পড়ে গেছে এবং তাতে তার উরুর হাড় ভেঙ্গে গেছে।<sup>১৬৫</sup>

৫। আবু ইয়াহিয়া সাজী বলেন, একদা আমরা বসরার গলিতে কোন মুহাদ্দিসের বাসার দিকে যাচ্ছিলাম। আমি তাড়াতাড়ি চলতে শুরু করলাম। আমাদের মধ্যে একজন লোক ছিল; সে (ব্যঙ্গ করে) বলে উঠল, ‘তোমরা নিজেদের পা ফিরিশ্তার ডানা থেকে তুলে নাও; ডানা ভেঙ্গে দিও না।’ যেই বলা, সেই তার পা সেখানেই শুক্ষ হয়ে গেল এবং সেখানেই সে পড়ে গেল।<sup>১৬৬</sup>

৬। কারী আবুত তাইয়েব বলেন, একদা জামেউল মানসূরে আমরা বিচার মজলিসে বসে ছিলাম। এমন সময় এক খুরাসানী হানাফী যুবক সেখানে উপস্থিত হয়ে গাই-এর স্তনে দুধ জমিয়ে রেখে (দুধের পরিমাণ বেশী দেখিয়ে গাই) বিক্রয় করার বিষয়ে মাসআলা জিজ্ঞাসা করে দলীল চাইল। দলীল স্বরূপ আবু হুরাইরার হাদীস পেশ করা হলে সে বলল, ‘আবু হুরাইরার হাদীস মকবূল নয়। কারণ--- (তিনি ফকীহ নন।)’ তার কথা বলা তখনো শেষ হয়নি, এমন সময় একটি বিরাট আকারের সাপ মসজিদের ছাদ থেকে তার উপরে পড়ল। লোকেরা তা দেখে লাফিয়ে উঠে পড়ল। যুবকটি তা দেখে পালাতে শুরু করল এবং সাপটিও তার পিছনে ছুটতে লাগল। তাকে বলা হল, ‘তুমি তওবা করে নাও, তওবা করে নাও।’ সে তৎক্ষণাৎ বলল, ‘আমি তওবা করলাম।’ ইত্যবসরে সাপটি অদৃশ্য হয়ে

১৬৫ (দারেমী ৪৪৬২)

১৬৬ (বৃত্তান্ত আরেফীন, নওবী ৯২৩৪)

গেল। তার কোন চিহ্নই দেখা গেল না।<sup>১৬৭</sup>

অবশ্য এর মানে এই নয় যে, যে কেউ এইভাবে সুন্নাহর বিরুদ্ধে নাক সিঁটকাবে অথবা সুন্নাহ নিয়ে ব্যঙ্গ করবে অথবা সুন্নাহ অমান্য করবে তাকেই কারেন্ট শাস্তি দেওয়া হবে। বরং আল্লাহর ইচছা হলে সে এই শাস্তি সাথে সাথে অথবা কিছু পরে দুনিয়াতে পাবে, নচেৎ আখেরাতে তো আছেই।

## হাদীস না মানার জাহেলী অজুহাত

সহীহ হাদীস, সহীহ হাদীস। কৈ সনদসহ একটা হাদীস মুখস্থ শুনান তো দেখি?

সনদসহ যদি কোন আলেম একটি হাদীস শুনাতে না-ই পারেন, তাহলে কি আপনি সহীহ হাদীস মানবেন না?

সোনা কি করে তৈরী হয়, তা যদি বলতে না-ই পারি, তাহলে কি আপনি সোনাকে সোনা বলে মানবেন না?

উচ্চ বংশের মানুষ যদি তার বংশ-নামা মুখস্থ না-ই রাখে, তাহলে কি আপনি তার বংশে সন্দেহ করবেন?

আর আমি যদি সনদসহ একটি হাদীস মুখস্থ শুনিয়েই দিই, তাহলে কি আমি যে হাদীসটাকে সহীহ বলব, সেটাকেই সহীহ বলে মেনে নেবেন?

আসলে সহীহ হাদীস অশ্঵ীকার করার এটি একটি বিজয়ী বুদ্ধি। এমন কৌশল তো আল্লাহর কাছে চলবে না ভাই।

অনেক জায়গায় প্রচলিত থাকে জাল অথবা যয়ীফ হাদীস। যখনই আপনি সেখানে সহীহ হাদীস বলবেন, তখনই লোকেরা সোচ্চার হয়ে বলবে, ‘এ আবার নতুন হাদীস কোথেকে এল?’

অর্থচ হাদীস তো আমার-আপনার কথা নয়। হাদীস তো মহানবী ﷺ-এর অমীয় বাণী। তা তো ১৪০০ বছরের পুরাতনই। কিন্তু

<sup>১৬৭</sup> (সিয়ারু আ'লামিন নুবালা' ২/৬১৮)

লোকমাঝে তার প্রচার না থাকার কারণে, যখনই প্রথম শোনে তখনই তারা তা নতুন মনে করে। আসলে হাদীস নতুন নয়, নতুন হল আমাদের জানা।

আর যারা বলে, ‘এটা নতুন হাদীস’- আসলে তারা কি মহানবী ﷺ-এর সকল হাদীস শুনে ফেলেছে? তা না হলে কি করে নাক সিঁটিকিয়ে ‘নতুন হাদীস’ বলতে সাহস করে?

আসলে এটিও একটি আজীব ধরনের হাদীস অমান্য করার পেঁচালো বুদ্ধি। তাছাড়া তা হল অজ্ঞতার বিশেষ পরিচয়।

অনেকে বলে, ‘অমুক জাঁদরেল আলেম ছিলেন। এ রকম হাদীস তিনি কৈ শুনিয়ে যাননি। তিনি কি এ হাদীস জানতেন না?’

যদি বলি ‘জানতেন না’ তাহলে তাতে ক্ষতি কি? তাতে কি তাঁর সমানে লাগবে? তিনি কি সবজাত্তা ছিলেন? আল্লাহর রসূল ﷺ-এর সাহাবাগণ কি সব হাদীস জানতেন?

অনেকে বলবে, ‘তাহলে আপনিই কি সবজাত্তা নাকি? আল্লাহর রসূল ﷺ-এর সাহাবাগণ জানলেন না, অমুক সাহেব জানলেন না, আর আপনি জানলেন কি করে? আপনি কি সাহাবা থেকেও বড় নাকি?’

না ভাই! তা তো কেউ হতে পারে না। যে জিনিস বাপের যুগে ছিল না বা যা তার অজানা ছিল, তা যদি বেটা জেনে ফেলে, তাহলে কি বেটা বাপ থেকে বড় হয়ে যায়? আসলে যত দিন যায়, গবেষণা তত গভীর হতে থাকে। সহীহ-য়াফের তর্মীয় তত সূক্ষ্ম ও নিপুণ হতে থাকে। আগে তত হাদীস-গ্রন্থ ছিল না, ছিল না ছোট্ট একটা ডিক্ষের ভিতরে হাজার হাজার কিতাব রাখার ব্যবস্থা। আগে একটি হাদীস খুঁজতে পুরো দিন বা কয়েক দিন ব্যয় হতো, কিন্তু এখন তো এক মিনিট বা কয়েক সেকেণ্ডে সে হাদীস খুঁজে পাওয়া যায়। তাহলে কি এ কথা মানতে চান না?

যুগের সাথে যুগের মানুষের পরিবর্তন ঘটেছে। পরিবর্তন ঘটেছে যান্ত্রিক যুগের সভ্যতা ও সংস্কৃতি। যান্ত্রিক উন্নতির সাথে সাথে উপকার হয়েছে দীন ও দীনদারের। কাফেররা আবিষ্কার করলেও সে আবিষ্কার দ্বারা উপকৃত হচ্ছে মুমিন মানুষ। কোন মুসলিম না-ই বা পারল তা আবিষ্কার করতে? মুমিনের জন্য তো আসমান-যমীনের সব কিছুকেই তাবেদার করা হয়েছে। অতএব কাফের সেই তাবেদারী করে নিত্য-নতুন জিনিস

আবিষ্কার করুক। আর মুমিন সহজ উপায়ে তা ব্যবহার করুক। এগুলি আল্লাহর তরফ থেকে মুমিনের বিনা মেহনতের এক একটি উপহার। সুতরাং সমস্ত প্রশংসা আল্লাহর জন্যই।

পক্ষান্তরে এমনও হতে পারে যে, অমুক ঝাঁদরেল সাহেব ঐ হাদীস জানতেন, কিন্তু স্বার্থের খাতিরে অথবা অন্য কোন মনে করা সহীহ হাদীসের বিরোধী হওয়ার কারণে অথবা অন্য কোন হিকমতে সে হাদীস প্রচার করে যাননি। আর এ সব কথা অভ্যন্তরি নয়। আপনি সমীক্ষা ও গবেষণা করে দেখতে পারেন।

অনেকে বলে, ‘হাদীস আর হাদীস। হাদীস আর কে মানছে? মৌলবীরা-হজুররাই হাদীস মানে না। হাদীসে কি আছে বিল্ডিং করার কথা? হাদীসে কি আছে টাকা উপার্জন করার কথা? আলেমরা এই করে কেন? মৌলানারা এই করে কেন?’

আসলে এ সকল কথা মূর্খরাই বলে থাকে। মুবাহ কাজ করলে অথবা আফফল (উত্তম) ত্যাগ করলে হাদীস অমান্য করা হয় না -এ জান তাদের নেই বলেই অনেক সময় হিংসার মুখে খামাখা চিমটি কাটে। আলেম মানুষ সর্বদা ঝুঁলি নিয়ে ভিক্ষা করবে এটাই তাদের চোখে বেশ সুন্দর দেখায়। অতএব তারা বিল্ডিং করলে ওদের চোখে তো কঁটা বিধবেই।

আমার এক বন্ধু একটি গল্প বলেছিলেন; তাঁর গ্রামের এক লোক কিছু লোকের মুখে এক আলেমের প্রশংসা শুনে বলেছিল, ‘উ- আবার ভালো আলেম। ভালো আলেম তাতেই (দুটো) বিয়ে করেছে?!’

অর্থাৎ আলেম হয়ে বৈধভাবে (দুটো) বিয়ে করাও ঐ জাহেলের কাছে খারাপ কাজ। তাই তাঁর প্রতি এত ঘিন্না!

অবশ্য বেআমল আলেম যে নেই তা বলছি না। কিন্তু তাদের কারণে কি আপনি হাদীস মানবেন না। তাহলে যে, পরের দোষে নিজের ক্ষতি করবেন। কেউ যদি অধম হয়, তাহলে আপনি উত্তম হবেন না কেন?

অনেকে হাদীস অস্বীকার করে না; কিন্তু তার অপব্যাখ্যা করে। যেমন, সে যুগের লোকেরা খেতে পেত না, তাই রোয়া রাখত। ব্লেড ছিল না, তাই দাঢ়ি রাখত। সফর বিপজ্জনক ছিল বলে মহিলাকে একা সফর নিষেধ করা হয়েছিল - ইত্যাদি। কিন্তু এই শ্রেণীর খোঁড়া যুক্তি পেশ করে হাদীস অমান্য করা অবশ্যই বিপজ্জনক।

## হাদীস অমান্যকারীর কতিপয় সন্দেহ ও তার নিরসন

কালে কালে হাদীস অস্বীকার ও অমান্যকারীর সংখ্যা কম নয়। প্রাচীন কাল থেকেই এক শ্রেণীর মানুষের কাছে সুন্নাহর কোন কদর নেই। শিয়াদের এক সম্প্রদায় তো মুহাম্মাদ ﷺ-কে তো নবী বলে মানতেই রায়ী নয়। তাদের মতে হযরত আলী (ؑ)-ই নাকি নবুআতের আসল হকদার। যেমন কুরআনী নামক এক ফির্কার নিকট কুরআনই একমাত্র মান্য দলীল; হাদীস তাদের নিকট কিছুই নয়।

কেউ তো কোন কোন হাদীসকে আল্লাহর রসূল ﷺ-এর উক্তি নয় বলেই অস্বীকার করে থাকে। কারণ, সে উক্তি তার সীমিত জ্ঞানের উর্ধে তাই, তার বিবেক গ্রহণ করে না তাই!

কেউ বা আল্লাহর রসূল ﷺ-এর হাদীসকে এই জন্য মান্যতা দেয় না যে, তা তার ম্যহাবের বরখেলাফ। হাদীস সহীহ হলেও তার নিকট যেহেতু ম্যহাবের অনুকরণ করা ফরয, সেহেতু সে ঐ হাদীস মানতে বাধ্য নয়। তার নিকট ঐ হাদীস হয় মনসূখ (রহিত), নচেৎ তার কোন দূর ব্যাখ্যা করা হয়! যদিও ইমাম আবু হানীফা প্রযুক্ত ইমামগণ বুখারী-মুসলিম প্রভৃতি দেখে যাননি এবং আল্লাহর রসূল ﷺ-এর সমস্ত হাদীস জানতেন না। পরন্তু তাঁরা বলে গেছেন যে, ‘হাদীস সহীহ হলে, সেটাই আমার ম্যহাব।’

ওদিকে খাওয়ারেজরা মোটামুটি হিজরী দ্বিতীয় শতাব্দীর শেষের দিকে আহলে বায়তের ফয়েলতে বর্ণিত সকল হাদীসকে অস্বীকার করে বসে। আর এদিকে শিয়ারা সাহাবার ফয়েলতে বিভিন্ন হাদীসকে অমান্য করে।

মু'তাফিলা ও জাহমিয়ারা আল্লাহর সিফাতের হাদীসসমূহকে অমান্য করে।

কোন কোন ফকীহ গায়র ফকীহ (?) সাহাবীর হাদীস গ্রহণ না করে বর্জন করে থাকেন।

আর হিজরী অয়োদশ শতাব্দীর শেষের দিকে (বিংশ শতাব্দীতে) পশ্চিমা বিশ্বের উন্নয়ন-মুঝে কিছু তথাকথিত চিন্তাবিদ মহানবী ﷺ-এর কোন কোন হাদীসকে অস্বীকার করে বসেন।

যারা হাদীস মানতে চায় না, তাদের নিকট কিছু খোঁড়া যুক্তি আছে; যা নবীভুক্ত মানুষের কাছে প্রকাশ ও খণ্ডন হওয়া দরকার। নচেৎ তাদের অপ্রকৃত সেও এসে যেতে পারে। তাদের কতিপয় যুক্তি নিম্নরূপ : -

(১) মহান আল্লাহ কুরআনে বলেছেন,

﴿الْيَوْمَ أَكْمَلْتُ لَكُمْ دِينَكُمْ وَأَتَمَّتُ عَلَيْكُمْ نِعْمَتِي وَرَضِيتُ لَكُمْ﴾

الْأَسْلَامُ دِينُنَا

অর্থাৎ, আজ আমি তোমাদের জন্য তোমাদের দ্বীন পূর্ণাঙ্গ করলাম ও তোমাদের প্রতি আমার অনুগ্রহ (নেয়ামত) সম্পূর্ণ করলাম এবং ইসলামকে তোমাদের ধর্মরূপে মনোনীত করলাম। (সূরা মায়েদাহ ৩ আয়াত)

অতএব কুরআন দ্বারাই আল্লাহর দ্বীন পরিপূর্ণ হয়ে গেছে। সুতরাং হাদীসের দরকার কি?

মহান আল্লাহ আরো বলেন,

﴿وَنَزَّلْنَا عَلَيْكَ الْكِتَابَ تِبْيَانًا لِكُلِّ شَيْءٍ﴾

অর্থাৎ, আমি তোমার উপর কিতাব অবর্তীর্ণ করেছি, যাতে রয়েছে প্রত্যেক জিনিসের বয়ান। (সূরা নাহল ৮৯ আয়াত)

সুতরাং কুরআনেই যদি প্রত্যেক জিনিসের বয়ান থাকে, তাহলে হাদীসের প্রয়োজন কি?

এমন সংকীর্ণ দৃষ্টি-ভঙ্গির মানুষের প্রশ্নের উত্তরে বলা যায় যে, কেবল কুরআন দ্বারাই দ্বীন পরিপূর্ণ নয়। তা হলে মহান আল্লাহ নিজ আনুগত্যের সাথে সাথে তাঁর রস্মীর আনুগত্য করতে মুসলিমদেরকে আদেশ দিতেন না। আসলে তিনি কুরআন ও সুন্নাহ দ্বারা নিজ দ্বীনকে পরিপূর্ণ করেছেন।

কুরআনে প্রত্যেক জিনিসের বর্ণনা থাকলেও বিস্তারিত বর্ণনা নেই। যেমন নামায পড়া, যাকাত দেওয়া ও হজ্জ ইত্যাদি করার আদেশ কুরআনে থাকলেও তার সময়, পদ্ধতি, পরিমাণ ইত্যাদির কথা কুরআনে নেই। বলা বাহ্যিক, তা জানতে আমাদেরকে হাদীসের অনুসরণ করতে হবে।

পরম্পরাগত হাদীস হল কুরআনের ব্যাখ্যা। সে ব্যাখ্যা না নিলে অনেক সময় কুরআন বুঝতেও পারা যায় না।

যোট কথা কুরআনে আছে সকল জিনিসের বয়ান; কিন্তু কিছু বয়ান আছে বিস্তারিত। আর কিছু আছে অবিস্তারিত। এই অবিস্তারিত বয়ান বিস্তারিতভাবে জানার জন্য সুন্নাহর বয়ান চাই।

মহান আল্লাহ বলেন,

(بِالْيَنَاتِ وَالْزُّبُرِ وَأَنْزَلْنَا إِلَيْكَ الْذِكْرَ لِتُبَيِّنَ لِلنَّاسِ مَا نَزَّلَ إِلَيْهِمْ  
وَلَعَلَّهُمْ يَتَفَكَّرُونَ) ﴿

অর্থাৎ, আমি তোমার প্রতি কুরআন অবতীর্ণ করেছি, যাতে তুমি মানুষের জন্য তাদের প্রতি অবতীর্ণ জিনিসকে স্পষ্টভাবে বুঝিয়ে দাও, আর যাতে ওরা চিন্তা করে। (সূরা নাহল ৪৪ আয়াত)

(২) মহান আল্লাহ বলেন,

(مَا فَرَطْنَا فِي الْكِتَابِ مِنْ شَيْءٍ) ﴿

অর্থাৎ, আমি কিতাবে কোন কিছুই লিপিবদ্ধ করতে ছাড়িনি।

(সূরা আনআম ৩৮ আয়াত)

সুতরাং সবকিছুই তো কুরআনে মজুদ। তবে হাদীসের কি দরকার?

আসলে উক্ত আয়াতে ‘কিতাব’ বলে ‘লওহে মাহফুয়’কে বুঝানো হয়েছে। যে কিতাবে সকল সৃষ্টির ইলম লিপিবদ্ধ আছে। এখানে কিতাব বলে কুরআন উদ্দেশ্য নয়।

(৩) মহান আল্লাহ বলেন,

(إِنَّا نَحْنُ نَرْزَقُنَا الذِكْرَ وَإِنَّا لَهُ لَحَافِظُونَ) ﴿

অর্থাৎ, আমিই যিক্র (কুরআন) অবতীর্ণ করেছি। আর আমিই তার হিফায়ত করব। (সূরা হিজ্র ৯ আয়াত)

বলা বাহ্য, মহান আল্লাহ কেবল কুরআনকেই বিকৃতি ও ধূংসের হাত থেকে রক্ষা ও হিফায়ত করার দায়িত্ব নিয়েছেন; হাদীসকে নয়। অতএব হাদীস অবিকৃত অবস্থায় আছে কি না, তার কোন নিশ্চয়তা নেই। আর যার অবিকৃতিতে কোন নিশ্চয়তা নেই, তা মানা যায় কি করে?

উভয়ের আমরা বলব যে, মহান আল্লাহ আমাদেরকে দ্বীন দান করেছেন এবং সে দ্বীনকে কায়েম রাখতে আমাদেরকে আদেশ করেছেন। তিনি কুরআন অবিকৃত রাখার দায়িত্ব নিয়েছেন; তেমনি সামগ্রিকভাবে দ্বীনকে বিজয়ী করার ওয়াদা দিয়েছেন। ওয়াদা দিয়েছেন, তিনি তাঁর রসূলদেরকে সাহায্য করবেন এবং তাঁর নূরকে পরিপূর্ণতা দান করবেন। তিনি বলেন,

﴿يُرِيدُونَ أَنْ يُطْفِئُوا نُورَ اللَّهِ بِأَفْوَاهِهِمْ وَيَأْبَى اللَّهُ إِلَّا أَنْ يُسَمِّ نُورَهُ وَلَوْ  
كَرَةُ الْكَافِرُونَ - هُوَ الَّذِي أَرْسَلَ رَسُولَهُ بِالْهُدَىٰ وَدِينِ الْحَقِّ لِيُظْهِرَهُ  
عَلَى الدِّينِ كُلِّهِ وَلَوْ كَرَةُ الْمُشْرِكُونَ﴾

অর্থাৎ, তারা চায় যে, আল্লাহর নূরকে নিজেদের মুখের ফুৎকার দ্বারা নির্বাপিত করে দেয়, অথচ আল্লাহ নিজ নূর (দ্বীনে ইসলাম)কে পূর্ণত্বে পৌছানো ব্যতীত নিরস্ত হবেন না; যদিও তা কাফেরদের নিকট অপ্রীতিকর। তিনিই নিজ রাসূলকে হেদায়াত (কুরআন) ও সত্য ধর্ম সহকারে প্রেরণ করেছেন, যেন ওকে সকল ধর্মের উপর বিজয়ী করে দেন; যদিও মুশরিকদের নিকট তা অপ্রীতিকর। (সূরা তাওবাহ ৩২-৩৩ আয়াত)

(৩) আবু হুরাইরা (رضي الله عنه) বহু হাদীস বর্ণনা করেছেন নিজের স্মৃতি থেকে। তাঁর যে কোন ভুল হয়নি তার নিশ্চয়তা কোথায়? তিনি এত হাদীস মুখস্থ করলেন ও রাখলেন কিভাবে?

আবু হুরাইরা (رضي الله عنه) সর্বমোট ৫৩৭৪ টি হাদীস বর্ণনা করেছেন নিজের স্মৃতি থেকে। এতটুক পরিমাণ কোন কথা মুখস্থ করা আশ্চর্যের কিছু নয়। কুরআন মাজীদে মোট আয়াত আছে ৬৬৬৬টি। পানির মত তা মুখস্থ শুনিয়ে দেওয়ার মুসলমান আছে হাজারে হাজার। অনেক সময় ৬/৭ বছরের শিশু মুখস্থ করে ফেলে এতগুলো আয়াত! কোন কোন দেশে ফাতলুল বারীর মত (১২/১৩ খণ্ডে) বিশাল গ্রন্থ স্মৃতিস্থ করে রাখার মত লোকের কথা শোনা যায়! বুখারী শরীফকে মোট হাদীস আছে ৭৫৬৩টি। সেই বুখারী শরীফকে গোটা মুখস্থ রাখার মত লোক আছে এ দুনিয়ায়। তাহলে আবু হুরাইরার জন্য ঐ পরিমাণ হাদীস মুখস্থ রাখা কি এমন আশ্চর্যের ব্যাপার?

পক্ষান্তরে তিনি ছিলেন নবুআতের ইল্ম সঞ্চয়নে বড় আগ্রহী। খেয়ে না খেয়ে মসজিদে নববীতে পড়ে থাকতেন। হাদীস মুখস্থ রাখার ব্যস্ততায় অন্য কোন কাজও তিনি করতেন না। আল্লাহর রসূল ﷺ-এর কাছে যে খাবার আসত, সেই খাবার হতে তিনি কিছু পেলে খেতেন; নচেৎ ক্ষুধার জুলায় পেটে পাথর বেঁধে অথবা পেটকে মাটির সাথে লাগিয়ে শুয়ে থাকতেন। সেই অবস্থায় লোকেরা তাঁকে দেখে পাগল ভাবত। দুনিয়ার কোন মায়া তাঁকে আকর্ষণ করতে পারেনি। তাঁকে আকর্ষণ করে রেখেছিল রিসালাতের সেই বচনামৃত।

মদীনার আনসারগণ নিজেদের চাষবাস নিয়ে ব্যস্ত থাকতেন। মক্কার মুহাজেরগণ ব্যবসা নিয়ে মগ্ন থাকতেন। আর তারই ফাঁকে ফাঁকে মহানবী ﷺ-এর সভায় আসতেন, সফরে যেতেন, জিহাদে যেতেন। আর আবু হুরাইরা رضي الله عنه-এর কোন ব্যস্ততা ছিল না। তিনি সদা তাঁর খিদমতে পড়ে থাকতেন। যেখানে যেতেন সেখানে তিনিও যেতেন। যে কথা শুনতেন, তা ভালোভাবে মনে রাখতেন। বিভিন্ন প্রশ্ন করেও তিনি নবুআতের জ্ঞান অর্জন করতেন।

একদা অধিক স্মৃতিশক্তি কামনা করে মহানবী ﷺ-এর নিকট আবেদন করলেন, তুমি তোমার চাদর বিছাও। অতঃপর তা বুকে ফিরিয়ে নাও। তিনি তাই করলে নবুআতের এক মু'জেয়া স্মরণ তারপর থেকে আর কোন হাদীস শোনার পর ভুলতেন না।<sup>১৬</sup>

এর পরেও কি কোন বিবেকসম্পন্ন মানুষের কাছে আবু হুরাইরা বা অন্য কোন সাহাবীর হাদীস শুনে তা সঠিকরূপে পরবর্তী বংশধরের নিকট পৌছে দেওয়ার ব্যাপারে সন্দেহ থাকতে পারে?

(৪) কুরআন লিখা হয়েছে সাথে সাথে; কিন্তু হাদীস লিখা হয় বহু পরে। অতএব যা এত পরে লিখা, তার অবিকৃতিতে ভরসা কোথায়?

(৫) হাদীস মান্য বা দলীল হলে মহানবী ﷺ সাহাবাদেরকে কুরআন লিখার মত তা লিখতে আদেশ দিতেন। অথচ তিনি তা দেননি। বরং তিনি হাদীস লিখতে নিষেধ করেছেন। বুঝা গেল, সুন্নাহর কোন গুরুত্ব নেই।

~ (বুধবারী, মুসলিম ২৪৯২নং, নাসাই)

আসমানী অহী কুরআন সংরক্ষণ করার জন্য রসূল ﷺ ও তাঁর সাহাবাগণ বিশেষ ব্যবস্থা নিয়েছিলেন। কুরআন অবতীর্ণ হওয়া মাত্র আল্লাহর নবী ﷺ-এর স্মৃতিস্থ হয়ে যেত। তিনি সাহাবাদেরকে শুনাতেন, মুখস্থ করাতেন। যাঁরা লিখতে জানতেন তাঁরা পাথর, কাপড় বা চামড়ায় লিখে নিতেন। যার ফলে কুরআন অবিকৃত অবস্থায় সংরক্ষিত থেকে যায়। মহানবী ﷺ-এর ইন্তিকালের পর তা একটি মাত্র সুসজ্জিত গ্রন্থাকারে উস্মার কাছে প্রকাশ লাভ করে।

পক্ষান্তরে সুন্নাহর প্রতি সে গুরুত্ব দেওয়া হয়নি। তার কারণ নিম্নরূপঃ-

(ক) মহানবী ﷺ নবুআতের পর ২৩ বছর সাহাবাদের মাঝে বেঁচে ছিলেন। আর ঐ ২৩ বছরের মধ্যে তাঁর মুখনিঃসৃত বাণী, দৈনন্দিন কর্মাবলী, চরিত্র ও ব্যবহারের সকল দিক পাথর, চামড়া বা কাঠের উপর লিখে রাখা অত্যন্ত সুকঠিন ছিল।

(খ) সাহাবাগণের মাঝে সুলেখক সাহাবী গণামাত্র কয়েক জন ছিলেন এবং তাঁরা জীবনের মূল জীবন-ব্যবস্থা কুরআন লিখতে ব্যস্ত থাকায় সুন্নাহ লিখার প্রতি যত্ন দিতে সক্ষম হননি।

(গ) যেভাবে কুরআন লিখা হত, সেইভাবে সুন্নাহ বা হাদীস লিখা হলে, কুরআন ও সুন্নাহর মাঝে গোলমাল ও সংযোগ হওয়ার বড় আশঙ্কা ছিল। আর তাতে মহাপ্রভু আল-কুরআনে সন্দেহ প্রবেশ করার ভয় ছিল। আর তার জন্যই মহানবী ﷺ নিজে কুরআন ছাড়া অন্য কিছু লিখতে নিষেধও করেছিলেন।<sup>১৬৯</sup>

অবশ্য এ নিষেধ ছিল শুরুর দিকে। পরে লিখার অনুমতি দেওয়া হয়। বিশেষ করে যাঁদের ব্যাপারে দুটি অহীর মাঝে গোলমাল সৃষ্টি করার ব্যাপারে কোন সন্দেহ ছিল না, তাঁদেরকে সুন্নাহ লিখারও অনুমতি দেওয়া হয়। প্রমাণিত যে, তিনি কাউকে কাউকে সুন্নাহ লিখে দিতে আদেশও করেছেন এবং অনেক সাহাবীর কাছে অনেক সুন্নাহ লিখিত অবস্থাতেও সংরক্ষিত হয়। (প্রায় ৫২ জন সাহাবীর কাছে বহু হাদীস লিখিত অবস্থায়

১৬৯ (মুসলিম)

পাওয়া যায়।) পরবর্তীকালে কুরআন গ্রহাকারে সঞ্চিত হয়ে গেলে সে ভয় একেবারেই দূর হয়ে যায়। আর তারপরেই শুরু হয় সুন্নাহ লিখার তৎপরতা।

(৬) কিছু হাদীস আছে, যাতে বুঝা যায় যে, হাদীস কোন শরণী দলীল নয়।

কিন্তু জেনে রাখা উচিত যে, সেসব হাদীস সহীহ নয়। তাছাড়া সহীহ হাদীসেই আছে যে, সুন্নাহ হল ইসলামী শরীয়তের একটি উৎস।

মহানবী ﷺ বলেন, “আমি যেন তোমাদের মধ্যে কাউকে এমন না পাই যে, সে নিজ গদিতে বসে থাকা অবস্থায় আমাকে যা করতে আদেশ বা নিষেধ করা হয়েছে তার কোন কথা তার নিকট এলে সে বলে, ‘জানি না। আমরা আল্লাহর কিতাবে যা পাই, তারই অনুসরণ করব।’”<sup>১৭০</sup>

খাইবারের দিন আল্লাহর নবী ﷺ গৃহপালিত গাধা ও অন্যান্য অনেক জিনিসকে হারাম ঘোষণা করলেন। অতঃপর তিনি বললেন, “অতি নিকটে তোমাদের মধ্যে কেউ কেউ নিজের গদিতে বসে থাকায় অবস্থায় তাকে আমার হাদীস বর্ণনা করা হলে সে বলবে, ‘আমাদের ও তোমাদের মাঝে রয়েছে আল্লাহর কিতাব। সুতরাং তাতে যা হালালরূপে পাবো তাই হালাল বলে এবং তাতে যা হারামরূপে পাবো তাই হারাম বলে মানবো।’ অথচ আল্লাহর রসূল যা হারাম করে, তা আল্লাহর হারাম করার মতই।”<sup>১৭১</sup>

(৭) অনেক সময় দেখা যায়, একটি হাদীসকেই অনেক মুহাদ্দিস সহীহ বলেছেন, আবার অন্য অনেকেই বলেছেন, যয়ীফ। একই বর্ণনাকারীকে কেউ বলেছেন, বিশুষ্ট, আবার অন্য কেউ বলেছেন, অবিশুষ্ট, অনির্ভরযোগ্য। এখন আমরা কার কথাটা মেনে হাদীসটিকে সহীহ বলে মানব অথবা যয়ীফ বলে মানব না? এর থেকে কি এ কথা বুঝা যায় না যে, হাদীস নির্ভরযোগ্য ও অকাট্য দলীল হওয়ার ব্যাপারে সন্দেহ আছে?

হাদীস সহীহ-যয়ীফ হওয়ার ব্যাপারটা অনেকাংশে নির্ভর করে তার বর্ণনাকারীর উপর। বর্ণনাকারী সহীহ ও নির্ভরযোগ্য হলে হাদীস সহীহ;

<sup>১৭০</sup> (রিসালাহ, শাফেয়ী ৪০৩পঃ)

<sup>১৭১</sup> (আহমাদ, আবু দাউদ, তিরমিয়ী, ইবনে মাজাহ, হাকেম)

নচেৎ যয়ীফ। এখন বর্ণনাকারীর ব্যাপারে যদি অতভেদ থাকে, তাহলে তার জন্যও মুহাদ্দিসগণ বিবেক-বিচার করে ফায়সালা গ্রহণ করে থাকেন। একজন বলেন, অমুক সহীহ এবং অপরজন বলেন, যয়ীফ। তাহলে সে ব্যক্তি যয়ীফ। যেমন অনেক লোকে ইমাম সাহেবের তারীফ করে; তিনি খুব ভালো লোক, পরহেয়গার লোক ইত্যাদি। কিন্তু একজন বলল, ইমাম সাহেব মিথ্যা বলেন। তাহলে আসলে ইমাম সাহেব মিথ্যাবাদী। কারণ ভিতরকার খবর এ লোকটি জানে, আর ওরা জানে না। অতএব ইমাম সাহেব নির্ভরযোগ্য থাকলেন না।

তবে এ ক্ষেত্রে মুহাদ্দিসগণ এ কথারও খেয়াল অবশ্যই রেখে থাকেন যে, যে লোকটি বদনাম করে তার মূল্যমান কতটুক। তার অন্য কোন অসৎ উদ্দেশ্য তো নেই? তার প্রতি হিংসা তো নেই? তার কোন স্বার্থ তো নেই? ইত্যাদি।

আসলে মানার মন থাকলে এবং মানুষের ভিতরে সত্যানুসর্ক্ষিত্সা থাকলে সত্যের নাগাল অতি সহজ। পক্ষান্তরে মনের ভিতর টেরামি থাকলে এবং না মানার ইচছা থাকলে নানা সংশয় ও সন্দেহ তথা কৃট প্রশ্ন উদয় হয় হৃদয়ে।

অনেকে জ্ঞান ও বিবেকের নিকষে বহু সহীহ হাদীস রদ্দ করে থাকে। সব দিক থেকে হাদীস সহীহ হলেও কেবল তা এই বলে মানতে চায় না যে, সে কথা তার জ্ঞানে ধরে না। তার বিবেকে মনে হয়, এমন হওয়াটা অসম্ভব। আর এতে সে দাবী করে যে, তার জ্ঞান বড় নির্মল। তার বিবেক হল হক-বাতিলের পার্থক্যকারী কষ্টিপাথর।

কিন্তু আসলে এমন ব্যক্তি হল আপন খেয়াল-খুশীর পূজারী। আর কেউ তার নিজ খেয়াল-খুশী দ্বারা কোন হাদীসকে সহীহ-যয়ীফ প্রমাণ করতে পারে না। কত শত জিনিস গত ৫০ বছর আগে মানুষের জ্ঞানগম্য ছিল না, বলতে অবিশ্বাস এসে বিবেকের দরজায় ভিড় জমাতো। কিন্তু চোখের সামনে আজ তা বাস্তব ও সত্য। হাদীসের সত্যতা মানুষ প্রমাণ করতে পারেনি বলে সহীহ হাদীস যয়ীফ হয়ে যায় না। বরং আমাদের জ্ঞান সৃষ্টিকর্তার জ্ঞানের তুলনায় নিতান্ত তুচ্ছ।

বলা বাহ্যিক, আনুগত্যে পরিত্রাণ ও সাফল্য আছে, আর ঔদ্ধত্যে আছে সংশয় ও ধূংস। আল্লাহ আমাদেরকে রক্ষা করুন। আমীন।

## সুন্নাহ কিভাবে সংরক্ষিত হল?

মহানবী ﷺ যেখানে থাকতেন, সেখানে কোন না কোন সাহাবী থাকতেন। ঘরে-বাইরে, শহরে-সফরে, বাজারে-মসজিদে যে কোন জায়গায় কোন না কোন সাহাবী অথবা তাঁর কোন না কোন স্ত্রী তাঁর আশল লক্ষ্য করে মনে রেখেছেন, তাঁর মুখনিঃসৃত বাণী মুখস্থ রেখেছেন। তাঁদের কোন সমস্যায় তাঁকে জিজাসা করে সমাধান নিতেন এবং তা মনে রাখতেন। অতঃপর তা একে অন্যকে জানাতেন ও শুনাতেন।

মহানবী ﷺ যখন কোন গুরুত্বপূর্ণ কথা বলতেন, তখন ঘুরিয়ে-ফিরিয়ে তিনবার করে বলতেন; যাতে সাহাবাগণ তা বুঝতে ও স্মৃতিস্থ করতে সক্ষম হন।<sup>۱۷۲</sup>

তিনি সাহাবাগণকে তাঁর বাণী মুখস্থ রাখার জন্য উদ্বৃদ্ধ করতেন। তিনি বলতেন, “আল্লাহ সেই ব্যক্তির শ্রীবৃদ্ধি করেন যে ব্যক্তি আমাদের নিকট কিছু শ্রবণ করে তা অন্যের নিকট ঠিক সেই ভাবেই পৌছে দেয় যে তাবে সে শ্রবণ করেছিল। কেননা যাদের কাছে (হাদীস) পৌছানো হয় তাদের কেউ কেউ এমনও আছে, যে ঐ শ্রবণকারী অপেক্ষা অধিক স্মৃতিমান ও সমঝদার।”<sup>۱۷۳</sup>

অনেক সময় তিনি বলতেন, “তোমাদের মধ্যে উপস্থিত ব্যক্তি যেন অনুপস্থিত ব্যক্তিকে (এই বাণী বা ইল্ম) পৌছে দেয়। সম্ভবতঃ উপস্থিত ব্যক্তি এমন ব্যক্তির কাছে তা পৌছে দেবে, যে তার থেকে বেশী স্মৃতিধর।”<sup>۱۷۴</sup>

তাঁর ইল্ম শিক্ষার জন্য সকলকে অনুপ্রাণিত করতেন। তিনি বলতেন, “যে ব্যক্তি এমন পথ অবলম্বন করে চলে যাতে সে ইল্ম (শরয়ী জ্ঞান) অব্রেষণ করে, আল্লাহ তার বিনিময়ে তার জন্য জান্নাতে যাওয়ার পথ সহজ করে দেন। যখনই কোন একদল মানুষ আল্লাহর গৃহসমূহের কোন এক গৃহে (মসজিদে) সমবেত হয়ে আল্লাহর কিতাব পাঠ করে এবং আপোসে

<sup>۱۷۲</sup> (বুখারী ৯৫৬)

<sup>۱۷۳</sup> (আবু দাউদ, তিরমিয়ী, ইবনে হিবান, সহীহ তারগীব ৮৩০ৎ)

<sup>۱۷۴</sup> (বুখারী ৬৭, ১০৮, ১০৫, মুসলিম ১৬৭৯নং)

তা অধ্যয়ন করে তখনই ফিরিশ্তাবর্গ তাদেরকে পরিবেষ্টিত করে নেন, তাদের উপর প্রশান্তি অবরুদ্ধ হয়, করুণা তাদেরকে আচছাদিত করে নেয় এবং তাদের কথা আল্লাহ তাঁর নিকটবর্তী ফিরিশ্তাবর্গের মধ্যে আলোচনা করেন। আর যাকে তার আমল পক্ষাদ্বর্তী করেছে তাকে তার বৎস অগ্রবর্তী করতে পারে না।”<sup>১৫</sup>

আল্লাহর রসূল ﷺ আরো বলেছেন, “যে ব্যক্তি এমন পথে চলে যাতে সে ইল্ম অনুসন্ধান করে, সেই ব্যক্তির জন্য আল্লাহ জান্মাত যাওয়ার পথ সহজ করে দেন। নিঃসন্দেহে ফিরিশ্তাবর্গ ইল্ম অনুসন্ধানীর ঐ কর্মে সন্তুষ্টি প্রকাশ করে তার জন্য তাঁদের ডানা বিছিয়ে দেন। অবশ্যই আলেমের জন্য আকাশবাসী সকলে এবং পৃথিবীর অধিবাসী -এমন কি পানির মাছ পর্যন্তও ক্ষমা প্রার্থনা করে থাকে। আবেদ (ইবাদতকারী) অপেক্ষা আলেমের উচ্চ মর্যাদা ঠিক তদ্দুপ; যদ্দুপ সমগ্র তারকারাজি অপেক্ষা চন্দ্রের। নিশ্চয়ই আলেমগণ নবীগণের ওয়ারেশীন (উত্তরাধিকারী)। নবীগণ না কোন দীনারের উত্তরাধিকার করেছেন না কোন দিরহামের। বরং তাঁরা ইলমেরই উত্তরাধিকার করে গেছেন। সুতরাং যে ব্যক্তি তা গ্রহণ করে সে পর্যাপ্ত অংশ গ্রহণ করে থাকে।”<sup>১৬</sup>

তিনি বলেন, “যে ব্যক্তি কেবলমাত্র কল্যাণমূলক কিছু (দীন) শিক্ষা করা অথবা দেওয়ার উদ্দেশ্যেই মসজিদের প্রতি যাত্রা করে তার জন্য (তার আমলনামায়) এক পূর্ণ হজ্জের সমপরিমাণ নেকী লিপিবদ্ধ করা হয়।”<sup>১৭</sup>

তিনি আরো বলেন, “যে ব্যক্তি আমার এই মসজিদে আসে এবং তার উদ্দেশ্য কেবল কল্যাণমূলক (দীনী ইল্ম) শিক্ষা করা অথবা দেওয়াই হয়, তাহলে সে ব্যক্তি আল্লাহর পথে জিহাদকারীদের মর্যাদায় সমুন্নত হয়। আর যে ব্যক্তি এ ছাড়া ভিন্ন কোন উদ্দেশ্যে আসে সে সেই ব্যক্তির সমতুল্য যে পরের আসবাব-পত্রের প্রতি তাকিয়ে থাকে।”<sup>১৮</sup>

<sup>১৫</sup> (মুসলিম ২৬৯৯নং, আবু দাউদ, তিরমিয়ী, নাসাই, ইবনে মাজাহ, ইবনে হিব্রান, হাকেম)

<sup>১৬</sup> (আবু দাউদ, তিরমিয়ী, ইবনে মাযাহ, ইবনে হিব্রান, বাইহাকী, সহীহ তারগীব ৬৭নং)

<sup>১৭</sup> (তাবারানী, সহীহ তারগীব ৮১নং)

<sup>১৮</sup> (ইবনে মাজাহ, বাইহাকী, সহীহ তারগীব ৮২নং)

মহানবী ﷺ অনুপ্রাণিত করতেন অপরকে শিক্ষা দেওয়ার উপর। তিনি বলতেন, যে ব্যক্তি কোন ইল্ম শিক্ষা দেয় তার জন্য রয়েছে সেই ব্যক্তির সম্পরিমাণ সওয়াব যে সেই ইল্ম অনুযায়ী আমল করে। এতে আমলকারীরও কিঞ্চিৎ পরিমাণ সওয়াব হাস হবে না।”<sup>১৭৯</sup>

আল্লাহর রসূল ﷺ-এর নিকটে দুই ব্যক্তির কথা উল্লেখ করা হল; একজন আবেদ, অপরজন আলেম। তিনি বললেন, “আবেদের উপর আলেমের মর্যাদা ততগুণ, যতগুণ তোমাদের কোন নিম্নমানের ব্যক্তির উপর আমার মর্যাদা রয়েছে।” অতঃপর তিনি বললেন, “নিশ্চয় আল্লাহ, তাঁর ফিরিশ্তাবর্গ, আকাশমণ্ডলী ও পৃথিবীর অধিবাসী, এমন কি পিপিলিকা নিজ গর্তে, এমন কি মৎস্য পর্যন্তও মানুষকে সৎশিক্ষাদানকারী শিক্ষকের জন্য দুআ করে থাকে।”<sup>১৮০</sup>

সেই গুরুত্বের প্রতি লক্ষ্য রেখেই মসজিদের সুফ্ফাতে অনেক সাহাবী খেয়ে-না খেয়ে ইল্ম শিক্ষার জন্য পড়ে থাকতেন।

আবু হুরাইরা (رضي الله عنه) না খেয়ে পেটে পাথর বেঁধে ক্ষুধার জ্বালায় মাটির সাথে পেট লাগিয়ে পড়ে থেকেও নববী ইল্ম সংগ্রহ করার কাজে ব্যাপ্ত থাকতেন।<sup>১৮১</sup>

উমার (رضي الله عنه) পালা করে নববী ইল্ম সংগ্রহ করতেন। আনসারী প্রতিবেশীর সাথে ছুক্তি করে তিনি একদিন এবং আনসারী একদিন পালাক্রমে ইল্ম অর্জন করে বাড়িতে এসে একে অন্যকে শুনিয়ে দিতেন।<sup>১৮২</sup>

মহানবী ﷺ কোন কোন সময় কাউকে কাউকে লিখে নেওয়ার অনুমতিও দিয়েছেন।

তিনি তাঁর নামে মিথ্যা কোন কথা বলতে সাবধান করতেন। তিনি বলতেন, “যে ব্যক্তি আমার প্রতি ইচছাকৃত মিথ্যা আরোপ করল, সে যেন

১৭৯ (ইবনে মাজাহ, সহীহ তারগীব ৭৬৩)

১৮০ (তিরমিয়ী, সহীহ তারগীব ৭৭৩)

১৮১ (বুখারী, মুসলিম ২৪৯২নং, নাসাঈ)

১৮২ (বুখারী ৮৯নং)

নিজের ঠিকানা জাহান্নাম বানিয়ে নিল।”<sup>১৮৩</sup>

“যে ব্যক্তি আমার তরফ হতে কোন হাদীস বর্ণনা করে অথচ সে বিশ্বাস করে যে তা মিথ্যা। তবে সেও মিথ্যাবাদীদের অন্যতম।”<sup>১৮৪</sup>

রিসালতের সেই আমানত পৌছে দিতে সাহাবাগণও আমানতদারের দায়িত্ব পালন করলেন। তাঁরাও একে-অপরকে শিক্ষা দিতে লাগলেন। শিক্ষা দিলেন পরবর্তী অনুসারী তাবেঙ্গনদেরকে। সংগ্রহ করতে লাগলেন রসূলের হাদীস। আর তার জন্য অনেকে উঁটের পিঠে সফর করলেন দূর দেশে মাসকাল ধরে।

তাঁদের শৃতিশক্তি প্রথর থাকার ফলে সুন্নাহ লিখার তৎপরতা পরে শুরু হলেও বই আকারে লিখার প্রতি গুরুত্ব আরোপিত হল। কিছু সাহাবী কিছু সুন্নাহ লিপিবদ্ধ অবস্থায় সংরক্ষিত করলেন। তাঁদের পর তাবেঙ্গনগণও লিখার গুরুত্ব অনুধাবন করলেন।

রাসূল ﷺ কর্তৃক আব্দুল্লাহ বিন উমার দ্বারা লিখিত হাদীসের প্রথম কিতাব হল ‘কিতাবুস স্বাদাক্তাহ’।<sup>১৮৫</sup>

বলা বাহ্যিক, আব্দুল্লাহ বিন উমার হাদীস লিখে নিতেন। হাদীস লিখে রাখতেন আব্দুল্লাহ বিন আম্র বিন আস। হাদীস লিখা হয়েছিল মুআয়ের জন্য এবং ইয়ামানের গভর্নর আম্র বিন হায়মের জন্য।

হ্যরত আবু বাক্র, উমার ও আলী (رضي الله عنه) কিছু কিছু হাদীস লিখেছিলেন। হাদীস লিখেছিলেন প্রায় ৫২ জন সাহাবী। আর সেই সকল পাণ্ডুলিপি তাবেঙ্গন ও তাঁদের পরবর্তীদের মাঝে হস্তান্তর হতে থাকে। এইভাবে চলতে থাকে সুন্নাহর সংরক্ষণ।

হ্যরত উমার আল্লাহর রসূল ﷺ-এর সুন্নাহকে একত্রে গ্রহাকারে লিপিবদ্ধ করার সংকল্প করেছিলেন। কিন্তু কুরআনের প্রতি মানুষের আগ্রহ কমে যাওয়ার আশঙ্কায় তিনি তা আর করলেন না।

৩ (বুখারী ১১০, মুসলিম ৩ নং)

৪ (সহীহ মুসলিমের ভূমিকা, প্রভৃতি)

৫ (আবু দাউদ ১৫৬৮, তিরমিয়ী ৬২১নং)

পরবর্তীতে তাঁর পৌত্রী-পুত্র তাবেঈ ও পঞ্চম খলীফা উমার বিন আব্দুল আয়ীয় (রাহিমাল্লাহ) হাদীস লিখতে আদেশ দেন। কিন্তু তখনও অধিক পরিমাণে হাদীস সংগ্রহ করা সম্ভব হয়ে ওঠেনি।

অতঃপর সমসাময়িক কালে সবচেয়ে বড় মুহাম্মদ ইমাম যুহরী (মৃঃ ১২৪হিঃ) খলীফা উমার বিন আব্দুল আয়ীয়ের উৎসাহদানে হাদীস লিপিবদ্ধ করার কাজে হাত লাগান। তবে তিনি সুন্নাহকে অবিন্যস্তভাবে কেবল জমা করে দেন। বুখারী-মুসলিম বা অন্যান্য হাদীস গ্রন্থের মত সুবিন্যস্ত আকারে লিপিবদ্ধ করেননি।

তারপর লিখার কাজ আরো অগ্রসর হতে থাকে। মক্কায় ইবনে জুরাইজ (১৫০হিঃ), ইবনে ইসহাক (১৫১হিঃ) মদীনায় সাঈদ বিন আবী আরবাহ (১৫৬হিঃ), রাবী' বিন সাবীহ (১৬০হিঃ), ইমাম মালেক (১৭৯হিঃ), বসরায় হাম্মাদ বিন সালামাহ (১৬৭হিঃ), কুফায় সুফিয়ান সওরী (১৬১হিঃ), শামদেশে আবু আম্র আওয়ায়ী (১৫৭হিঃ), ওয়াসেতে হশাইম (১৭৩হিঃ), খুরাসানে আব্দুল্লাহ বিন মুবারক (১৮১হিঃ), ইয়ামানে মামর (১৫৪হিঃ) হাদীস গ্রন্থাকারে লিপিবদ্ধ করেন।

অনুরূপভাবে জারীর বিন আব্দুল হামীদ (১৮৮হিঃ), সুফিয়ান বিন উ'য়াইনাহ (১৯৮হিঃ), লাইষ বিন সাদ (১৭৫হিঃ), শো'বাহ বিন হাজ্জাজ (১৬০হিঃ) প্রায় একই যুগে হাদীসের বই লিখেন।

অতঃপর তৃতীয় শতাব্দীতে লিখিত হল হাদীসের বড় বড় মুসনাদ গ্রন্থ। মুসনাদ লিখলেন ইমাম আহমাদ বিন হাস্বল, ইসহাক বিন রাহওয়াইহ এবং গ্রন্থ রচনা করলেন উসমান বিন আবী শাইবাহ।

কিন্তু ঐ সকল গ্রন্থে সহীহ-য়াফের তমীয় না থাকার দরুণ দলীল নিরূপণ করা সহজ ছিল না। প্রয়োজন ছিল যানীককে বাদ দিয়ে কেবল সহীহ হাদীস লিখার। এ প্রয়োজন পূর্ণ করলেন হাদীসের আমীরুল মু'মেনীন ইমাম বুখারী (২৫৬হিঃ) এবং তাঁর ছাত্র ইমাম মুসলিম (২৬১হিঃ)।

অতঃপর তাঁদের অনুকরণে লিপিবদ্ধ হল সুন্নানে আরাবাআহ; আবু দাউদ, তিরমিয়ী, নাসাঈ ও ইবনে মাজাহ। তবে এ চারটি গ্রন্থ সহীর ব্যাপারে তাঁদের ঐ গ্রন্থদ্বয়ের পর্যায়ে নয়।

অতঃপর চতুর্থ শতাব্দীতে লিখা হল মাআজিম। ইমাম ত্বাবারানী (৩৬০হিঃ) কাবীর, আওসাত্ত ও সাগীর নামক তিনটি মু'জাম লিখলেন। ইমাম দারাকুত্বনী (৩৮৫হিঃ) লিখলেন সুনান। ইবনে হিকান (৩৫৪হিঃ) ও ইবনে বুয়াইমাহ (৩১১হিঃ) লিখলেন সহীহ নামক গ্রন্থ। যদিও এই সহীহতে যয়ীফ ও জাল হাদীসও বর্তমান। তদনুরূপ গ্রন্থ রচনা করলেন ইমাম ত্বাহাবীও (৩২১হিঃ)।

আর এইভাবেই লিখা হল মুস্তাদ্রাকুল হাকেম, সুনানে বাইহাকী। আর বিভিন্ন গ্রন্থ থেকে সংপ্রয় করে লিখা হল মাজমাউয যাওয়ায়েদ প্রভৃতি গ্রন্থ।

## হাদীস মানা ওয়াজেব কখন?

প্রত্যেক মুসলিমই চায় ঘানবী রহিম-এর সুন্নাহর উপর আমল করতে। কিন্তু আমলের সময় চোখ বঙ্গ করে আমল বাঞ্ছনীয় নয়। হাদীসে আছে বা আল্লাহর নবী বলেছেন পড়ে বা শুনেই আমল করতে লেগে যাওয়া মুসলিমের উচিত নয়। যেমন উচিত নয়, কোন হাদীস শুনে তা অবিশ্বাস করা, তা দলীল স্বরূপ পেশ করা, নিজ গ্রন্থ বা বক্তৃতায় স্থান দেওয়া।

বলা বাহুল্য কোন হাদীসের উপর আমল করার সময় উচিত হল :-

১. এই দৃঢ় বিশ্বাস রাখা যে, হাদীস হল দুটি অহীর অন্যতম !
২. হাদীসের বক্তব্যকে নির্ভুল ও নিষ্কলুষ বলে নিঃসন্দেহে মেনে নেওয়া।  
যেহেতু হাদীস যাঁর তিনি হলেন নির্ভুল ও নিষ্পাপ মানুষ।
৩. সেটা সত্যপক্ষে তাঁর হাদীস কি না, তা অনুসন্ধান করা ওয়াজেব। তা সহীহ কি না, তা জানা জরুরী।
৪. সহীহ প্রমাণিত হলে তা সর্বান্তঃকরণে মেনে নেওয়া ওয়াজেব; যদিও তা নিজ জ্ঞান ও বিবেক বহির্ভূত মনে হয় এবং তার পিছনে যুক্তি ও হিকমত না বুঝা যায়।
৫. যয়ীফ (দুর্বল), বা মওয়' (জাল) প্রমাণিত হলে তা বর্জন করা।
৬. হাদীসের সঠিক অর্থ বুঝা। আপাতদৃষ্টিতে দুটি হাদীস পরম্পর-

বিরোধী মনে হলে তা সমন্বয় ও সামঞ্জস্য সাধনের চেষ্টা করা।

৭. হাদীসের নাসেখ-মনসুখ (রহিত-অরহিত) নির্দেশ সম্বন্ধে জ্ঞান লাভ করা।

উক্ত সকল নির্দেশ পালন না করলে হাদীসের উপর আমল ফলপ্রসূ নাও হতে পারে। পক্ষান্তরে প্রামাণ্য হাদীসের সঠিক বজ্বের প্রতি বিশ্বাস ও আমল না করলেও পরিণাম অবশ্যই মন্দ হবে।

হাদীসের গ্রহণগুলিতে এ সব কথার উল্লেখ থাকে। উল্লেখ না থাকলে সত্যানুসন্ধানী মুহাদ্দিস আলেমের নিকট সে হাদীস সম্পর্কে জিজ্ঞাসা করে আমল করতে হবে। আর এ কাজ সচেতন মুসলিমের জন্য মোটেই কঠিন নয়।

## সব হাদীস মান্য নয় কেন?

অনেকে মনে করেন এবং বলেও থাকেন যে, রসূলের হাদীস, তার আবার সহীহ-যায়ীফ কি? রসূলের কথা কি দুর্বল হয় নাকি? তাঁর কথা জাল হয় কি করে?

এ কথা মানতেই হবে যে, গ্রহণ ও বর্জনের দিক থেকে হাদীস তিন প্রকার; সহীহ, হাসান ও যায়ীফ (দুর্বল)। এ ছাড়া রয়েছে রচিত মওয়ূ (জাল) হাদীস। এর মধ্যে কেবল প্রথম দুই প্রকার হাদীসকে শরীয়তের দলীল বলে মানা হয়। আকীদা, আমল ও ফাযায়েলে গ্রহণ করা হয়। বাকী শেষোক্ত দুই প্রকার হাদীসকে দলীল মানা হয় না এবং কোন ক্ষেত্রেই তা গ্রহণযোগ্য নয়।

আল্লাহর রসূল ﷺ-এর সাহাবীগণ - যাঁরা নিজেদের জান-মাল তাঁর জন্য কুরবানী দিয়েছেন তাঁরা - তাঁর শানে মিথ্যা বলবেন, এমন হতে পারে না। সাহাবীগণ যখন এক অপরের নিকট থেকে হাদীস শুনতেন, তখনও কেউ কাউকে অবিশ্বাস করতেন না বা বর্ণনাকারী যে মিথ্যা বলছেন তা ধারণাই করতেন না।

কিন্তু তাবেঙ্গনদের যুগে সন ৪০ হিজরীর পরে সুন্নাহর মাঝে ভেজাল সৃষ্টি হতে শুরু হল। যখন সৃষ্টি হল রাজনৈতিক মতভেদ এবং সেই

মতভেদকে কেন্দ্র করে বিভিন্ন ফির্কা ও দল। প্রত্যেক দল নিজের সদ্গুণ এবং অপর দলের বদগুণ গাইতে শুরু করল। আর তা প্রমাণের জন্য প্রত্যেকেই কুরআন ও সুন্নাহর দলীল ব্যবহার করতে লাগল। নিজ নিজ দল ও যথাব তথ্ব নেতাদের মাহাত্ম্য ও মর্যাদা বর্ণনায় কোন দলীল না পেলে তৈরী করা হল বিভিন্ন পরিস্থিতিতে বিভিন্ন হাদীস। আর এই তৈরী করা মনগড়া হাদীসই মওয়ূ বা জাল হাদীস নামে প্রসিদ্ধ।

সুতরাং সে হাদীস আসলে মহানবী ﷺ-এর বাণী নয়। কিন্তু কোনও লোক হাদীস বানিয়ে তা আল্লাহর রসূলের নামে তিনি বলেছেন বলে চালিয়ে দিয়েছে। আর তা যুহাদেসীনে কেরাম খুবই সতর্কতার সাথে তা পৃথক করতে সক্ষম হয়েছেন।

## হাদীস জাল হওয়ার কারণসমূহ

সর্বপ্রথম ইরাকেই শিয়া সম্প্রদায় দ্বারা হাদীস জাল হতে শুরু হয়। ইমাম যুহরী বলতেন, ‘আমাদের নিকট থেকে আধ হাতের হাদীস ইরাক গিয়ে এক হাত হয়ে ফিরে আসত।’ ইমাম মালেক ইরাককে ‘দারুণ যার্ব’ (হাদীস গড়ার কারখানা) বলে অভিহিত করতেন। অবশ্য হাদীস তৈরী করার বিভিন্ন কারণ আছে। সেই কারণগুলি নিম্নরূপ :-

### (১) রাজনৈতিক স্বার্থপ্রয়তা :

মহানবী ﷺ-এর পর তাঁর খলীফা কে? এই নিয়ে মতবিরোধকে কেন্দ্র করে মুসলিমদের মধ্যে বিদ্রো-বিচেছদ সৃষ্টি হয়। সৃষ্টি হয় দুটি দল; শিয়া ও সুন্নী। শিয়ারা নিজেদের মতকে প্রমাণ করার জন্য তৈরী করে নানা হাদীস।

যেমন : ‘এই (আলী) আমার অসী, আমার ভাই এবং আমার পরবর্তী খলীফা।’

অনুরূপ তৈরী করেছে ফাতিমা ও হাসান-হোসেনের ফর্মালতে বহু হাদীস। অনেকে বলেছেন, শিয়ারা আলী ও আহলে বায়তের ফর্মালতে প্রায় ৩ লাখ হাদীস রচনা করেছে!

যেমন তারা আবু বাক্র, উমার, উসমান ও মুআবিয়ার বিরুদ্ধে রচনা করেছে নানা হাদীস। যেমন : ‘তোমরা মুআবিয়াকে আমার মিসরের উপরে দেখলে হত্যা করে ফেলো।’

তদনুরূপ সুন্নাহাও ইঁটের জবাব পাটকেল দিয়ে দিতে গিয়ে তৈরী করেছে অনেক হাদীস। যেমন : ‘জাল্লাতের প্রত্যেক গাছের পাতায় পাতায় লিখা আছে, লা ইলাহা ইল্লাহ, মুহাম্মাদুর রাসূলুল্লাহ। আবু বাক্র সিদ্দীক, উমার ফারুক ও উসমান যুনুরাইন।’

‘বিশৃঙ্খ হল তিনজন; আমি, জিবরীল ও মুআবিয়া।’

## (২) ইসলামের যথাসম্ভব ক্ষতিসাধন :

কিছু লোক ছিল, যারা ইসলাম ও ইসলামী রাষ্ট্রকে মেনে নিতে পারেনি; কিন্তু মুসলিম সমাজে বসবাস করতে বাধ্য হয়েছে। ইসলামের প্রতি প্রকাশ্যে সরাসরি কোন মন্তব্য করতে সক্ষম না হয়ে তারা তাদের মনের বিদ্বেষ প্রকাশ করার জন্য কখনো আহলে বায়তের প্রতি মহৱত প্রকাশ করে, কখনো সূক্ষ্মী সেজে, কখনো বা নিজেকে দার্শনিকরূপে প্রকাশ করে হাদীস গড়ার পথ বেছে নিল। উদ্দেশ্য ছিল, যতটা ও যেভাবে পার মুসলিমদের ক্ষতি কর। তাই তারা ঐ হাদীসের মাধ্যমে নির্ভেজাল দ্বীনে ভেজাল অনুপ্রবেশ করাতে প্রয়াস পেল। মনের আকীদায় ভেজাল প্রবিষ্ট করতে প্রবৃত্ত হল। আর সেই সাথে ব্যঙ্গ ও বিদ্রূপ করা হল মুসলিমদের আকীদার প্রতি। প্রমাণ করতে চাইল ইসলাম ও মুসলিমদের বিশ্বাসের অসারতার কথা। যেমন :-

‘ফিরিশ্তাকে আল্লাহ নিজ হাত ও বুকের লোম থেকে সৃষ্টি করেছেন।’

‘আল্লাহ প্রথমে ঘোড়া তারপর সেই ঘোড়া থেকে নিজেকে সৃষ্টি করেছেন।’

‘একদা আল্লাহর চোখে অসুখ হলে ফিরিশ্তাবর্গ তাঁকে সাক্ষাৎ করে কুশল জিজ্ঞাসা করেন।’

‘আল্লাহ যখন অক্ষরমালা সৃষ্টি করলেন, তখন বা সিজদা করল। আর আলিফ খাড়া থেকে গেল।’

‘সুন্দর চেহারার দিকে দৃষ্টিপাত ইবাদত।’

‘সুন্দরীর চেহারা ও সবুজ (গাছপালার) দিকে তাকালে দৃষ্টিশক্তি বৃদ্ধি পায়।’

‘বেশুন সর্বরোগের উষধ।’

এইভাবে ঐ শ্রেণীর ইসলাম-বিদ্যৈরা মুসলিমদের আকীদা, হালাল ও হারাম, চরিত্র এবং চিকিৎসা-বিজ্ঞানে হাজার হাজার হাদীস তৈরী করে প্রচার করেছে। বাদশা মাহদীর দরবারে এক কৃচক্রী স্বীকার করে যে, সে ১০০টি হাদীস তৈরী করেছে; যা বর্তমানে লোকেদের হাতে হাতে ফিরেছে!

আব্দুল কারীম আবুল আউজাকে যখন হত্যার জন্য আনা হল, তখন স্বীকার করল যে, সে ৪০০০ এমন হাদীস তৈরী করেছে; যাতে হালালকে হারাম এবং হারামকে হালাল করা হয়েছে।

উক্ত শ্রেণীর ইসলাম-বিদ্যৈদের কৃচক্র বনী আব্বাসের খলীফাদের নিকট সুস্পষ্ট হলে, তাঁরা তাদের ঐ দূরভিসন্ধিকে হত্যার শাস্তি দিয়ে প্রতিহত করেছিলেন।

(৩) নিজ ভাষা, মৃথুবী ইমাম, পেশা, দেশ, জাতি ও গোত্রের অঙ্গ-পক্ষপাতিত্ব :

আরব-অনারবের মাঝে ভাষা ও জাতিগত পক্ষপাতিত্ব প্রকাশ করতে অনারব জাহেলরা গড়েছিল বহু জাল হাদীস। যেমন :- ‘আল্লাহ রাগান্বিত হলে আরবী ভাষায় অহী নাযিল করেন এবং সন্তুষ্ট হলে ফারসী ভাষায় অহী নাযিল করেন।’

তেমনি এর মোকাবিলায় আরবের জাহেলরা গড়েছিল অনুরূপ বিপরীতধর্মী হাদীস। যেমন :- ‘আল্লাহ রাগান্বিত হলে ফারসী ভাষায় অহী নাযিল করেন এবং সন্তুষ্ট হলে আরবী ভাষায় অহী নাযিল করেন।’ ‘আরবী হল জাহানাতের ভাষা। আর ফারসী হল জাহানামের ভাষা।’

ইমাম আবু হানীফার অঙ্গভঙ্গরা তৈরী করেছে জাল হাদীস। যেমন :- ‘আমার উম্মতে একজন লোক হবে; যার নাম হবে আবু হানীফা নু’মান, সে হবে আমার উম্মতের প্রদীপ। আর উম্মতে আর একজন লোক হবে; তার নাম হবে মুহাম্মাদ বিন ইদরীস (শাফেয়ী), সে আমার উম্মতের জন্য ইবলীস অপেক্ষা বেশী ক্ষতিকর হবে।’

নিজ দেশের অঙ্ক-পক্ষপাতিত করতে দেশভক্তরা তৈরী করেছে, 'দেশপ্রেম ঈমানের অংশবিশেষ।' এ ছাড়া দেশ ও গোত্রের নাম নিয়ে তৈরী হয়েছে আরো কত হাদীস।

পেশাগত দিক থেকে পেশাধারীরা আপোসে এক অপরের প্রতি হিংসা ও নিজের পেশা নিয়ে গর্ব করে থাকে। কেউই নিজের ঘোলকে টক বলতে রায় নয়। নিজের পেশা যে খারাপ নয় বা সে পেশা যে ভালো তা প্রমাণ করতে জাহেলরা হাদীস থেকে দলীল পেশ করার জন্য তৈরী করেছে অনেকানেক জাল হাদীস! যেমন :-

'তোমাদের সবচাইতে উত্তম ব্যবসা হল কাপড়ের ব্যবসা।'

'তোমাদের সবচাইতে ভালো ব্যবসায় হল কাপড়ের ব্যবসা। আর সবচেয়ে ভালো হাতের কাজ হল জুতো সিলায়ের কাজ।'

'তোমরা পায়জামা পর ---- হে আল্লাহ! তুমি আমার উম্মতের পায়জামা পরিধানকারীণী মহিলাদেরকে ক্ষমা করে দাও।'

#### (৪) বক্তৃর বক্তৃতা চালানোর জন্য হাদীস জাল

বক্তৃরা ঘন্টার পর ঘন্টা বক্তৃতা করে। ছাঁকা কথা বলতে গেলে অত সময় ধরে বক্তৃতা করা সম্ভব নয়। তাছাড়া তাদের পেশাই হল, মানুষের মন লোটা, নিমেষে কাঁদানো, নিমেষে হাসানো, মানুষের মনে চমক ধরানো, শ্রোতাকে তাক লাগিয়ে অবাক করা, মানুষের মনে নিজের একটি স্থায়ী আসন পেতে নেওয়া। আর সাধারণ মানুষও পছন্দ করে এমন ওয়ায়; যাতে থাকবে ঐ শ্রেণীর আজব আজব কথা, গল্প, ঝুঁপকথা ও রসিকতা। তাতে লাভ হয় বক্তৃর। নাম ও ডাক হয় বেশী এবং উপার্জনও। তাদের অবস্থা বলে,

'দিবানিশি পোড়া পেটের লাগিয়া,  
কি না করিতেছি ঘুরিয়া ঘুরিয়া।  
বাণীরে বানৱী করিয়া যতনে,  
নাচাইয়া ফিরি ভবনে ভবনে।'

এই শ্ৰেণীৰ বক্তাৱা যে সকল হাদীস তৈৱী কৱেছে তাৱ কিছু উদাহৰণ  
নিম্নৰূপ :-

‘জান্নাতে মিস্ক (কস্তুৱী) বা জাফরান দ্বাৱা সৃষ্টি এমন হূৱ আছে, যাৱ  
পাছা হবে এক মাইল লম্বা ও এক মাইল চওড়া।’

‘আল্লাহ নিজ অলীকে জান্নাতে এমন শুভ মুস্তানিৰ্মিত মহল দান  
কৱবেন; যাতে থাকবে ৭০ হাজাৱ কক্ষ, প্ৰত্যেক কক্ষে থাকবে ৭০ হাজাৱ  
পালক্ষ, প্ৰত্যেক পালক্ষে থাকবে ৭০ হাজাৱ হূৱ---।’

‘বান্দা যখন লা ইলাহা ইল্লাহাহ বলে, তখন আল্লাহৰ আৱশ্যেৰ নূৱেৱ  
খুঁটি হিলতে লাগে। আল্লাহ বলেন, ও খুঁটি! তুমি হিলছ কেন? থামো। খুঁটি  
বলে, তোমাৱ বান্দা লা ইলাহা ইল্লাহাহ বলছে। সে না থামলে, আমি  
থামব না।’

এই ধৰনেৱ মানুষদেৱ ঠোঁটেৱ জোৱ খুব বেশী। মানুষকে বেওকুফ  
বানাতে পাৱে নিম্নে এবং থতমত না খেয়েই মিথ্যা বলতে পাৱে। এৱা  
ধৃষ্টতা প্ৰকাশ কৱতে লজ্জাও পায় না। একদা কুসাফাৱ এক মসজিদে  
ইমাম আহমাদ বিন হাস্বল ও ইয়াহয়া বিন মাঝিন নামায পড়লেন। নামায  
শেষে একজন বজ্ঞ উঠে বক্তৃতা শুৱ কৱল। বলতে লাগল, আমাদেৱকে  
আহমাদ বিন হাস্বল ও ইয়াহয়া বিন মাঝিন হাদীস বৰ্ণনা কৱেছেন,  
তাদেৱকে হাদীস বৰ্ণনা কৱেছেন আবুৱ রায়্যাক, তিনি কুতাদাহ হতে  
এবং কুতাদাহ আনাস হতে বৰ্ণনা কৱেছেন, আল্লাহৰ রসূল ﷺ  
বলেছেন, ‘যে ব্যক্তি লা ইলাহা ইল্লাহাহ বলবে, আল্লাহ তাৱ বিনিময়ে  
প্ৰত্যেক শব্দেৱ পৰিবৰ্তে একটি কৱে এমন পাৰ্থী সৃষ্টি কৱবেন, যাৱ ঠোঁট  
হবে সোনাৱ এবং ডানা হবে প্ৰবালেৱ।’

আৱ এইভাৱে অনুৰূপ প্ৰায় ২০ পাতাৱ হাদীস শুনাতে লাগল। তা  
শুনে আহমাদ ও ইয়াহয়া একে অপৱেৱ দিকে তাকাতাকি কৱে জিজ্ঞাসা  
কৱে বললেন, আপনি কি এ হাদীস ওকে বৰ্ণনা কৱেছেন? বললেন,  
আল্লাহৰ কসম! এ হাদীস তো আমি এই মাত্ৰ শুনলাম। (এ হাদীস তো  
ইতিপূৰ্বে কখনো কাৱো নিকট হতে শুনিনি!)

অতঃপৰ ওয়ায় শেষে আহমাদেৱ ইঙ্গিতে ইয়াহয়া তাৱ কাছে এসে

জিজ্ঞাসা করলেন, আপনাকে কে হাদীস বর্ণনা করেছেন বললেন? বলল, আহমাদ বিন হাম্বল ও ইয়াহয়া বিন মাঝিন। ইয়াহয়া বললেন, আমিই হলাম ইয়াহয়া, আর ইনি হলেন আহমাদ। আমরা তো আল্লাহর রসূলের এ ধরনের হাদীস কখনো শুনিনি। আপনাকে যদি এই শ্রেণীর হাদীস বর্ণনা করতেই হয়, তাহলে আমাদের নাম ছাড়া অন্যের নামে করুন। বক্তা বলল, এতদিন আমি শুনে আসছিলাম যে, ইয়াহয়া বিন মাঝিন আহমক। আজ সে কথার বাস্তব প্রমাণ পেলাম। ইয়াহয়া বললেন, তা কি করে? বলল, দুনিয়াতে কি তোমরা দুজন ছাড়া আর কোন ইয়াহয়া বিন মাঝিন ও আহমাদ বিন হাম্বল নেই? আমি ১৭ জন আহমাদ বিন হাম্বল ও ইয়াহয়া বিন মাঝিন থেকে এসব হাদীস লিখেছি!<sup>১৮৬</sup>

কিন্তু তা হলে কি হয়? সাধারণ মানুষ তো এই শ্রেণীর বক্তাদের অন্ধভক্ত। তাদের বিরুদ্ধে কোন হক্কানী আলেম কিছু মন্তব্য করলেই জাহেল লোকেরা ক্ষেপে উঠবে এবং বক্তার সমর্থন ও পৃষ্ঠপোষকতা করে ঐ আলেমকে অপমানিত ও লাঞ্ছিত করে ছাড়বে।

একদা বাগদাদে এক বক্তা ওয়ায করতে গিয়ে

عَسَىٰ أَنْ يَعْلَمَ رَبُّكَ مَقَاماً مَحْمُوداً

অর্থাৎ, আশা করা যায়, তোমার প্রতিপালক তোমাকে প্রেরিত করবেন মাক্রামে মাহমূদে (প্রশংসিত স্থানে)। (সূরা ইসরার ৭৯ আয়াত)

এই আয়াতের তফসীর বর্ণনা করে বলল, নবী ﷺ আল্লাহর সাথে তাঁর আরশে বসবেন!

এ খবর গেল (বড় মুফাস্সির) মুহাম্মাদ বিন জারীর জ্বাবারীর কাছে। তিনি বক্তার ঐ তফসীর শুনে রাগান্বিত হয়ে ঘোর প্রতিবাদ জানালেন। আর অধিক তাকীদের জন্য তিনি তাঁর বাড়ির দরজায় লিখে দিলেন, ‘পবিত্র সেই আল্লাহ; যাঁর কোন সাম্মানাদাতা সাথী নেই এবং তাঁর আরশে বসার কোন সঙ্গী নেই।’

“ (তা'বীলু মুখতালাফিল হাদীস ৩৫৭পৃঃ, আস্সুন্নাহ অমাকানাতুহা ফিত্ তাশরীইল ইসলামী ৮৬পৃঃ)

কিন্তু বাগদাদের জনতা তাঁর উপর ক্ষেপে গিয়ে তাঁর বাড়ির উপর পাথর মারতে শুরু করল। পরিশেষে পাথরের নিচে তাঁর বাড়ির দরজা চাপা পড়ে বন্ধ হয়ে গেল!<sup>১৮৭</sup>

বলাই বাহুল্য যে, বর্তমানেও ঐ শ্রেণীর বজ্ঞাদেরই আসন রয়েছে সাধারণ মানুষের মনে। যারা উৎ বিন উলুকের কাহিনী, নৃহের তুফানের সময় শু' মেখে বুড়ির যুবতী হওয়া কথা, তুফানের সময় নৃহের কিশ্তী কা'বা তওয়াফ করে দু' রাকআত নামায পড়ার কথা, তুফানে কিশ্তীতে উঠে আসা প্রাণী ছাড়া সকলের ধূস হওয়া কিন্তু কিশ্তীতে না চড়েও এক বুড়ির বেঁচে থাকার কথা, মি'রাজের সময় বুরাকের কথা বলার কাহিনী, এক ইয়াহুদীর মি'রাজ অবিশ্বাসের ফলে বউকে মাছ কাটতে দিয়ে নাইতে গিয়ে যুবতী হয়ে বিবাহ করে সন্তান দেওয়া ও পরে আবার পুরুষ হয়ে ফিরে এসে বউকে সেই মাছ কাটতেই দেখার কাহিনী ইত্যাদি শুনিয়ে সাদা মানুষের মন এমন লুটে নিয়েছে যে, তাদের বিরক্তকে কোন মন্তব্যই শুনতেই রায়ী নয় জনসাধারণ। ফাল্লাহুল মুক্তাআ'ন।

#### (৫) ময়হাবী মতভেদ :

জাহেল ময়হাবধারীরা নিজেদের ময়হাবের কথা সাব্যস্ত করার জন্য জাল করেছে বহু হাদীস। যেমন :-

'যে ব্যক্তি নামাযে (রুক্কুর আগে ও পরে) রফয়ে য্যাদাইন করবে, তার নামায হবে না।'

'যে ব্যক্তি ইমামের পিছনে সূরা ফাতিহা পড়বে, তার মুখে আগুন ভরা হবে।'

'যে ব্যক্তি ইমামের পিছনে সূরা ফাতিহা পড়বে, তার নামায হবে না।'

'তিনি ২০ রাকআত তারাবীহ ও বিতর পড়তেন।'

'নাপাকীর গোসলের সময় তিনবার করে কুল্লী করা ও নাকে পানি দেওয়া ফরয।'

- (তফসীর ভাবারীর ভূমিকা ১১পঃ, আল-ইসলামু অল-হাফ্যারাহ ২/৫৫৯, আস-সন্নাহ অয়াকানাতুহা ফিত্ত তাখরীইল ইসলামী ৮৬-৮৭পঃ)

‘জিবরীল কা’বার নিকট আমার ইমামতি করলে বিসমিল্লাহ সশদ্দে পড়েছিলেন।’

‘যে বলবে যে কুরআন আল্লাহর সৃষ্টি সে কাফের। --- তার বিবির তালাক হয়ে যাবে।’ ইত্যাদি

এক বিদআতী বিদআত থেকে তওবা করার পর স্বীকার করেছে এবং বলেছে যে, ‘তোমরা এ হাদীস কার নিকট থেকে গ্রহণ করছ, তা বাচ-বিচার করে দেখো। যেহেতু আমরা যখন কোন রায়কে সঠিক বলে ধারণা করতাম, তখনই সেটাকে প্রমাণ করার জন্য হাদীস তৈরী করতাম!’,<sup>১৮৮</sup>

#### (৬) কল্যাণের আশা পোষণের সাথে সাথে দ্বীন সম্পর্কে অজ্ঞতা :

অনেক আবেদ, সূফী ও নেক লোকেরাও ভালো নিয়তে অনেক হাদীস রচনা করেছে। কোন সওয়াবের কাজে উদ্বৃদ্ধ করার জন্য অথবা কোন পাপ কাজে ভীতিপ্রদর্শন করার জন্য হাদীস তৈরী করে প্রচার করেছে। আর তাতে আল্লাহর কাছে সওয়াবেরও আশা রেখেছে। তারা ভেবেছে যে, এ কাজে আল্লাহর সন্তুষ্টি লাভ হবে এবং ইসলামের খিদমত হবে।

তারা ভেবেছিল, আল্লাহর রসূল ﷺ-কে এ কথা বলে যাওয়া উচিত ছিল। কিন্তু তিনি বলে যাননি। আমরা তাঁর তরফ থেকে বলে মানুষকে হেদায়াতের পথে উৎসাহিত করছি। তাতে তো সওয়াব হওয়ারই কথা।

যখন উলামায়ে কিরাম তার প্রতিবাদে “যে ব্যক্তি ইচছাকৃত আমার প্রতি মিথ্যা আরোপ করবে, সে যেন নিজের ঠিকানা দোয়খে বানিয়ে নেয়।” আল্লাহর রসূল ﷺ-এর এই হাদীস দিয়ে উপদেশ দিতে গেছেন, তখন তারা বলেছে, আমরা তো তাঁর প্রতি মিথ্যা আরোপ করছি না। আমরা বরং তাঁর জন্যই (দ্বীনের বৃহৎ স্বার্থেই) মিথ্যা বলছি। তাছাড়া মিথ্যা আরোপ করার মানে হল, তাঁকে কবি অথবা পাগল বলা। আমরা তো তা বলছি না।

অর্থচ এমন খোঁড়া অজুহাত ও বাজে অপব্যাখ্যা যে শরীয়তে অচল তা বলাই বাহুল্য।

(তাদরীবুর রাবী ১/২৫৫)

নৃহ বিন আবী মাৰয়্যাম কুৱআনেৰ এক একটি সূৱাৰ ফযীলত বৰ্ণনা কৱে  
বহু হাদীস রচনা কৱাৰ কথা স্বীকাৰ কৱেছে। কাৱণ জিজ্ঞাসা কৱলে জবাবে  
বলল, যখন আমি দেখলাম, লোকেৱা কুৱআন থেকে বৈমুখ হয়ে আবু  
হানীফাৰ ফিকহ ও ইবনে ইসহাকেৰ মাগায়ী (যুদ্ধেৰ ইতিহাস) নিয়ে বিভোৱ  
ৱয়েছে, তখন আমি (লোকদেৱকে কুৱআন পঠন-পাঠনেৰ প্ৰতি উৎসাহিত  
কৱাৰ উদ্দেশ্যে) ঐ সকল হাদীস বানিয়ে তাদেৱ মাঝে প্ৰচাৰ কৱেছি।

মুআম্বাল বিন ইসমাইল বললেন, একদা এক শায়খ আমাকে কুৱআনেৰ  
এক একটি সূৱাৰ ফযীলত সম্পর্কিত হাদীস বৰ্ণনা কৱলেন। আমি তাঁকে  
জিজ্ঞাসা কৱলাম, আপনাকে এ সকল হাদীস কে বৰ্ণনা কৱেছে? তিনি  
বললেন, মাদায়েনেৰ এক লোক; তিনি এখনো জীবিত আছেন।

সত্যতা যাচাই কৱাৰ জন্য আমি মাদায়েন সফৰ কৱে সেই লোকেৰ  
সাথে সাক্ষাৎ কৱলাম। জিজ্ঞাসা কৱলাম, আপনাকে এ সকল হাদীস কে  
বৰ্ণনা কৱেছে? বললেন, ওয়াসেতেৰ এক লোক এবং তিনি এখনো বেঁচে  
আছেন। সেখানে গিয়ে একই কথা জিজ্ঞাসা কৱলে তিনি বললেন, বাসৱাৱ  
এক লোক। বাসৱাৱ গিয়ে ঐ প্ৰশ্ন কৱলে তিনি বললেন, আৰাদানেৰ এক  
লোক। সেখানে গিয়ে প্ৰশ্ন কৱলাম, আপনাকে এ সকল হাদীস কে বৰ্ণনা  
কৱেছে? তিনি আমাৰ হাত ধৰে একটি ঘৰে প্ৰবেশ কৱালেন। সেখানে  
দেখলাম, একদল সূফী এবং তাদেৱ একজন শায়খ বসে আছেন। তিনি  
তাৰ প্ৰতি ইঙ্গিত কৱে বললেন, এই শায়খ আমাকে ঐ হাদীসগুলি বৰ্ণনা  
কৱেছেন। অতঃপৰ আমি তাঁকে জিজ্ঞাসা কৱলাম, শায়খ! আপনাকে এ  
সকল হাদীস কে বৰ্ণনা কৱেছে? উভৰে তিনি বললেন, কেউ বৰ্ণনা  
কৱেনি। আমৱা যখন লক্ষ্য কৱলাম যে, লোকেৱা কুৱআন থেকে মুখ  
ফিরিয়ে নিয়েছে, তখন ঐ সকল হাদীস রচনা কৱলাম!<sup>১৮৯</sup>

গোলাম খালীল নামক প্ৰসিদ্ধ এক যাহেদ, আবেদ ও পৱহেয়গাৱ  
জনপ্ৰিয় লোক ছিলেন। তিনি যখন মাৱা যান, তখন তাৰ শোকে  
বাগদাদেৱ সমস্ত বাজাৱ বন্ধ হয়ে যায়। কিন্তু শয়তানেৰ চক্ৰান্তে তিনিও  
যিক্ৰ-আঘকাৱেৱ ফযীলতে বহু হাদীস রচনা কৱেছেন।

(আল-মাউত্যুআত ১/২৩৯, তাদৱীবুৱ রাবী ১/২৫৮-২৫৯)

একদা তাঁকে প্রশ্ন করা হল যে, হৃদয় গলানোর জন্য উপদেশমূলক যে সকল হাদীস আপনি বর্ণনা করছেন, সেগুলি কোথায় পেলেন? উত্তরে তিনি বললেন, মানুষের মনকে নরম করার জন্য সেগুলি আমরা রচনা করেছি।

তাঁর মৃত্যুর সময় তাঁকে বলা হল, আপনি কি আল্লাহর প্রতি সুধারণা রাখেন? বললেন, সুধারণা কেন রাখব না? আমি যে আলীর ফয়ীলতে ৭০টি হাদীস তৈরী করেছি।<sup>১০</sup>

#### (৭) বাদশা ও আমীরদের মনোরঞ্জন ৪

পুরস্কারের লোভে অথবা কিছু পাওয়ার আশায় কিছু লোক বাদশা-আমীরদের তোষামদ করত। কবিরা যেমন কবিতা রচনা করে পারিতোষিক লাভ করত, তেমনি কিছু হাদীস-ওয়ালাও জাল হাদীস রচনা করে রাজার মনকে খুশী করে রাজ-পুরস্কার লাভ করার চেষ্টা করত।

একদা গিয়াস বিল ইবরাহীম নামক এক লোক বাদশা মাহদীর দরবারে উপস্থিত হয়ে দেখল, তিনি কবুতর (পায়রা) উড়িয়ে খেলা করছেন। প্রাসঙ্গিকতা খেয়াল করে সে তাঁকে প্রসিদ্ধ হাদীস শুনালঃ—

‘তীর, উঁট অথবা ঘোড়া ছাড়া অন্য কিছুতে প্রতিযোগিতা (খেলা) নেই।’

কিন্তু সে ঐ তিন প্রকার প্রতিযোগিতার সাথে মাহদীর বর্তমান প্রতিযোগিতার ‘কবুতর’কেও হাদীসে শামিল করে নিল। আর তা শুনে খুশী হয়ে মাহদী তাকে ১০ হাজার দিরহাম পুরস্কার দিলেন।

কিন্তু সে চলে গেলে বিবেকের কামড়ে কবুতরগুলিকে যবাই করতে আদেশ দিয়ে তিনি বললেন, আমি সাক্ষ্য দিচ্ছি যে, তোমার পৃষ্ঠদেশ হল এক মিথ্যাকে।<sup>১১</sup>

বলাই বাহ্যিক যে, সে যুগের কিছু রাজা-বাদশারাও হাদীস জাল করার ব্যাপারে এক প্রকার সহযোগিতা করেছেন। সুতরাং মাহদী যদি ঐ জালী মুহাদ্দিসকে পুরস্কৃত না করে তিরস্কৃত করতেন, তাহলে অবশ্যই সে দ্বিতীয়

<sup>১০</sup> (তাদরীয়ুর রাবী ১/২৫৪)

<sup>১১</sup> (তাদরীয়ুর রাবী ১/২৫৬)

আর কেন হাদীস জাল করতে উত্তুক হতো না। অবশ্য কেউ কেউ উক্ত ঘটনার সত্যতা স্বীকার করেন না।

একদা অনুরূপ এক জালী মুহাদ্দিস মুকাতিল বিন সুলাইমান বালখী তাঁর কাছে প্রস্তাব রেখে বলল যে, আপনি চাইলে আমি আপনার জন্য তথা আবাস ও তাঁর বংশধরের ফয়লিত সম্পর্কিত হাদীস রচনা করব। এ প্রস্তাৱ শুনে তিনি কেবল বলেছিলেন, ‘আমার তাতে কোন প্রয়োজন নেই।’ কিন্তু ঐ মিথ্যাবাদিতার কোন প্রতিবাদ করেননি।

এইভাবে কত খলীফা ও বাদশার দরবার তথা মসজিদে মসজিদে বক্তারা কত শত বানানো গল্প ও কেস্সা-কাহিনী শুনিয়ে গেছে, কিন্তু তাঁদের জানা সত্ত্বেও এবং প্রতিবাদ ও প্রতিহত করার ক্ষমতা থাকা সত্ত্বেও তাঁরা তা করেননি। ফলে জাল হাদীসের প্রচার ও প্রসার লাভে কোন প্রকার প্রতিবন্ধকতা সৃষ্টি হয়নি।

#### (৮) ব্যক্তিগত স্বার্থপরতা :

এমন কিছু স্বার্থপর লোক ছিল, যারা নিজেদের স্বার্থসিদ্ধির জন্য হাদীস রচনা করেছে। স্বার্থে আঘাত লাগলে সাথে সাথে বাল ঝাড়ার জন্য হাদীস রচনা করে ফেলেছে। নিজের উদ্দেশ্য হাসিল করার মানসে হাদীস তৈরী করে প্রচার করেছে।

একদা সাঁদ বিন তুরাইফের ছেলে কাঁদতে কাঁদতে তার কাছে এল। কোন দোষে ছেলেটিকে তার উত্তাদ মেরেছিল। ছেলের প্রতি স্নেহপরবশ হয়ে ঐ শিক্ষকের উপর ঝাল ঝাড়তে গিয়ে রচনা করে ফেলল হাদীস; বলল, ‘---- আল্লাহর রসূল ﷺ বলেছেন, “তোমাদের শিশুদের শিক্ষকরা তোমাদের মধ্যে মন্দ লোক। তারা এতীমের প্রতি সবার থেকে কম দয়া প্রদর্শন করে থাকে এবং মিসকীনের প্রতি সবার থেকে বেশী কঠোর হয়।”

নবুআতের দাবী করে ফায়দা লুটার জন্য তৈরী করতে হয়েছে জাল হাদীস। নকল নবী মুহাম্মাদ বিন সাইদ মাসলূব জানত যে, শেষ নবী নবুআতের দরজা বন্ধ হওয়ার কথা ঘোষণা করে গেছেন। আর সে ক্ষেত্রে তার দাবীকে লোকেরা মিথ্যা বলে মনে করবে। তাই সে ঐ ঘোষণাকে বাতিল করার জন্য রচনা করল, আনাস থেকে বর্ণিত আল্লাহর নবী ﷺ

বলেছেন, “আমিই শেষ নবী; আমার পর আর কোন নবী নেই। তবে আল্লাহ চাইলে হতে পারে।”

(৯) ব্যবসায় অধিক বিক্রয় ও লাভের আশায়, নির্দিষ্ট ধরনের পোশাক, সুগন্ধি, শস্য ও ফল-ফসলের মাহাত্ম্য বর্ণনা :-

“বেগুন সর্বরোগের ঔষধ।”

“চাল মানুষ হলে ধৈর্যশীল হতো, কোন ক্ষুধার্ত খেলে তাকে পরিত্পু করে।”

“তোমরা মসুর খাও। কেননা তা বর্কতময়, হৃদয়কে ন্যূ করে এবং অশ্রু বৃদ্ধি করে। সত্ত্বে জন নবী এর পবিত্রতা বর্ণনা করেছেন।”

“ডিম ও পিয়াজ খেলে সন্তানহীনের সন্তান হয়।”

“তোমরা পায়জামা পরিধান কর। কারণ, তা হল অধিক পর্দশীল পোশাক--।”

#### (১০) ভক্তিভাজনের ভক্তিবর্ধন

মহানবী ﷺ প্রত্যেক মুসলিমের ভক্তিভাজন। তাঁর যে মর্যাদা আমাদের কাছে আছে, কুরআন ও সহীহ সুন্নায় তাঁর যে সকল মাহাত্ম্য বর্ণনা করা হয়েছে তার থেকে অধিক মর্যাদা ও মাহাত্ম্য বর্ণনা করার জন্য আর অন্য কোন দলীলের প্রয়োজন হয় না। কিন্তু বিকৃত-প্রকৃতির এক শ্রেণীর মানুষ তাঁর প্রতি ভক্তিতে অতিরিক্ত করে রচনা করেছে ভক্তিমূলক নানা জাল হাদীস। যেমন :-

“আল্লাহ সর্বপ্রথম আমার নূর সৃষ্টি করেছেন।”

“(আল্লাহ বলেন, হে নবী!) তুমি না হলে আমি জগৎ সৃষ্টি করতাম না।”

“আদম যখন ত্রুটি করে বসলেন তখন তিনি বললেন, ‘হে প্রতিপালক! আমি মুহাম্মাদের অসীলায় প্রার্থনা করছি আমাকে ক্ষমা করে দাও----।’

“তোমরা আমার মর্যাদার অসীলায় (করে দুआ) কর।”

“যে ব্যক্তি হজ্জ করল, অথচ আমার (কবর) যিয়ারত করল না সে আমার প্রতি দুর্ব্যবহার করল।”

“যে ব্যক্তি আমার মৃত্যুর পর আমার কবর যিয়ারত করল, সে যেন আমার জীবদ্ধশায় আমার সাথে সাক্ষাৎ করল।”

“তোমরা আমার মর্যাদার অসীলায় (করে দুআ) কর।”

তদনুরূপ যে যাঁর প্রতি ভক্তি রেখেছে, সে তাঁর ফয়েলতে রচিত হাদীস বর্ণনা করে ভক্তির পরিধি বর্ধন করে নিয়েছে।

## জাল হাদীস ধরা পড়ে কিভাবে?

হাদীসে ভেজাল অনুপ্রবেশ করতে শুরু করলে সেই ভেজাল ধরার জন্য মহানবী ﷺ-এর হাদীস-প্রিয় উলামাগণ ‘ল্যাট্টোমিটো’ যন্ত্রের মত বিভিন্ন ভেজাল-নির্দেশক পদ্ধতি আবিক্ষার করলেন।

হাদীসে মহানবী ﷺ-এর মূল কর্ম অথবা বক্তব্যকে ‘মতন’ এবং বর্ণনাকারীদের সূত্রকে ‘সনদ’ বলা হয়। উলামাগণ উভয় দিককে সামনে রেখে নানাভাবে পরাখ ও বাচ-বিচার শুরু করলেন।

সাহাবাগণ একে অপরকে অবিশ্বাস করতেন না। কোন তাবেঙ্গও কোন সাহাবীর ব্যাপারে কোন প্রকার সন্দেহ পোষণ করতেন না। কিন্তু যখন উম্মাহর মাঝে ফিতনা দেখা দিল, তখন আব্দুল্লাহ বিন সাবা নামক ইয়াহুদী মুনাফিক নিজের মনে সঞ্চিত বিষ উদ্গার করতে সুযোগ পেয়ে গেল। এই খবীসের বিষ মাঝে দলের লোক হ্যরত আলী ﷺ-কে মাবুদ মেনে নিতে লাগল। আহলে বায়তের মহরবতের নামে ইসলামের ভিতরে ভেজাল প্রক্ষিপ্ত করতে প্রয়াস লাভ করল।

এক্ষণে সাহাবা ও তাবেঙ্গণ হাদীস গ্রহণের ব্যাপারে সতর্কতা অবলম্বন করতে শুরু করলেন। যাদেরকে ভালোরূপে চিনেন কেবল তাদের নিকট থেকেই হাদীস গ্রহণ করতে লাগলেন।

(১) সনদ ছাড়া হাদীস গ্রহণ বন্ধ হয়ে গেল।

ইবনে সীরীন বলেন, ‘ওরা সনদ সম্পর্কে জিজ্ঞাসাবাদ করতেন না। অতঃপর যখন ফিতনা শুরু হল, তখন ওরা বললেন, আপনারা (কাদের নিকট থেকে শুনেছেন তাদের) নাম উল্লেখ করুন। সুতরাং আহলে সুন্নাহ

বলে জানা গেলে তাঁদের নিকট থেকে হাদীস গ্রহণ করা হতো। আর আহলে বিদআহ (বিদআতী) বলে জানা গেলে তাঁদের নিকট থেকে হাদীস গ্রহণ করা হতো না।’

একদা বাশীর আদবী ইবনে আবুবাসের নিকট এসে হাদীস বর্ণনা করতে শুরু করলেন। কিন্তু ইবনে আবুবাস তাঁর হাদীসের প্রতি কর্ণপাত করছেন না দেখে জিজ্ঞাসা করলেন, ‘কি ব্যাপার? আমি আল্লাহর রসূল ﷺ থেকে হাদীস বর্ণনা করছি, অথচ আপনি তাঁর প্রতি কর্ণপাত করছেন না।’ ইবনে আবুবাস বললেন, ‘আমরা যখন কারো নিকট থেকে একবার শুনেছি যে, আল্লাহর রসূল ﷺ বলেছেন তখন সত্ত্বেও তাঁর প্রতি আমাদের চোখ ও কান খাড়া রেখে শ্রবণ করেছি। কিন্তু লোকেরা যখন ভালো-মন্দ (সব রকম পথ) অনুসরণ করতে লাগল, তখন একান্ত পরিচিত ছাড়া অন্য কিছু গ্রহণ করি না।’

হাদীসে মিথ্যাবাদিতা প্রকাশ পেলে তাবেঈনগণও সনদ সম্পর্কে জিজ্ঞাসা করতে লাগলেন। আবুল আলিয়াহ বলেন, ‘আমরা কোন হাদীস কোন সাহাবী থেকে বর্ণিত শুনলে সওয়ার হয়ে তাঁর নিকট থেকে সরাসরি শুনে সে কথার সত্যতা যাচাই করা ছাড়া সম্ভব্য (নিষ্ঠিত) হতে পারতাম না।’

ইবনুল মুবারক বলেন, ‘সনদ হল দীনের একটি অংশ। সনদ না থাকলে যার যা ইচছা, সে তাই বলত।’<sup>১৯২</sup>

(২) দূর-দূরান্তে সফর করেও হাদীসের সত্যতা যাচাই করা শুরু হল।

হাদীসের সত্যতা যাচাই করার জন্য সরাসরি হাদীস বর্ণনাকারীর নিকট উপস্থিত হয়ে জিজ্ঞাসাবাদ শুরু হল। কিছু সাহাবা এবং বহু তাবেঈন এ মর্মে এক দেশ থেকে অন্য দেশে দিনের পর দিন সফর করতে লাগলেন। হাদীসের সত্যতা জানার জন্য জাবের বিন আবুজ্বাহ (বিন আবুজ্বাহ)-এর শাম দেশ সফর এবং আবু আইয়ুব (বিন আইয়ুব)-এর মিসর সফর করার কথা ইতিহাসে প্রসিদ্ধ।

<sup>১৯২</sup> (সহীহ মুসলিমের ভূমিকা দ্রষ্টব্য)

সাইদ বিন মুসাইয়ের বলেন, ‘আমি মাত্র একটি হাদীসের জন্য বহু দিন ও রাত্রি ধরে সফর করেছি।’ আর এইরপরই করেছেন বহু মুহাদ্দেসীনে কিরামগণ।

(৩) বর্ণনাকারীকে নিয়ে আলোচনা-সমালোচনার মাধ্যমে হাদীসের সত্যতা যাচাই করা শুরু হল।

এ মর্মে মুহাদ্দেসীনগণ বর্ণনাকারীদের অবস্থা সম্পর্কে ওয়াকেফহাল হতে লাগলেন। তাদের জীবনেতিহাস ও গুণ-প্রকাশ্য সকল বিষয় নিয়ে পর্যালোচনা ও সমীক্ষা আরম্ভ করলেন। দ্বিনের বৃহস্তর স্বার্থে এ কাজ করতে তাঁরা অকুতোভয়ের ভূমিকা পালন করলেন। এ ব্যাপারে তাঁরা হাদীস বর্ণনাকারীদের জীবনী লিখলেন। কারো সমালোচনা করতে এবং কাউকে মিথ্যুক বলতে ভয় করলেন না। কারণ, এ কাজে তাঁরা দ্বিনের বৃহস্তর স্বার্থেই; দ্বিনের মধ্যে ভেজালের অনুপ্রবেশ-পথ বঙ্গ করতেই হাত দিয়েছিলেন।

কার নিকট থেকে হাদীস গ্রহণ করা যাবে এবং কার নিকট থেকে যাবে না, সে ব্যাপারে তাঁরা বিভিন্ন নিয়ম-নীতি তৈরী করে দিলেন।

যারা আল্লাহর রসূল ﷺ-এর প্রতি একবার মিথ্যা আরোপ করেছে, তাদের হাদীস গ্রহণযোগ্য নয়।

যারা সাধারণ লেনদেনের ক্ষেত্রে মিথ্যা কথা বলে, তাদের হাদীস গ্রহণ করা যাবে না।

বিদআতী ও খেয়াল-খুশীর পূজারী (যারা নিজের জ্ঞান ও বিবেক দ্বারা কুরআন ও সুন্নাহর ব্যাখ্যা করে এবং নিজেদের বিবেক ও ইচছামত কোন মত পোষণ করার পর কুরআন ও সুন্নাহ থেকে তার দলীল খৌজে সে রকম) লোকদের বর্ণিত হাদীস নেওয়া যাবে না।

যারা যিনদীক, ফাসেক ও গাফেল মানুষ তাদের নিকট থেকেও হাদীস বর্ণনা করা যাবে না।

আরু এ সব জানার জন্য তাঁরা বড় বড় গ্রন্থ রচনা করলেন। হাদীস বর্ণনাকারীদের অবস্থা নিয়ে বিস্তারিত রচিত গ্রন্থাবলীকে বলা হয়, কৃতুরূ

রিজাল ও কুতুবুল জারহি অত্তা'দীল। আর এ বিষয়টি হল, ইলমুর রূষাত বা ইলমুর রিজাল (রিজাল-শাস্ত্র)।

হাদীস সহীহ অথবা যয়ীফ তা জানার জন্য রচনা করলেন বিভিন্ন নিয়ম-কানুন ও সুন্দের বই-পৃষ্ঠক; যা আমাদের নিকট ইলমু মুস্তালাহিল হাদীস' নামে পরিচিত।

সহীহ ও যয়ীফের মাঝে তমীয় করে হাদীস গ্রহ রচনা করলেন।

কিছু গ্রহ লিখা হল কেবল সহীহ হাদীস নিয়ে। যেমন, ইমাম বুখারী ও মুসলিম সঞ্চয়ন করলেন দুটি বড় বড় গ্রহ; যে দুটি এক কথায় 'সহীহায়ন' নামে প্রসিদ্ধ।

এখানে একটি কথা বলে রাখা ভালো যে, বুখারী শরীফের সমস্ত হাদীস সহীহ বলতে যে হাদীসগুলি ইমাম বুখারী সনদসহ 'কালা হাদ্বাঘানা' বলে উল্লেখ করে বর্ণনা করেছেন সেগুলির সবটাই সহীহ। কিন্তু হাদীসের শিরোনামে তিনি কিছু কিছু যয়ীফ হাদীস উল্লেখ করেছেন। তা শুধু এই বলে সতর্ক করার জন্য যে, উল্লেখিত এ হাদীসটি সহীহ নয় অথবা এটি সহীহ হাদীস বিরোধী। অথবা অন্য কোন উদ্দেশ্যে তা উল্লেখিত হয়েছে, যা হাদীসের ছাত্ররা সহজেই অনুমান করতে পারে।

পক্ষান্তরে কিছু গ্রহ প্রণীত হল সহীহ ও যয়ীফ উভয় নিয়ে। কিন্তু অধিকাংশ ক্ষেত্রে বলে দেওয়া হল যে, এই হাদীসটি যয়ীফ, অথবা বিরল, অথবা সহীহ হাদীস বিরোধী, অথবা দলীলের অযোগ্য ইত্যাদি। যেমন, আবু দাউদ, তিরমিয়ী, নাসাঈ ও ইবনে মাজাহ; যেগুলি এক কথায় 'সুনানে আরবাআহ' নামে প্রসিদ্ধ।

উপরে উল্লেখিত মোট ছয়টি গ্রহকে এক কথায় 'কুতুবে সিতাহ' বলা হয়। বলা বাহ্য, প্রচলিত 'সিহাহ সিতাহ' কথাটি ভুল। কারণ, সুনানে আরবাআর মধ্যে যয়ীফ ও জাল হাদীসও বর্তমান।

কিছু গ্রহ রচিত হয়েছে কেবল জাল হাদীসকে কেন্দ্র করে। মানুষকে সতর্ক করার উদ্দেশ্যে লোকমুখে প্রচলিত ও প্রচারিত যে সকল হাদীস আসলে আল্লাহর রসূল ﷺ-এর হাদীস নয়, তা জানিয়ে দেওয়ার উদ্দেশ্যে ঐ সকল গ্রহ রচনা করেন উলামাগণ।

যত দিন যায় হাদীস নিয়ে গবেষণা তত আরো বেড়ে চলে। যুগে যুগে কালে কালে মুহাদ্দিসগণ হাদীসের ভেজাল রক্ষার জন্য কাজ করে যাচেছেন। এ যুগের সর্বশ্রেষ্ঠ মুহাদ্দিস শায়খ নাসেরুন্দীন আলবানী (রাহিমাল্লাহ) হাদীসের বড় খিদমত করে গেছেন। হাদীসের সিংহভাগকেই তিনি চিহ্নিত করে গেছেন এই বলে যে, এটি সহীহ, এটি যয়ীফ এবং এটি জাল।

সে সব হাদীস পৃথক পৃথক প্রস্তাকারে প্রকাশিত হওয়ার সাথে সাথে কম্পিউটারায়ও হওয়াতে আরো সহজ হয়েছে সহীহ হাদীস জেনে আমল করার ব্যাপার।

তবুও সতর্কতার বিষয় যে, মহানবী ﷺ বলেন, “শেষ যামানায় অনেক ধোকাবাজ মিথ্যুক লোক হবে। তারা তোমাদের নিকট এমন এমন হাদীস নিয়ে উপস্থিত হবে, যা তোমরা শুনে থাকবে না এবং তোমাদের বাপ-দাদারাও না। সুতরাং তোমরা সেই সব লোক থেকে সাবধান থেকো; যেন তারা তোমাদেরকে ভ্রষ্ট না করে এবং ফিতনায় না ফেলে দেয়।”<sup>১৯৩</sup>



<sup>১৯৩</sup> (মুসলিম, মিশকাত ১৫৪নং)

## হাদীস য়য়ীক কেন?

একই উত্তাদের ছাত্র বিভিন্ন মানের হয়ে থাকে। কেউ থাকে প্রথম বৃদ্ধিমান ও সৃতিশক্তিমান, আবার কেউ হয় নিরেট বোকা। কেউ মুখস্থ করে অনেক দিন যাবৎ মনে রাখতে পারে, আবার কারো বা মুখস্থই হয় না। কেউ নিজের বই-খাতার প্রতি অতি যত্নবান হয়, কেউ অবহেলায় তা নষ্ট করে ফেলে। হাদীসের ছাত্রাও অনুরূপ। যাঁরা ভালো ছাত্র তাঁদের হাদীস সহীহ ও সচল। কিন্তু ঐ শ্রেণীর যাঁরা খারাপ ছাত্র তাঁদের হাদীস দুর্বল ও অচল।

মোটামুটি কয়েকটি কারণে হাদীস দুর্বল হয় :-

- (১) হাদীসের বর্ণনা-পরম্পরায় কোন বর্ণনাকারী ফাসেক, অবিশুক্ত বা অনির্ভরযোগ্য হলে।
- (২) কোন দুর্বল-শ্মৃতির বর্ণনাকারী থাকলে।
- (৩) রিজাল-সূত্র কোন জায়গায় ছিন্ন থাকলে।
- (৪) বর্ণনায় অপেক্ষাকৃত উত্তম বর্ণনাকারীর বিরোধিতা থাকলে।
- (৫) অন্য কোন হানিকর দোষ বর্তমান থাকলে।

এ ছাড়া এমন বর্ণনাকারী, যার নির্ভরযোগ্যতা ও বিশুস্ততা বিতর্কিত, যে হাদীস বর্ণনায় অনেক ভুল করেছে এবং নির্ভরযোগ্য প্রসিদ্ধ বর্ণনাকারীদের বর্ণনায় বিরোধিতা করেছে, শেষ জীবনে যার সৃতি-বিকৃতি ঘটেছে এবং তার পরে হাদীস বর্ণনা করেছে, যার নির্ভরযোগ্য কিতাব নষ্ট হয়ে গেছে এবং তার পরে নিজের সৃতি থেকে হাদীস বর্ণনা করেছে, যে বাচ-বিচার না করে সবল-দুর্বল সকল বর্ণনাকারীর নিকট থেকে হাদীস বর্ণনা করেছে, তার হাদীস গ্রহণ করার ব্যাপারেও মুহাদ্দেসীনগণ বড় সতর্কতা অবলম্বন করেছেন এবং এই শ্রেণীর বর্ণনাকারীদের হাদীস যে সহীহ নয়, তা চিহ্নিত করেছেন।

সুত্রাং আমাদের উচিত, দুর্বল ও ভেজালমার্কা হাদীস বাদ দিয়ে সবল  
ও বিশুক্ষ হাদীস দ্বারা আমল করা। আমাদের কেউ যখন ব্যবহারিক কোন  
জিনিস ক্রয় করতে যাই, তখন বড় সতর্কতার সাথে দুর্বল ও ভেজাল  
দেখলে তা বর্জন করে মজবুত ও ঝাঁটি জিনিসই গ্রহণ করি। তাহলে এই  
সতর্কতা কি ধীনের ব্যাপারে, আমাদের ঈমান ও আমলের ব্যাপারে অধিক  
জরুরী নয়?

আন্নাহ আমাদের সকলকে হেদায়াত করুন। আমীন।

وَصَلَى اللَّهُ عَلَى نَبِيِّنَا مُحَمَّدٍ، وَعَلَى آلِهِ وَصَحْبِهِ أَجْمَعِينَ.